

UTL AT DOWNSVIEW



D RANGE BAY SHLF POS ITEM C
39 11 03 20 08 006 4

HNB 10/6/66

DR
568
.8
C36A3

Cemāleddīn, Mehmed
Ḥatīrāt-ı siyāsiyesi

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

ŞEYHÜLİSLAM CEMALETTİN
HATIRATI SİYASİYE



Cemāleddin, Mehmed, 1849-1904
Hātīrāt-ı siyāsīyesi

شیخ الاسلام مرحوم جمال الدین افندی حضرتلرینک


خاطرات سیاسی

۱۳۳۰ سنه مصرده تخریر الیئدر



۱۳۳۶

DR
568
18
C36A3



998497

شيخ الاسلام مرحوم جمال الدين افندي حضر تليكنك

خاطرات سياسيه سي

۱۳۳۰ - سنه مسوده مخبر المشرق

ساحه کائناتده سرزده ظهور اولان شؤنات؛ و على الخصوص بين الملل وقوع بولان محاربات بر چوق اسباب و عواملك محصاه سي اولوب ظاهرده کوريلديكي کبي على الفور حادث اولش شيلر دکدر، تحائف تاريخ بو حقيقتي ناطقدر. بناء عليه حرب اخير مشؤمى [۱] توليد ايدن اسباب صحيحه ي حقيه اklamق اچون ماضيه ارجاع نظر اتمک و دور انقلابمزک مبدأندن حربك تيجه سنه قدر جريان ايدن وقوعاتك باشليجه لرني برر برر سعيده ميزان تدقيق ايلک مقارن حق و صواب اولور.

مشروطيتك بو دفعه كي اعلاننده خدمت فتواده بولنيور ايدم. تموزك اون برنجي صباحي غزته لرده منظورم اولان اعلان رسميدن استبشار كيفيت ايلدم. چونكه او كيجه صدراعظم سعيد پاشا [۲] لك تحت رياستنده اوله رقي ييلديز سراي هايوننده فوق العاده انعقاد ايدن مجلس و كلايه دعوت اولنماش ايدم.

يوم مذکورده بر معتاد باب فتوايه کيتم. صنوف اهاليدن بر جم غفير باب عالييه عزيمتله اظهار شادمانی ايتدکري کبي اورادن دائره حربه يه اوغرايه رق وقت عصرده باب فتوايه کلديلر. در حال دائره مشيخنك حولي يه ناظر اولان مدخلنه چيقارق جماعت حاضره نك حسيات مسرتکارانه لرينه اشتراك ايله کنديلرني تبريك و کوستريلن آثار منتداري يي تلغرافله ذات حضرت پادشاهي يه عرض ايده جکمي افاده و تبليغ ايتدم. نشوة حريته پک جوشمش اولان بو کتله ناسک ناصيه لرنده علام سروردن زياده مشروطيتك ينه دوام و استقرار

[۱] بالقان حربى .

[۲] اعيان رياستنده وفات ايدن کوچوک سعيد پاشا .

ایده میه جکی اندیشه سندن متولد بر عصیت و هیجان آثاری نمایان اولمده ایدی. او اشناده خلقک اوموزلری اوستنه چیقان بر ذات، اسکی ماجرا اردن طوتدیردق شدید بر نطق ایرادینه باشلادی. ذاتاً متهیج اولان بو جماعتک تأثیر نطق ایله غلیانه کلکده اولدیفنی حس ایدنجه مومی الین سوزینی کسهرک «بک افندی نائل اولدیغمز نعمت مشروطیتی چکه مینلر، تقرر و دوامنی ایسته مینلر یوقیدر ظن ایدیورسکمز، اوروپالیر بو کون بزه نظر حیرت و تقدیر ایله باقیور، نه یولده حرکت ایده جکمز عطف نظر دقت ایدیور. بو دفعه ده مشروطیتک تأسس و بقاسنه موفق اولامازسق حالمز یمان و عدم قابلیتیز بتون جهان عیان اولور. هپ ال برلکیله و کمال اعتدال و وقار ایله مقصدمزک حصوله چالیشلم. حس انتقامی اوایندیه جق اوفق بر وقعه حدوتنه سبب اولدیغمز حالده او وقعه بیویهرک معاذالله قان دوکوله سنه باعث اولور و مملکت مزده اجانبک کثرته بناءً مداخله خارجییه وقوعیه قورقیدیغمز باشمزده کلیر. تعمیرینه چالیشدیغمز بوبنای عظیمی کندی الیزله می یقیه جغز. الله عشقنه تعدیل لسان ایت. شمدی جه مزه فرض اولان؛ بو نعمتک خالصانه شکرینی ایفا ایله قانون اساسینک تطبیقنه حصر آمال ایتک و بو بایده حکومته مظاهرت ایله مکدر» دیمه له مومی ایله سوزینی مجرای دیگره تحویل و خلقک هیجاتی بر آز تعدیل ایدی. مع هذا مواجهه مده بولنانلردن بعضیلری عصیتلرینه غلبه ایده میهرک «بو دفعه ده حریمیزی الیزدن آیرسه کز هیکزی پارملرز» دیمه لینه جواباً «افندیلر، اصول مشورت اساساً موافق احکام شریعت اولوب زمان دخی بوکا احتیاج کوسترمکه اردونک و بالجله احباب حیتک ارزوسنه و پادشاهمزکده بو احتیاجی تقدیر ایله ارزوی عمومی نی تصویب بیورمالرینه بناءً صورت قطیه ده تأسس ایتمش و فیابعد نقض و ابطاله امکان قالماشدر.» کلمات مقنعه سیله تطمین افکاره مسارعیت ایتدیکمدن جمله سی اظهار ممنونیت و فرداسی کون برای تشکر ییلدیز سرای هایونه کیتمک اوزره دائره حریبه میداننده اجتماعه قرار ویردرک عودت ایتدیلر. بو صروده جماعتک سر آمدانندن اولوب اطرافیی احاطه ایدن ذواته خطاباً «بویله بر جمعیت عظمی ایله سرای هایونه کیدیلرسه ذات شاهانه جه موجب خلجان اولوق احتماله بناءً محظوردن سالم اوله ماز. بوکون باب عالی ایله حریبه و مشیخت دائره لرنده ابراز ایتدیککمز آثار منتداری بی پادشاهمزک وکیللری اولدیغمزدن همان مابین هایونه عرض ایتککلمز طبعیعدر» مقدمه سیله جماعتی بوفکردن واز کچیرمک صواب اوله جغنی اختطارد. قصور ایتدم.

ایرتسی بازارکونی علی العاده مجلس وکلاده بولنیور ایدم. وقت عصرده باب عالی نی احاطه ایدن بر جمعیت عظیمه بو عاجزی خارجه دعوت ایتلریله غلبه لک ایچنده سوء تفاهمه محل قالماق

اوزره ایچلرندن بر قیاج ذاتی انتخاب ایله دائرة صدرته کوندرملرینی بالواسطه رجا ایندیگمه بناء تنفس اوطه سنه کلن دوت ذات ایله ملاقات اولندی .

بولردن بری باب فتوایه کلنلر میاننده کوردیکم مکاتب اجنبیه مفتشی صادق بک ایزی . کلامه ابتدار ایله « اهالی دونکی نصیحتکیزی حسن تلقی ایدهرک یلیدیزه عزیمدن صرف نظاره سزه مراجعت ایتک اوزره کلدک . حاضر لادیغمز عریضه تشکریه بی ملت نامنه ذات شاهانهیه تقدیم ایتکیزی جمعه رجا ایدیوروز دیمکه مع الافتخار بو ولیفهی ایضا ایدجکمی افده و قبال اولهوق ویردکلی بر طرفی مستعجباً مجلسه کیوب کینیتی وکالیه حکایه ایتدم . مظهر و غلک مضنون اطراف آرزوسنی کوستولری بریکلرده عریضه تشکریه مکشوفاً تقدیم مه افتد ایتلری اوزرینه مجلسده لدی القرانه مشروطیتک قان دوکدکمیزین احسان بیلمسندن ناشی عرض تشکرات ایله برابر پادشاهک مرضیه و مملکتک مسعته مخالف حرکتده بولغابندن طولانی حقیرنده امنیت سومیه منسلب اولان مابین هایون ارکان نافده سندن ذوات معروفک قریب شاهانندن تبعیدلری استدعاسندن عبارت اولدینی آکلاشیادی و تقدیمه و ساطم وکلاجه تصویب ایدلدی . یالکز صدر اعظم سعید پاشا بویله بحرانی و قتلرده مقام مشیخته بولنان ذاتک مابین هایونه اعزاملری نهکی مقصده مستند اولدینی تاریخچه مضبوط اولسنه نظرأ بالذات عزیمت توهم شاهانهیه موجب اولقی احتمالیه مبنی عریضه تشکریه بکرتد کوره خصوصیه ایله تقدیمی مناسب اوله جفنی بحرمانه اخطار ایتش ایهده بو باشند صلوه حرکت خلقک اعتمادینی سلب ایدجککندن بالذات تقدیمی اولی کوردم . او صروده مابین هایوندن کلن بر تلغرافنامه اوزرینه صدر مشارالیه همان عزیمت ایتش و مجلسک مذاکراتی ختم بولنش اولدیفندن بو عاجزده مشارالیهی تعقیماً سران هایونه کیتدم و بعدالاستیذان یالکزجه حضور شاهانهیه قبول اولهوق تفصیل حالی عرض ایله عریضه بی تقدیم ایتدم .

مکر اوکونده طیه مکتبی طلبه سیله اهالیدن خیلی کیمسه لر یلیدیزه کیدهرک پادشاهم چوق پاشا زمزمه سیله ذات شاهانهک کنایلرینه کورشمی استرحام و مابین هایون ارکان ایسه مومی الیهه محتلو طیت سنیه و سلام شاهانهی تبلیغ ایله طلبه کت عودتی جهتق التزام ایتلرینه و طلبه استرحاملرینی تکرار ایدهرک ساعتارجه دوام ایدن بو حال بین خلقنجه و بخصوص حرم هایونجه موجب اندیشه و خلجان اولسنه مبنی بونترک صورت حکایانده طایعیدنسی ایچون صدر مشارالیه جلب اولونمش و حضور بولونده بولوندییم ائنده سرای خارچندهکی خلقک آره صره یوکسک صدا ایله زمزمه دعائیلری ایشیدملکده بولنش ایدی

بناء علیه سلطان عبدالحمید خان جضرتلرینی بر حال تهمیج واضطرارده بولدم . مع هذا سکینت

و وزیرینی محافظه ایله معروضاتی استماع و مال عریضه به کسب اطلاع ایستد کده «معیتده بولغانلردن عزت پاشا چوق سویلر برکیمسه اولدیغندن سوزلرینه اهمیت ویرم؛ یالکیز حجاز تیموریولی ایشنده یرارلغی کوردیکم جهته، استخدام ایدیورم. خطک رسم کشاننده بولوغق اوزره بو بخشیه کونی شاهه عزیمتی مقرر ایدی. ده اول حرکت ایتسنی تنیه ایدهرم. ابوالهدی افندی ایسه سرایده بر وظیفه ایله مکلف دکلدر. یلکه ایکی آیده برکندیسینی کوریورم دیگرلرینک ده حکم واهیتی یوقدر. سزک قارشو کزده ایراد نطق ایدنلر؛ برادرک پاره می ایله سوز سویلیه نلدر. بونلر هپ تحریکات اثریدر. «بیورملریله خاقان مشارالیه حضرتلرینک محاکات فکریله لی حالا قوه و اهمه نک تحت تأثیرنده بولوندیغنی و حقمده سؤ ظن و اشتباهه دوشدکاریخی حس ایلدیکمن بویله بحرانی کونلرده هر وقتدن زیاده حقایق احوالی خلیفه ذیشانیه تصویر و بیان ایتک عهده دیاتمه ترتیب ایدن بر وظیفه دینه اولدیغنی و بناء علیه معروضاتک بر حقیقت محضه ایدوکنی دین و ناموسم اوزرینه قسه اوله تأیید ایستکدن صکره «مشهودهایونکیز اولان بوتیهجات؛ نه برادر مکرم لیکزک و نه ده بشقه کیمسه لک اثر تشویق و القاسیدر. آنجق احسان بیوردیغکز حریتک حاصل ایتدیک سرور اجناسیدر. سنه لردنبری دوچار تضیق اولان افکار عمومی عثمانیه دفعه فرجه انبساط بولنجه بویله سرور ایله مزوج بر هیجانات حصولی طبیعیدر. نه کیم بر محله تضیق ایدن هوا دیگر جهته حریان ایتدیک صرده فورطنه شکلی اکتساب ایتک قانون طبیعت اقتضاسیدر. افندیز بو بایده آرزوی عمومی بحق تقدیر ایله مشروطیتی قان دو کولکسزین احسان بیوردیغکز جهته قلوب امتده یکی بر موقع و احترام محبت قازاندیکز.

دها طوغریبی بو کون یکیدن جلوس بیوردیکز»، کیاست منسله شاهانه کرایه جانجه بو حقیقی تقدیر ایله موقع جدید کزی محافظه بیوروکز. بوده مشروطیتک تأیید و استقراری حقنده کی حسن نیته عزیمهایونکیزک موجب اطمینان اوله جق صورتده افکار عمومی به تلقین و تبعه شاهانه کزله ازسرنو مناسبات حسنه تأسیس بیورلماسنه متوقفدر. زیرا کوردیکمز هیجاناتک، سابق وجهه مشروطیتک دوام ایده مامسی ظن و مطالعه سندن ایلری کسبی ده احتمالدن بعید دکلدر» دیدم.

خاقان مشارالیه بو معروضاتی کمال دقتله دیکلدکدن صکره صاغ طرفده او طور دقلری قولتوقدن قیام ایله بولندیغ موقعک صول جهتده کی صندالیه به قعود ایدهرک «بدایت جلوسده قانون اساسی بی ملتک هنوز قابلیتی اولادیغنی اخطار ایدنلره رغماً کندم اعلان ایتشدم. مؤخر ا رومیه محاربه سی ظهور ایتدی. انسانی حربده طلبه علوم مجلس مبعوثانه مراجعتله مطالب غیر مناسبه ده بولندیلر. بو حال ایله مجلسک دوامی دولتجه داعی محذورات اوله جفی اکلادیغمن قانونک بخش ایتدیک صلاحیتیه بناء صورت موقته ده تعطیله مجبور اولدم. مؤخر ا بر قاچ دفعه

کشاد ایتک نیتند بولندیځ حالده مانملر ظهور ایتدی. مع ذلك ملکیه مکتبی کی تربیه افکاره خادم اوله حق مؤسسائی وجوده کفر مکده استحضار قابلیته چالشم. بودغه کوستیلرین ارزوی غومیدن او قابلیتک حصولی استدلال ایدرهك وکلانک قرارینه انتظار ایتکمزین مجلس مبعوثانک کشادینی اراده ایتدم. سز شیخ الاسلامکمز. ایشته حضور کزده قسم ایدیورم. مشروطیتی هیچ بر زمن رفع و ابطاله تصدی ایتیوب دوام مرعیتانی بالذات التزام و سلطنتده بولندځه محافظه سینه سعی واقدام ایله بومسلکدن انحراف ایتیه حکمه والله بالله تالله» دیه ایمان مؤکده اتیان ایتدکدن صوکره «سزده بومینمی مع القمم لغالیه تبلیغ ایدیگز. انشالله جمعه کوئی دول معظمه سفر اسنی ده دعوت ایدرهك بوباید کی عزیم و نیتک قطعی اولدینی دولت متبوعه لرینه تبلیغ ایتلرینی توصیه ایله بتون اوروپایه تأمینات سیاسیه ویرم حکم» بیوردیلر. و ارکان ایتندن بمضیمی اوکیچه عزل ایله دیگر لرینک ده سرای هایونی ترک ایدرهك خانه لرینه کیتمه لرینی اراده ایتدیلر.

بعد المغرب ساعت درده تقرب ایتدیکی حالده طویه طلبه سی هنوز عودت ایتامش اولدقلرندن مابین دائرده سنده بو ایشله مشغول اولان صدراعظمک نزدینه عزیمتله مسئلهنک حل ایدلمه سنی فرمان بیوردق لرینه بناء «مشارالیهک بولندیځی محله کیتدم. حربیه ناخاری عمر رشدی یاشا ایله طوپخانه مشیری زکی باشاده اوراد ایدی. صدر مشارالیه باب عالیدن سرای هایونه ووردنن بری بونلره نصایحدن خالی اولمامش ایهده اسماع کلام قابل اولمادیځی بالا فاده اتخاذه اولنه حق تدبیر حقنده آرایه مراجعت ایتدی. بر طرفدن غیر مصالح عسکر معرفتیه معامله شدت کوستریلیسی رای عجیبی اورتهیه سور بلدځه» بویولده بر معامله قطعاً جائز اولاماز، شوکت مآب اقدمرک همان مابین دائرده سنی تشریف ایله بونلری تاطیف بویورملری مناسب اولور.» دیمککم اوزرینه اوراده حاضر اولان قراندن رضا بک فی الحال ذات شاهانه یه عرض کیفیت ایتسینی متعاقب تشریف هایون وقوع بولدی. و سالونک خبره لری آچینه رق طرف شاهانه دن جهل سینه التفات بیورلمقنه طلبه دعای سابقی تکرار ایدرهك طاعیلدی. وقت عصر دن کیچه یازیسینه قدر مابین هایونی اشغال ایدن کوچوک بر مسئله بو صورتله حل اولوندی.

شایان عبرتدرکه بعضی مقربین علیهارنده شکوی اولغنی احتمالی ملاحظه ایدرهك پادشاهانه مات آراسنده تماس وقوعی آرزو ایتدکلری بر زمانده او صورتله شکایتی حاوی اولان عریضه بو عاجزه تودیه حاضر هایونه تقدیم اولغش ایدی.

خاقان مشارالیه «برآز استراحت ایدم» دیهرك صدراعظم سعید پاشا ایله بو عاجزی کندی لرینه مخصوص اوطیه قبول بویوردیلر. صدر مشارالیه خطاباً «مجلس مبعوثانک کشادینی اراده ایتدک. شیمدی انتخاب اجراسیله مبعوثلرک بر آن اول طوپلانغی اسبابنه توسل اقتضا

ایدرکن خلقک اعلان شکر و شادمانی رسیده سیاه بویله فوج فوج ، بینه و دوائر حکومت کیتملری و طاقم طاقم زقاقلرده طولاشملری دوام ایدرسه وظیفه اساسیه معطل و مملکتک راحتی مختل اولور . بوبابده دولته بر تدبیر اتخاذ اولونمالیدر . « بیوردقلرنده سعید پاشا حقمده برجهه نامه ایله توطئه کلام ایدرک » قولکنز اهلیمزک هنوز مشروطیه قابلیت کسب ایتدکاری بالدفعات افندمره عرض ایتدیکم حالده اصغای بیورنمادی . « دیمی اوزرینه خاقان مشارالیه «نجایب» بن برشی سویلیدیکم وقت مقصدی کتم ایله ضمیرمک خلافی سویله یورم ظننده بولنه رق هپ عکسی جهتی التزاماً اداره کلام ایدیورسکنز . مبادی جلوسمده سر خدمت کتابتده بولونیورایدیکز ، جریان ایدن احوال و معاملات تامایله واقفسکنز . و قتیله مشروطیتی ملتیه جمیله اولارق ویرمشم . اوزمانده بو عدم قابلیت اورتهیه سورولدی . فقط عزیمده ثبات ایتدم . صوکره مجلسک موقتاً تعطیلی و شمیدییه قدر کشاده موفق اولامدیغمک اسبابی سزجه معلومدر . بو دفعه کوستریلن آرزوی عمومی ، ققدانی ادعا اولونان قابلیت ملیتک حصوله دلالت ایتدیکی جهته مجلسک هان کشاد ایدلمسنی اراده ایتدم . بناء علیه بوبابده لازم کلن وسائلی استحضاره غیرت بیورده لیسکنز » کلماتی مشهورانه ایراددن صوکره صدر مشارالیهی مستصحباً دیگر اوطیه کیدرک بر از مدت صورت خصوصیه قونوشوب ینه بولندیغ محلی تشریف و کیجه اذانی ساعت بشده ایکیمزکده عوتمره مساعدده بیوردیلر .

ایشته اوزمن صدر مشارالیهک مهیت افکاری و اعلان مشروطیت ایچون جمعه ایرتسی کیجهسی بیایدیز سرای هایوننده انعقاد ایدن مجلس وکلایه دعوت اولتملغمک اسبابی نظر حقیرانه منده تمین ایتکلک شونازک مسائلک حلنده نه کی مشکلاته تصادف ایدجکمزى بالتأمل جناب حقهک عون و صون الهیسنه قلباً التجا و توسل ایتدم . [۱]

پازار ایرتسی کونی حکم اراده سنییهی وسائط مناسبه ایله خلقه اعلان ایتمشیدم . صالی کونی

[۱] استطراد: واقعه سعید پاشانک ملتیه هنوز مشروطیه قابلیت اولمادیغی حقنده کی فکر و ملاحظه سنی و فوعات اخیریه تأیید ایتکلکده ایسهده قانون اساسینک الیک اعلانندن شیمیدییه قدر مکاتب عسکریه و مکیهده و قدیده آوروپاده تحصیل علوم و معارف ایدن کنجلمزده فکر تجدیده حصوله کلن غلبان و اولک نتیجه سی اولارق اوینجی اردوده وقوع بولان اعلان اوزرینه بولک تأخیری جائز اولاماز ایدی . بناء علیه ذات حضرت پادشاهییه بویولده فکر تردد القامیله جهت معکوسیه سوقی داخلأ بر بادره ظهورنه و عالم مدتیجه بدرجهیه قدر حاصل اولان توجه و اعتمادک زوالنه سبب اولابیله جکندن متارالیهک بوفکرینه اشتراکده معذور ایدم . حتی خاقان سابق حضرتلریله وقوع بولان ملاقات خصوصیه مک برنده مشارالیه حضرتلری بو عدم قابلیت ملاحظه سنی تذکار ایله قانون اساسینک مقام سلطنته بخش و تأمین انجش اولدیغی حقوق و صلاحیتی استعمال ایدرک دولتی صورت مشروطیتدهده ادارهیه موفق اولابیله جکرنی درمیان بیورمشلر ایدی .

باب فتوايه و ورود مده دائره مشيختك خارج و داخلي صنوف اهالي و معتبران اجانبه مالا مال بولدم . يشمل پوشيده اور تولش بر مصحف شريفى يد يمناي تعظيمه آلاق دائرهك مدخل داخليسى او كنده كي مرتفع محلدن قسم هايوني لسان پادشاهيدن صدور اينديكي وجه ايله حاضرونه تبليغ و صدق افاده مي تايداً كنندم دخي كتاب الله اوزرينه قسم ايدرك ايجاب حال و موقعه كوره بعض نصايح و وصايا ايله اراحتة قلوبه سمي بليغ ايتدم . فله المنه تاثيرات حسنه سني كوره كله مستريح القلب اولدم .

دائره اهالي و اجانبند خيلي معتبر ذوات نزد عاجزانهم كلهرك بيان تبريكات ايندكاري ائنده كيفيتك صورت رسميه مطبوعات ايله ده اعلاني ايجون قلمه آلايغ مسودهك لفيه ذات حضرت پادشاهي به خطاً يازديغ عريضه مخصوصه كي كوندرك اوزره ايكن دعوتى متضمن مابين هايون باش كتابتندن آلايغ تلغرافنامه اوزرينه سراي هايونه عزيمت و سجاده جي باشي معرفتيله عريضه كي تقديمه مسارعت ايتدم . متعاقباً حضور هايونه قبول اولوندم .

سلطان عبدالحميد خان حضرتلري مطالعات معروضه مي اساساً تصويب و محظوظيت سنه لريني تبليغ ايدرك « بن بو مقصدي دهامهم بر وثيقه ايله تايد ايمك فكرندهم . يارين صباح صدراعظمي دعوتله مذاكره ايدم . بلكه سزى ده جلب ايدرم . » بيورديلر . چهارشنبه صباحي برخبر ظهور ايتديكندن على العاده مجلس وكلا ده بولغق اوزره باب عالي به كيتدم . و كيفيت صدر مشاراليه حكايه ايتدم . كنديلري ده بو يونده بر اراده سنه تلقى ايتدكاريني بيان ايله شمدى مذاكره ايدم . جكر ديدكن صوكره مجلس وكلايه مأمور كامل پاشا ايله وكلا دن ممدوح و حسن فهمي پاشالري و صدارت مستشاريني بالاستصحاب كنديلرينه مخصوص اوطيه كيدرك تخميناً بر ساعت صوكره مجلسه عودت ايتديلر . قولتني يانمه مصادف اولان كامل پاشان استكنه كيفيت ايتديكمده « برخط هايون اصدار بيوريله جقمش . اوني مذاكره ايتدك » ديمه لري اوزرينه اعلان ورقه سنك خط هايونه تحويل و مقصد عاجزانهمك مع زياده تأمين بيوريله جفنى آكلاديغمندن صورت مذاكره كي تعميقه لزوم كوردم .

جمعه ايرتسي كوني مراسم مقتاده ايله باب عاليه خط هايون قرائت اولنه جفندن بحث ايله دعوتى منضم آلايغ تلغرافنامه سمي اوزرينه نزد صدراعظمي به كيتدم . بعد العصر باش مابينجي نوري پاشا ، خط هايوني كتير مكله عرض اوطه سنده قرائت اولدى .

خط هايون قانون اساسي احكامني توضيح و تقويه ايدم . جك صورتده پك كوزل يازلمش ايسه ده صدراعظم و شيخ الاسلام كبي حريميه و بحريه ناظرلرينك دخي طرف شاهانه دن انتخاب و تعيين اولنه جفته دائر بر فقره كي محتوي اولديغنى آكلايجه عظم باشمندن كيتدى . چونكه بو فقره هم قانون

مذکورک صراحتنه همدہ قسمارلہ توثیق بیوریان مقصد عالی یہ مغایر اولدیفنسدن خط هایونک ہیئت مجموعہ سنی حکمدن اسقاط ایدیور ایدی .

صدراعظم اوطہ سنہ عودت ایتدیکندن سامعہم خطا ایتشدن ظنیلہ برای استیضاح مشارالہک نزدینہ کیتدم و وکلادن خارجہ ناظری توفیق پاشا ایلہ حسن فہمی پاشا و حق بک — کہ اخیراً صدارتہ تعیین بیوریان حق پاشادر — وباش ماینجی نوری پاشا اورادہ بولمقده ایدی . سعیدپاشا خط هایوندہ فقرہ مذکورک موجودیتی تصدیق ایلہ « شوکت مآب افندیوز قوماندن اعظم اولدقلری جہتلہ حربیہ و بحریہ ناظرلرینک طرف هایونانرندن انتخاب و تمینی حقوق مقدسہ شاہانہ لرندندر . » دیدی . مشارالہہ جواباً « بو ناظرلر قوماندایہ مأمور اولمایوب بولندقلری دائرہک ادارہ مأموری و برنجی آمرلریدر . حتی بوندن مقدم جلال پاشا کی ملکیہ وزراسندن بعض ذوات بحریہ نظارتہ تعیین بیورلمشدر ایدی اساس اعتباریلہ استدلالکنز طوغری اولمادیفی کی قانون اساسی انتخاب خصوصندہ کی صلاحیت شاہانہ یی مقام صدارتہ مشیخہ حصر ایتدیکندن بو توسیع قانون مذکورک مادہ معلومہ سنہ و تأمینات هایونہ صراحتہ مخالفدر . بناء علیہ افکار عمومہ یی غلیبانہ کتیردرک معاذاللہ بر بادرہ ظہورینہ سبب اولمق احتمالی قویدر . خط هایونی دہ تبدیلہ وقت مساعد اولمادیفندن ہیئت وکلاجہ مسئولیتی درعہدہ ایدرک برای اعلان غزتلرہ ویریلہ جک صورتندن فقرہ مذکورہ یی طی ایدلم و خاکبای شاہانہ یہ کیفیتی علی التفصیل عرض ایلہ خط هایونی تصحیح ایتدیرلم » دیدم .

سعید پاشا علم حقوق متخصصلرندن اولان مشاہیر علماء غربک بعض اقوالیلہ استدلالہ قیام و طریق مغالطہ یی التزام ایدنجہ « اساسہ تعلق ایدن بو شیلری مابین هایون باش کتابتندہ بولندیفکر وقت قانون اساسی مسودہ سی قلم تصحیح فخیانہ کزدن کچرکن نظر مطالعہ یہ آلق ایجاب ایدردی . شمدی قانونک کوستردیکی طریقہ توسل اولمقسزین بر خط هایون ایلہ او مادہ تعدیل ایدیہ مز . تکلیف داعیانہم قبول بیورلمادیفی حالہ خطای واقعدن ترتب ایدہ جک مسئولیت عظیمہ یہ اشتراکدہ معذورم » دیدم و کیفیتی اولدیفنی کی ذات شاہانہ یہ عرض ایتسنی نوری پاشادن رجا ایلہ ساحلخانہ عاجزانہم عودت و خدمت فتوادن استعفای متضمن ذات حضرت پادشاهیہ خطاباً یازدیف عریضہ مخصوصہ یی علی الصباح تقدیمہ مسارعت ایتدم . آراسی چوق کچمکسزین واقع اولان دعوت هایون اوزرینہ اسباب استعفای ذات مصلحتہ تأثیری طبیعی اولان سؤ تقہمہ میدان ویرمیہ جک صورتدہ ایضاح ایتک مقصدیلہ سرای هایونہ کیدہرک سلطان عبدالحید خان خضر تلرینہ دائرہ مخصوصہ لری صالونک قاپوسی یانندہ ملاقی اولدم : بو عاجزی کورنجہ « امان شیخ الاسلام افندی بویلا کوندہ بی ناصل یالکنز براقیورسکنز استعفا کزی قطعاً قبول ایتم عریضہ کزی

شق و احبا ایتدم» دهرک بویخی تقیل ایله اظهار توجع بیورملری رقت قلبی مؤدی اولدیفندن بلا اختیار بکا ایله «اولی نعمت ذات همایونکزه و وطنه اولان صداقت و ارتباطم ایجابجه قسملره وقوع بولان معروضاته نیچون اعتماد بیورلمور؟ ذات شاهانه کزک و دولت علیه کزک سلامتی، اوغرنده حدیج صرف ایتدیکم غیرت و مساعی وهم و غرض محصولی اولان تلقینات ریاکارانه ایله محو و تباه اولور» دیه کستاخانه سرزنشدن کندمی آلامدم .

خاقان مشارالیه «حقکز وار بنده ایشک اهمیتی اکلادیغمدن خلقجه حصوله کلن غلیانی تسکین ابدجک تدبیر اتخاذینی صدراعظمه توصیه ایتدم. تصحیح افکار ایچون شمعی برشی فلمه آلمقدردر . سزده باب عالییه کیدیکز مشارالیه ایله بوایشه برحسن نتیجه ویریکز» بیورمه لرینه جواباً «افکار عمومیه نك متبیج اولدینی شو صرمده فوق المعتاد باب عالییه عزیزتم تزیید غلیانه سبب اوله بیله جکندن صدراعظم قولکز هر نه یازاجق ایسه افندیمزه عرض و تقدیم ایتسون معروضاتی حقنده کی ملاحظات قاصرانه می ذت شاهانه کزه عرض ایتک اوزره عبد داعیکزک بوراده انتظارم مصلحته دهها موافق اولور» دیدم . بنساءً علی ذلک تعجیل کیفیت ضمننده صدارته تلفراف کشیده سفی مابین باش کاتبی جواد بکه اراده بیوردیلر .

اقسامه قدر چیت قصرنده بعدالانتظار یاتسرو وقتنه قریب قراندن امین بک صدارتدن حضور همایونه تقدیم اولنان عریضه نی کتیردی و مندرجاتی حقنده کی مطالعه قاصرانه مک تحریراً عرضی فرمان بیورلدینی تبلیغ ایتدی . ایکی صحیفه اوزرینه مضبطه طرزنده یازلمش اولان بو عریضه ده سعید پاشا اوکون سالنیکدن کلش اولان طلعت و جاوید بکلره باب عالیده جریان ایدن مذاکراتی بسط و تمهید ایتدکدن سوکره فذلک کسندنه مشارالیه ما طرابلس غرب فرقه عسکریه سی قوماندانی رجب پاشانک حربیه نظارته تعیینی لزومنده اصرار ایدوب حال بوکه حربیه و بحریه ناظرلرینک طرف اشرف حضرت پادشاهیدن انتخابی حقوق مقدسه شاهانه دن اولدینی حاله «مجلس وکلانک عضو مهمی اولان ذات شیخ الاسلامی بوکا مخالفت» و افکار عمومیه ده اوجه تامل ایتدیکنی و بر مسئله مهمه دن دولایی بین الوکلا اختلاف آرا وقوعنده قاینه نك استغایه مجبوری قانون اساسی احکامندن بولندینی درمسان ایله خدمت موکوله دن عفو لری استرحام ایتش و ذیل عریضه ده صدر مشارالیه ایله وکلادن ممدوح و حسن فهمی پاشارک و برده خاطر عاجزانه ده قالیان وکلادن دیگر بر ذاتک خدمت لری کورلمشدر .

صورت استعفا حکم قانونه و قبولی ده ایجاب مصلحته موافق اولدیفندن بر موجب قانون اساس خدمت صدارت نزد شاهانه ده حائز امنیت بر ذاته تودیع بیوریلهرق مشیختدن باشقه دیگر نظارت لره صدر جدید طرفندن مناسب لری بعدالانتخاب اجرای ماموریت لرینه اراده سیه شرفصادر

اولور و علی اعاده خط هایون ایله ده تأیید بیوریلورسه خطای سابق تصحیح و افکار عمومی ده کی غلبان تسکین ایدلش اولور مألنده بر مطالعه ناه عرض و تقدیم ایتدم .

صدارت کامل پاشایه تفویض بیورلیدن برلکده هیئت وکلانک تشکیلی فرمان بیورلیدنی مشارالیه امین بک تبلیغ ایتکله . این دأره سنده بولنان صدره مشارالیه نزدیکه عزیمت و کندیلرینه مظاهرته مأمور اولدنی . افاده ایتدیکمه حاضر لامش اولدنی لیسته یی ارائه ایتدی .

حق و اکرم بکلرک دخل اولدنی بو ترتیبی موافق بولوب انحق حربیه نظارتنه مشیر رضا پاشانک انتخاب اولدنی کوردیکمه قدم و اهلیتیه برابر عامه جه مظهر اعتماد اولان رجب پاشانک تعیین دها مناسب اوله جفی اخطار ایتدم . ذات شاهانه مشارالیه رئیس جمهور یا پیله جفی اندیشه سیله نظارت مذکوره یه تعیینی تسیب بیورمادقلرندن دیگر او طه ده حاضر اولان طلعت و جاوید بکلرک اخطاری اوزرینه رضا پاشایی یازدنی سویله دی .

صدر مشارالیه طعام ایتک اوزره دیگر او طه یه چیقارک یالکیز قالدیغمه سرقرنا نوری پاشایی جلب ایله « پاشا ، سز دیندار و ناموسلی بر عسکر سکیز . دولتک سلامتی نخبه آمالکیز اولدنی بیلیم . افکار عمومی جه رجب پاشانک حربیه نظارتنه تعیینی ارزو اولنیور . شوکت آب اقدیمز ایسه رئیس جمهور نصیب احتمالیله احتراز بیوریلورلر ایش . حالبوکه قانون اساسی ناطق اولدنی اوزره دولتمزک دین رسمیی اسلامدر . نصب امام ایسه شرعاً امت اوزرینه واجیدر . جمهوریتله اداره اولان حکومتدره اولدنی وجهله بزده هیچ بر زمان صورت توقینده جمهور رئیس تعییننه امکان یوقدر . بوکا شریعت احمدیه و اکثریت عظیمه یی تشکیل ایدن تبعه مسلمه مساعده ایده مز . خدانکرده بو جهته کیدیله جک اولورسه معاذ الله بو دولت منقرض اولور . شوکت آب اقدیمزک ایاقلرینی اوپریم ، بو یولده کی القات و همیه اهمیت و یرمه سینلر ، رجب پاشا دیانت و ناموس ایله مشتهر و مسلک نجه مقتدر بر مشیردر ، حربیه نظارتنه تعیینیه افکار عمومی یی تطمین بیورسونلر ، بوندن تولد ایده جک هر مسئولیتی مع العجز درعهده ایدرم بوبله جه عرض بیورون » دیدم .

مشارالیه نوری پاشا حضور شاهانه یه کتیدی و عودتله مساعده بیورلیدنی تبشیر ایتدی . ذات حضرت پادشاهی متعاقباً باش کاتب جواد بکیم صدر جدیده کوندردرک مساعده هایونلرینی تأیید بیورمالریله رجب پاشا حربیه نظارتنه بالانتخاب وکلانک اسامیسی محتوی دفتر طرف صدارتدن صورت رسمیه ده عتبه ملوکانه یه عرض اولنهرق اول بایده شرفسطیر بیوریلان خط هایونی مستصحباً معتاد اوزره باب عالی یه کیدلدی و قرائت خط هایون ایله برکون اول افکار عمومی جه حاصل اولان غلبان تسکین ایدلدی .

هیئت جدید و کلا قانون اساسینک جهت تطبیقنه عائد وظائفی عمده مقاصد اتخاذ ایدرک اول باول پای تختده و عموم ولایتده سر بستیجه مبعوث انتخابی معاملات اجرا و اكمال ایدلدی و سلطان عبدالحمید خان حضرت تتری بر یوم مسعودده مجلس مبعوثان دائر دسنی تشریف ایله بالذات مجلسی کشاد و قرائت استیبدارکاری نطق هایونلرینک بر فقر دسنده سالف الذکر «رغم» کله سنی ایراد ایله عزم هایونلرنجه متردد اولان اصحاب دقتی ارشاد بیوردیلر . هیئت و کلاجه اتخاذ اولنه جق خط حرکتده دائر تنظیم اولنان بیاننامه دخی دیگر برکونده مجلس مذکورده قرائت اولمغله کامل پاشا قایینه سنه اکثریت عظیمه ایله بیان امنیت و اعتماد اولندی .

انجق اعلان مشروطیتده بردن بره تهییج ایدن و بالطبع حد اعتدالی محافظه ایدمهین افکار عمومیه ابراز جمیله ایله تقویه نفوذ و تحکیم داعیه سنده بولنانلرک اوستریا اشغال عسکرسی تحتده اولان بوسنه و هر سبک ممالک دولت علیه دن اولماسی اعتبار ایله اورادن مبعوث جلی سبانه توسل ایتلری و دیگر جهتن دن دولت عثمانیه نك بر دور جدید ترقیه گیرمسی سببیه تزیید قوت و سطوت ایتمسک اغلب احتمال بولماسی حکومات متجاوریه قوشقولانیدیردیغندن آوستریا دولتی در حال بوسنه و هر سبکی کنسی ممالک نه الحاق و بلغارستان پر نسی دخی قرالغنی اعلان ایتمکله بوا یکی بادره ناکهانی بتون عثمانیلری کر قنار حزن و آلام ایتش و مع التأسف کیفیت الحاق و اعلان و قتیله برلین عهدنامه سنی تنظیم و امضا ایدن دول معظمه جه امر واقع عد و تلقی ایدلدیکندن باب عالینک بو بایده صرف ایتدیکی مساعی آوستریا ایله بلغارستاندن املاک امیریه بدلی اوله رق معلوم المقدار تضمیناب آلقدن یاشقه بر شیئی منتج اولما مشدر . کامل پاشا بدایت مأموریتده اتحاد و ترقی جمعیتی ارکانیه خوش چکنمک و امور اداره ده تعلق ایدن اخطاراتی نظر دفته آلق مسلکخی التزام ایتدیکی حالدده مملکتک هر وقتدن زیاده نازک اولان سیاست خارجه سنی اشکال ایدمک افکار و آمل مغرطیه معروض اولدجه رفته رفته جمعیتله آراسی آچیله رق نهایت لوندره دن مسافرتله در سعاده کیش اولان بالقان قومیته سی هیئتینک انکلاتره سفیری طرفندن رسماً تقدیم و جمعیت جانبدن دخی اولجه کنیدیسه معلومات اعطا اولمق سزین قوناغنده ضیا فته دعوت اولنماسی مغایر اصول کوروب جواب رد ویرمسی اوزرینه ارکان جمعیت صدور مشارالیه کلیاً منفعل اوله رق همان عزلی ایچون ذات شاهانه یه مصرانه مراجعت ایتشار سده قواعد مشروطیتله قابل تألیف اولیان بو تکلیف نزد همایونده ترویج اولنادیغندن بالا خره وقوعه کلن حربیه و بحریه ناظرلرینک تبدیلی مسئله سی کامل پاشایی اسقاطه نم الومیله عد اولمغله مجلس مبعوثانده جمعیتی تمثیل ایدن اکثریت فرقه سی طرفندن ویریلن استیضاح تقریری اوزرینه مشارالیه معین برکونده مجلس مذکورده دعوت ایدلدی .

کامل باشا قانون اساسینک بخش ایندیکی صلاحیتہ بناءً تعیین ایندیکی دیگر برگزیده مجلس کیدرک ایضاحات ویرہ جکئی بآذکرہ رسمیه مجلس مذکور ریاستہ تبلیغ ایتمش ایسده اکثریت فرقہ سی تہیجات عصبیه ایله مشارالہک جواب قانونیسنی قبول و اصفا ایتمہرک اوگون ہمہ حال مجلس کیدوب ایضاحات ویرہ سنی طلبہ اصرار ایله کیجہ یاریسنہ قدر ہیئتجہ حال اجتماعہ قالبوب نہایہ الامر حسی پاشانک بحریہ نظارتہ تعیینی تنقیداً کنچ بحریہ ضابطانک بعضیسنہ کشیدہ ایندیریلن تلغرافنامہنک مجلسده قرائتیلہ خلاف قانون اولہرق کامل باشایہ غیاباً عدم اعتماد رأیی ویرلش و بوقرار اوکیجہ مجلس مبعوثان رئیسلیہ جمعیتک اعضای نافذہ سندن برذات وساطتیلہ ذات حضرت پادشاهیہ عرض ایدیلہرک اسعافی امرندہ کوستریلن اصرار اوزرینہ کامل پاشا ایضاحات اعطاسنہ میدان ویرلمکسزین استعفاہ مجبور ایدلمشدر.

ایستہ مشروطیتک محیی، و قانون اساسینک نکہبان و حامیی اولمفلہ بتون عثمانلیارجہ تجیل ایدیلن اتحاد و ترقی جمعیتک مغلوب احتراصات اولہرق قانون اساسیہ ایلمک ضربہ بی بنہ کندی ایله اورماسی و بونجہ سعی و غیرتله ایکنجی دفعہ احیا ایدیلن مشروطیتک آلتی آی ظرفندہ حیات معنویسنہ خاتمہ چکلمسی طوغریسی شایان اسف وحیرتدر. چونکہ بحریہ ناظری عارف پاشا اولجہ استعفانامہ سنی صدراعظمہ ویرمش اولدیفی کبی رجب پاشانک وقوع وفاتی اوزرینہ جمعیتک ارزوسی و جہلہ حربیہ نظارتہ تعیین اولنان و حال و قالیلہ ایشدن چکلمک فکرینی احساسدن خالی اولیان رضا پاشانکده براستعفانامہ سنی الدہ ایتمش اولہجغنہ نظراً مجلس مبعوثان صدر مشارالہک تعیین ایندیکی کوندہ ویرہ جکی ایضاحاتہ منتظر اولوق قانوناً و حکماً مقتضی ایدی. بناءً علیہ کامل پاشانک قانونی حرکتی ایضاح واثبات ایدمیه جکی فرض اولنسیبیلہ اکثریت فرقہ سنک شو حرکت مستعجلہ سنی و باخصوص ذات حضرت پادشاهی بی تضییق ایله حقوق سلطنتہ تجلوزینی قانون اساسیلہ تألیفہ و هیچ بر صورتله تأویلہ امکان اولمادیفی قضایای بدیہہ دندر.

مشروطیتک استحصالی ایچون اوتهدن بری نشریات و تلقینات ایله افکار عمومیہ بی ایقائہ چالیشان منورالافکار ذواتدن جمعیتک بعدالظفر طوتدیفی شو مسلکی موافق کورمہ یئر مخالفتہ قیام و جمعیتک ایسہ ہرنہ صورتله اولورسہ اولسون بونلرک کسر قوتی التزام ایلمدیکندن مشروطیتلہ اداره اولنان ممالک متمدندہ جاری اولان اصول مناظرہ؛ بزدہ باشقہ بر دنک آلاق عین رحمت اولان اختلاف امت شقاق و نفاقہ منقلب اولدی. التزام مخالفت ایدنلرک بعضیمی مقابله بالمثل قاعدہ سنجہ حصم سیاسی سنی بر قوت مادیہ یہ استناد ایله اسکا ایدہ بیلیمک ایچون ہیئت علمایی الدہ ایتمک نشبت ایدوب حالبوکہ من القدیہ احتراصات خارجیہ معروض اولان

بو دوشك داخله دوام اغتشاشاته تخملى اولمادىنى اعتقادنده و بناءً عليه محافظه سكون و مسامت فكر و اعتيادنده بولنان بو عاجزدن حرركات تفرقه جويانه مسامحه ايدلسنك امكانسزلفنى بيلدكلرى جهته مقام فتواند سقوطمه و سيله اولور اميديله اول امرده درسام افنديلىرلى علميه اغرا يدرك شكاياتى متضمن يازدقلى و ورقه لرى اساتذه و طلبه دن شو كا بوكا مهرلته رك حضور هايون ايله صدارت و مجلس مبعوثان رياسته تقديم ايتديرديلر و زعمارنجه حق عاجزانه مده افكار عموميه يى تغيير ايچسون آلت غرض و نفاق اولان بعض جرائدله مفترباتى حاوى بندلر نشرينده ابتدار ايتديلر. اوتوزسكز سنه يه قارب بلافاصله بولنديغ خدمت دولتمده و باخصوص اعلان و مشروطيتى متعاقب حال و موقفك تحمیل ايتديكى وظيفه مشكله و طنيه ده و سع عاجزانه مك يتديكى قدر خالصانه چالشمقلا فالله الحمد و الله توفيقات صمدانيه ايله توجهات عاميه مظهر اولمش ايسه مده بو متاعب طاقفوسا صحت عاجزانه مى اخلال و اميد نجاتمز اولان مشروطيتك ده بوشك عجيبه كيرمى فكر و سعيجه ايراث فتور و ملال ايديكندن بالكيه ايشدن چكلمكه قرار و يرمش و خدمت فتواندن عظم حقنده و سائط مناسبه ايله خاقان سابق حضرتلرينه واقع اولان استرحامتم اسعاف بيورلما ديفندن بر وقت مناسبك حلوته انتظار ايتكمكه بولنمش ايدم .

كامل پاشا ايله جمعيت ييننده كى بوجادله يى و سيله مناسبه عدايدرك مشاراليك مجلس مبعوثانه دعوت اولمدينى كون معذرت صحيه مدن بحث ايله عتبه شاهانه يه تكرار بر استعفا نامه تقديم ايتدم . بعد المغرب مشاراليه كامل پاشا باب فتوايه كلهرك «شوكتآب افنديمزا استعفا كزى قبول بيورميورلر، ايسترسه كز تبديل هوا ايچون ايكي ماه مدتله مصره عزيمتكزه مساعدده بيوره جقاردر . بنده طلب اولنان ايضاحاتى ديكر بر كونده و ير مك اوزره مجلس مبعوثان رياسته تذكره يازدم» ديمى اوزرينه . هيت مسئله معلوم عاجزانه م اولديفندن سوزى اوزايمه ورق ايضاحات نتيجه سنه تعليق جواب ايتدم . نصف ايليله صدارتجه تبدل وقوعى تقرر ايتمنه مبنى ايرتسى صباح ماين هايونه عزيمت عاجزانه م حقنده اراده سنه يى مبلغ باش كتابندن بر تذكره آلدېم كى على الصباح بر ياورلده تا كيد بيورلمقلا ييلديز سراى هايونه كيدرك صدارته انتخاب بيورلش اولان حسين حلمى پاشايه ملاقى اولدم .

مشاراليه هيت و كلالي ترتيب ايله رسماً حضور هايونه عرض ايدم جكي ائشاده عريضه استعفايه مددى معذرت صحيه مى ايضاح ايله استرحامى تكرار ايدنجه ذات حضرت پادشاهى عدم قبولده اصرار و صدر جديد دخی رفاقتلرنده بولمقلم آرزوسنى شدتله اظهار ايتملر سده حال و موقعك مساعدده سندن بالاستفاده صوك درجه يه واران استرحامتم اوزرينه طرف شاهانه دن بيان تاسسات ايله مقام مشيخته صدور علمادان كيمك تعميني مناسب اوله جفى تنزلاً استفسار

بیورلسنه مبنی تقدیم ایتدیکم پوصلهده اسملر محرر ذواتدن روم ایلی قاضیهسکری ضیاء الدین افندیکن نصبی اراده و ساحلخانه مده استراحتمه مساعده بیورلسی بو عبد عاجز ایچون باعث کال شکران اولدی و بو سببله صدارت آلای کج وقت اجرا اولندی. حسین حلمی پاشا روم ایلی مفتش عمومی اوله رق خیلی مدت سالنیکده اقامت ایلدیکی جهته ارکان جمعیتک افکار و آمانه واقف اولدیفندن صدارتده بولندجه رضا جویانه حرکتله اداره حکومتجه موقتاً اولسون بر حال آسودکی حصولی مأمول ایدیمده هر طرفده میدان آلان احتراصات و فکر تجدیده افراد عساکر عثمانیه به اعتقاد و اعتماد قدیملری خارچنده وقوع بولان اوامر و تلقینات آرادن ایکی آی کیمکسزین او توز بر مارت حادثه عجبیه سی تولید ایلدی و حرکت اردوسنک استانبوله ورودیه تبدل سلطنت وقوعه کلهرک زمام اداره دولتی اتحاد و ترقی جمعیتی ید استقلالنه آلدی. جمله جه معلوم اولدینی اوزره بواوتوز بر مارت حادثه سنده اوک ایاق اولان اوجی طابورلری اعلان مشروطیتی متعاقب سالنیکدن استانبوله کتیرلش و کامل پاشا طرفندن قطعات عسکریه لینه اعاده لری تشبثنده بولندینی حالده جمعیتجه موافقت ایدلماش ایدی. محافظه مشروطیت ایچون درس عادت کتیریلن بواوتوزلرک خلاف مأمول اوله رق حادثه مذکوریه ایقاعه جرأتلری و بو حادثه سببیل ارکان جمعیتک مرکز سلطنتده تقویه نفوذ موفقیتملری جالب نظر دقت احوال الدندر.

شبهه یوق که جمعیت تاسیس مشروطیت ایچون تشکل ایش و اونته ایشه باشلامش ایدی. فقط اوجنچی اردونک غیرت و مظاهرتیه استیصال مقصده موفق اولنجه نائل حریت اولان کنجارجن قاعده تدریج و تکاملی نظر دفته آیه رق دفعه نیل مطالب هوسنه دوشدکاری کی مطلوب عاتک بر قسمی ده دولترک بولندینی حال و موقی تقدیر ایتیه رک حسیاته بناء افکار و جلب شهرت و منفعت ایچون شخصیه دائر مقاله لر نشرینه ابتدار ایتدکلرندن خلق آراسنده شقاق و محاسده پیدا اولدی و دها طوغریسی حاکمیت ملیه بزده داعیه تحکم و نفاق او یاندیردی. بو حال مجلس مبعوثانده سرایت ایتکه مشروطیتک ایجاباتندن اوله رق فرقلر بیننده وقوع بولان مناقشات و اقلیت طرفندن محق اوله رق سرد ایدیلن بعض اعتراضات بیله تزید احتراصاتدن باشقه بر شیئی مفید اولمادی.

رجال متنفذه جمعیت ایه الفضل للمتقدم دستورینه اتباعاً ناظم امور اولق صلاحیتنه کندیلرینی احری کورمکه هر شیدن اول نفوذلرینک تقویه سی قیدینه دوشوب رفته رفته استعمال شدنه مجبور اولدیلر. نهایت قانونک شکل ظاهریه سی محافظه ایدیلرک حقیقتده مصالح دولت قوه غالبه تک رأی و نفوذی دائره سنده جریان باشلادی و مبادی اسرده تجربه سنلک ده

بو حاله انضمام ايدرك اداره و سياست پك چوق خطا لقوقوعه كلدى. ايسته بو خطيئات اخيرا
اوغرا ديفمز ضايعات اليه نك باشليجه سببليدركه بروجه آتى بيان اولنور .

تحت حكمرانى شاهانده اولان ممالكك وسعتى و موقع جوغرافيسى اعتباريله ده درجه
اهميتى مستغنى بيان اولوب سكه مى ايسه عرق و مذهب و امزجه و عادات جهتيه يكديكره
مباين عناصردن مركب اولمقه برابر وقتيله علوم و معارفك هرجهته نشر و تعميم ايديله مامسندن
نائى قبليت مدنيه لرى دخى عصر حاضر ك ايجاب ايتديكي مرتبه تكمله واصل اوله. ديفنسدن
قانون اساسينك تطبيق احكامنده بو جهتلر نظر دفته آلنورق پك حكيمانه و دور انديشانه
حركت اولمق اقتضا ايدردى. مثلا يمن قطعه سيله حجازدن شام وعراقه منتهى اولان عربستانك
و آرنادولق ايله كردستانك ولايات سائر طرزنده اداره سنه حالاً امكان اولمادىقى مسلماندندز .

چونكه يمن قطعه واسعه سيله حجازك اهاالىسى صرف مسلمان و اكثريتى اعتباريله تربيه مدنيه
كورمه مش عرباندن عبارت اولدينى جهته بونلرك احكام شرعيه دن باشقه قوانينه و اخذ عسكر
و امثالى تكاليف حكومه قولايجه اطاعت ائيمه جكارى شيمدى به قدر ايديلن تجربه لره معلوم
اولدينى كى آرنادولنك جبال منيعه سنده ساكن آرنادولر و خريستان ماليسورلر ايله آناطولنك
طاعلق و هجرى و محللارنده منوطن كر دلر و سوريه قطعه سنده كى درزير دخى فطوره ذكى و شجيع
اولمقه برابر اكثريتى علوم و معارفدن بي بهره اولدقلى جهته قوانين شرعيه و تكاليف
اميريه نك ولايات سائر به قياساً بونلر حقننده ده تماماً تطبيق فى احوال متعسر و بلكه متعذر
اولديغندن بو بابده ارائه سطوت كى تدابير موقعيه مراجعت فائده معظم بهي حاصل ائيمه كدن
باشقه برچوق مشكلات و محظوراتى توليد ايدم چكى دلالت امثاليه بديهي ايدى .

جهت جامعه اسلاميه طولايه سيله باكل صداقت مقام جليل خلافته مربوط و قوم نجيب
عربه منسوب اولان سوريه و عراق اهاالىنك لسان و عادات مثال خصائص قوميه و حقوق
مكتسبه عثمانيه لرى تقدير و حمايه ائيمك مصلحه و حكمت مقتضى اولدينى كى جئتمكان فاتح سلطان
محمد خان حضر تلىنك حين فتحه بر تدبير سياسى اولارق روم عنصرينه احسان بيوروش
اولدقلى بعض امتيازاتى قانون اساسينك ضامن اولدينى حقوق مساويه عناصره منافى اولمق
ملاحظه سيله فى احوال حكمدن اسقاطه چالشمق و ديكر لرينه نسبتله علماً مترقى و بعض دولته رجه
معناً محمى اولان بو عنصر مهمى كوچن مدرمك منفعت دولت نقطه نظرندن موافق حكمت
دكل ايدى .

و الحاصل دولت عليه نك تايمين بقاى عثمانلىق عالمى تشكيل ايدن اقوام مختلفه يى قانون
اساسينك افاضه ايدم چكى نعمت حريت و عدالتدن بحق مستفيد ايدرك كتله واحد حاله

افراغ ایله قابل اوله بیلجکجه و مع هذا منافع ملیه و حسیات مذهبییه هر قوتك فوقنده بر عامل مؤثر اولدیغندن اول باول بو جهت نظر دفته آنهرق اقوام مذکوردهك تألیف افکار و توحید مساعیسنه خادم اوله جق اسبابه توسل ایتك بدیهی لازم اولدیغنه بناءً اطرافزی احاطه ایدن ملل متمدنییه نسبتله بزده يك کری قالان اسباب تألیف و ترفیك برنجیسی اولان علوم و معارفك نشر و تعمیمی ایچون دولته اختیار فداکاری اوله نهرق ممکنك هر جهتده و هیچ اولماز ایسه شیمدیك اك زیاده احتیاج کورینن محالرده موجوده علاوهً لزومی قدر مدارس و مكاتب انشاسیله اهالینك تعلیم و تربیه لری و اصلاحات ملیکه و انشاء طرق و معابرلده معیشتلرینك تنظیم و تهییلی یولنده اساسی تدبیرلر اتخاذی منور الافکار اولان حکومت مشروطه من رجاله مترتب وظائف مهمه دن و بر واجبات سیاسییه دن ایدی .

حال بوکه اتحاد و ترقی جمعیتك ارکان ذی نفوذی بو وظیفه اساسیه یی ترك و اہمال ایله اول امرده ولایتجه قلوبلر تأسیسیله جمعیتك تشکیلاتنی اکمال و تقوییه نفوذ ایچونده شدتلی بر مرکزیت پولتیقه سنی اس الحركات اتحاد ایتکله برابر دیگر جهتدن مملکتك بالاده بیان اولنان تشکلات اجتماعیسیله قابلیت حاضره مدنیسنه کوره تطبیقی مشکل اولان پارلامنتریزم کی واسع بر اصول اداره یی قبول ایدرك قانون اساسی یی تعدیل و کره دولتك قوه عن مرکزیه یی حکمنده اولان حقوق مقدسه سلطنتی تحدید ایتك خطای صریحمنده بولندیلر .

جمعیتك اساساً بو ایکی تدبیر متناقضه توسلدن مقصدی مرکزیت اصولك کندیارینه بخش ایده جکی قوتله عموم ملت و حقوق سنیه نك قصریله مقام مقدس خلافت غلبه و تحکم ایتك قضیه یی اولوب واقعا قانون اساسینك تعدیل مشروطیله ایکنجی مقصد حاصل و ایچلرندن بمضایرینك عنعنات تاریخیه و ترقی مأمورین خصوصنده کی قواعد مرعیه یی مخالف اوله رق دفعه داخلیه و ملیه نظارتلری کی مهم موقعلره ارتقاسیله باب عالی بالفعل جمعیتك قبضه تصرفنه داخل اولدیمنده پارلامنتریزم ایله قابل تألیف اولمان و کندیارینجه مابه الحیوة عد اولنان مرکزیت اصولك تطبیق و اجرا سنده دوچار مشکلات اولدیلر . چونکی اعلان مشروطیتدن سو کره قانون اساسینكده بو صورتله تعدیلی هر طرفده فکر حریت و آمل ترقی یی توسیع و تزید ایلدیکندن ابنای وطنك صنوف منور سندن جمعیته بر جوق رقیبیلر پیدا اولدی و مهم اولان بعض ولایتجه توسیع مآذونیت دائره سنده اصلاحات اجراسی آرزولری یوز کوسترمه ک یاشلادی . جمعیت ایسه احراز ایتدیکی موقع حاکمیتك محافظه استقلالی عزمنده بولندیغندن معارضیله فوق القانون اوغرا شمع مجبوریتنده قالدی . توسیع مآذونیتی عدم مرکزیتله تقصیر وعدم

مرکزیتی ده مختاریته ولایاتی حاکمیت فعلیه عثمانیه دن اخراج معناسنه حق و تأویل ایدرک بونی مخالفله قارشی سلاح تجاوز مقامنده قوللاندی .

قطعه یمانیه نك بر قسم مهمی اشغاله ایدن زیدی المذهب اهالی نك ایدمتمده و حال عصیانده بولمده ان یحیی حمیدالدین ایله اخیراً عقیده مجبوریته حاصل اولان صورت اتلافیه نك ده اول تنظیمیه او قطعه اسلامیه جه اراقه دمه و دولك نفوس و ماله اوغرادینی ضایعاته نهایت ویرمك و عربستان ایله جهات سائرجه دهخی توسیع مأذونیت دائره سنده اصلاحات جدیدیه مباشرتله عموم اهالی نك پدرانده جاب خوشنودیسنه چالشیکی حالا و مصلحتیه حکومتیه ترتیب ایدن وظیفه مهمه ایفا ایدیلیرك سالف الذکر مرکزیت قاعده ملتزمه سی ایجابجه ممالك عثمانیه نك هر جهتی اداره مرکز سلطنته و حقیقتده جمعیتك اوامریته تابع قیلمق فکریه بمن سبوقیات عسکریه سنه دوام اولمقله برابر حوران و کرک ایله ارنادولنی تأذیب ایچوند فرقه عسکریه لر اردولر سوق اولندی مملکتك و بالخاصه آناتولینك کنج اولادیلر بونلرک محمول مساعیسی اولان اموال خزینهدن مبالغ عظیمه بویولده خرج وهدر ایدلدی فی الحقیقه بر مملکتك هر هانکی جهتنده اثر عصیان کوریلورسه اونی تسکین و ازاله اتمك حکومتیه ترتیب ایدن وظائفندیر . فقط اهالی مطیعیه یی عصیانده سوق ایدمجهك اسبابك تحدثنه میدان ویرمه مکده او حکومتك برنجی وظیفه تبعه پرورسیسیدر . کرکده حورانده و باخصوص ارنادولقده ظهور ایدن عصیانلر مامورین حکومتك سوء تدابیر و حرکتی و بعض طرفلرک تشویقاتی اثری اولدینی بالجمله اصحاب وقوف نزدنده تحقق ایدن قضایاندیر .

کرک حادثه سی جمعیتجه منتخب امراء عسکریه دن اولوب سوریه والیکنه تعین ایدیلن اسماعیل فاضل پاشانك هر سنه خزینه دولدن محافظه طریق حج ایچون کرک عرباننه ویرلمکده اولان بیک سکز یوز لیرایی کندیسنه اجرا ایدیلن نصایحه رغماً « چولده کی چپلاق عربلره مشروطیتده ده می جزیه ویره جکر » دهرک قطع ایتمسندن ایلری کلدیکی اکثریت فرقه سنه منسوب شام مبعورلردن اولوب اخیراً هیئت اعیانده تعین بیوریان عبدالرحمن بکدن بالذات مسموع داعیانهم اولمشدی . عوائد قدیمه لرینک قطعدن متأثر اولان عربانك متصرفلر مرکزینده هجوم ایله مامورین و اهالیدن سکز یوز قدر آدم قتل و شهید ایله دکاری و جانب حکومتدن قوه عسکریه سوقیه عربان تأذیب ایدلمش ایسه ده والی مشارالیهك بیک سکز یوز لیرا قدر بر مبلغ جزئی یی اسیرکه مکله حکمت اداره جه کوستردیکی عدم وقوف عسکرله مطیع و عاصی اهالیدن بر چوق نفوسک ضعیفیه خزینه جده اوچ درت یوز بیک لیرا مقدارنده بر مبلغ جسیمک صرفه سبب اولدینی مشارالیه عبدالرحمن بکک جمله افاداندندیر .

بو او اسماعیل فاضل پاشا در که ایکنجی دفعه اولدوق ارناودلری تأدیب ایچون سعید پاشا قایینه سی طرفیندر مأمور ایدیلن اردونک قویدانلنی عهدہ سنه تودیع ایدلمش و اوراده کی حرکت خطا کارانسیله ده مذکور قایینه نك سقوطنی انتاج ایدن ارناودلق قیامنك توسع و دوامنه سبب اولمشدر. تفصیلی آتیا عرض اولنه جقدر .

بالاده عرض و اشارت اولدینی وجهله اتحاد و ترقی جمعیتی کنیدیسنه معارض اولق استعدادنده بولنان هر قوتك كسر و محاسنی جهتی التزام ایتدیکندن بونار ایچنده متانت موقعه و تشکلات اجتماعیه لری سببیه لك مهم اولدوق ارناودلری کوریور و حقیقتده جمعیتك مرکزی اولان سالنیک معنا ارناودلنك تحت تهدیدنده بولنیور ایدی. کرچه اعلان مشروطیتده تخلص وطن نیتمله ارناودلردن بر چوغنك خدمت و فعالیت کورلمش ایسه ده بو عنصر اناطولی خلقی کی طبعاً حلیم و هر امره مطیع اولمایوب اینجیلرنده منور الافکار اولانلرک ایقظیله حقایق تدریجاً ادراک و ممالکتنك منفعتی ملاحظه سیله لدی الحاجه متحداً حرکتیه قابلیت و استعدادلری اولدیفندن جمعیت بونلری دائره انقیادینه آلق و ایسته دیکی یولده قولانلق ایچون اول امرده اللرندکی سلاحلرک نزعنه لزوم کوردی .

او صرمده قوصوه و الیلکنه تعیین اولنان مظهر بک اکثر افعال و حرکاتی بو مقصدك مقدساتی استحضاره مصروف اولدینی مأمورین محلیه دن و سائر اصحاب و قوفدن بی طرف ذوات نزدنده متحقق و دلالت آثار ایله متعیندر .

آرناودلر خصوصیت حال و موقعلری ایجابجه اوتهدن بری حکومت سنیه دن بر مرتبه مساعداته نائل و مملکتلرنده قانون نامه کنیدیرنجه متخذ بعض قواعد و اصول ایله عامل اولدقلرندن مکلفیته دائر اولان قوانین عمومیه نك ولایات سائرده کی او حوالیجده تماماً تطبیقی خصوصنده مقام ولایتدن ارائه شدت اولنماسی و او ائشاده صقال و یمورطه ویرکوسی نامیه یکی تکلیفات وقوع بوله جفته دائر بعض اراجیف نشر و اشاعه قلماسی اکثریتی اعتباریله سریع الانفعال اولان بو عنصرک عصبیتی تهییج اتمکله عادت مألوفلری اوزره آثار مخالفت و خشونت کوسترمکه باشلادیلر. جمعیتی تمثیل ایدن حکومت ایسه بو مخالفی مقصد مشروحوک استحصانه تام وسیله اتخاذ ایدرک قوه عسکریه ایله آرناودلری تأدیه قرار ویردی .

بو مسئله مجلس مبعوثانجه موضوع بحث اولدینی ائشاده آرناود مبعوثلر اول امرده اوامر حکومته اطاعتک وجوبی لسان بلیغ ایله آرناودلره تفهیم ایدیه بیله جک برهیئت ناصحه کوندراسنی و طریق مخالفتده اصرارلری تحقق ایتده کجه وطن اولادی اولان برچوق مسلمانك اراقه دمیله روم ایلینك مفتاحی مقامنده اولان آرناودلنك محو و پریشان ایدلمه سنی صورت تکلیفده

در میان ایله امیر حاکمانده بولنشیر ايسه ده فرقه اکثریت و هیئت حکومتجه قبول واصفا اولمادی. محمود شوکت پاشانک قومانداسی آلتنده بر اردو سوقيله آرناودلر شدتله تأدیب و بر چوغی زوجه لری یاننده علناً ضرب ایله حیثیت ملیه لری اضعاه و تحقیر ایدلدی و الارنده نه قدر سلاح وار ايسه زینت اسلحه سنه وارنجه ضبط و مصادره اولندی.

کرچه حکومت روم ایلینک اوتهدنبری بر قلعه آخنینی عد اولنان ارناودلنی ضرب و تنکیل ایتکله عالم عثمانیه قارشی ارائه قدرت و سطوت ایتدی. او بوندن حقیقتده بالقانلر مستفید و عثمانلیلق عالمی متضرر اولدی. چونکه صربستان ایله قره طاغ آراسنده واقع و اکثر محلی صعب المرور طاغ و اورمانلردن عبارت اولان ارناودلنک بر میلیون متجاوز شجیع و جنگاور اهالیسی صربلرله قره طاغلیری تهدیددن خالی قلمایور. بلغارستان ایله بونانلیر بیله بدرجه یه قدر بونلردن قوجینیم رایدی. بالقانلیر آراسنده خاطری صایلیر. بر انکل اولان بوقوت بر منوال مشروح دوجر عطالت ایدشکله بالقان حکومتلرینک اوجهتجه سربستی حرکتی تأمین و علیهمزده اخیراً وقوع بولان اتفاقلری تسهیل ایدلش اولدی.

دیگر جهتدن قولک مذهبنده اولان ارناودلردن اختلاف عرق و مذهب سببیه قره طاغلیرلرک قدیماً خصمی اولوب حرب و قوعنده عسا کر عثمانیه ایله متفقاً حرکت ایتکده اولان مایسورلر حقنده عین تعصیقات اجرا و سلاحلری ضبط و مصادره اولمقله بو حالدن دلگیر اولان جماعت مرقومه قره طاغلیرله تمایل ایتدیلر. حالبوکه آرناودلق جهتنده کی قاتولکلری آوستریا دولتی حمایه ایتکده اولدیفندن حکومت اخیراً بو قرارندن نکول ایله مایسورلرک سلاحلرینی اعاده و ایستدکاری بعض شیلره مساعدده ایتش ايسه ده بو معامله مسلمان آرناودلری مأیوس و اغضب ایتکدن باشقه بر فائده یی منتج اولمادی. نته کیم بالقان محاربه سنده مایسورلر قره طاغلیرله برلکده حرکت و علیهمزده استعمال سلاحه جرأت ایتدیلر.

ایشته حق پاشانک مجلس مبعوثان کرسیسنده عثمانی تاجنک بر پرلانطه سی تعبیرله توصیف ایتدیکی آرناودلنی اوتاج محشم و معظمدن قوباروب آتار بوتدیر غیر معقول بالقان حکومتلرینی علیهمزده اتفاقه سوق و تشجیع ایدرک بالاخره بتون روم ایلینک الیزدن چیقماسنی مستلزم اولان اسبابک باشلیجه لرندن بریدر.

مشروطیتک اعلانی سعادت مستقبله منر حقنده اورویاچه بر حسن ظن و امید تولید ایتدیکندن روم ایلیمه کی اجنبی ضابطانی قالدیریلوب ماکدونیا ده اسایشک تأمین حکومت سنیه نک همت تجدد پرورانه سنه بر ایلیمش و بلغار جهتله دخی آتی یه انتظاراً تعطیل حرکات ایتش ایددی. حکومتجه بو مساعدده دن بالاستفاده تدایر اصلاحیه یه و علی الخصوص هر شیدن اول

ما کدونیا نك داخلًا و خارجاً موجب خوشنودى اوله جق صورتله اصلاح اداره و تنظيم احوالنه مبادرت اولمى اهم و اجبات ايكن بو وظيفه مهمه اهل و بالعكس بر آرا و دلق مسئله سى احداث اولمقله او اميدلر زائل اولدى و روم ايلي قطعه سى اولكندن بدتر بر حاله كلدى. روم جماعته منسوب مكاتب خصوصيه ده عصر حاضر ك ترقيات علميه سنه كوره كنديلر نجه ترتيب ايدلش اولان اصول تدريسيه نك معارف نظارت نك عمومى درس جدولار ينه تطبيقى و مكاتب مذ كورده نك تفثيشى خصوصلرينه حكومتجه لزومندن فضله اهميت ويريله رك اول باده و احوال مماثلده مذهب نظارت نيدن بطريقخانه يه شدتلى امرلر و يرلمك باشلاندى. جمعيتك طرفدارى و بلكه ترجمان انگكارى عد اولنان غرتلر دخی بو مسئله لرى موضوع بحث ايدرك روملر عليهنده شديد المال مقاله لرشريه بونلرى يونانليقله اتهامه قدر وارديلر و كريد مسئله سى ده علاوه بحث و مقال ايدرك افكار عموميه اسلاميه ي روملق عليهنده تهيججه قيسام ايله دولتك مدار حياتى اولان تاليف عناصر قضيه مهمه نك عكسنى التزام اينديلر. حكومتك انفاذ اوامر خصوصينده تعقيب اينديكي معامله شدتله مذكور غرتلر ك نثرياتى بطريقخانه نك عصر جليل فاتحنن برى نائل اولدينى امتيازاتك فسخيله روم جماعتك تحديد ترقيات مدنیه سى حكومتجه ملتزم اولدينى ظنى تقويه ايدرك جماعت مرقومه جه عدم امنيت و خوشنودى يه باعث و حكومتله بطريقخانه آراسنده منافرت و نزاع حادث اولدى.

فى الحقيقه روم عنصرينك عناصر سائرميه رجحاننى تضمن ايدن امتيازات مذ كوره قانون اساسينك جمله سنه بخش ايتش اولدينى قاعده مساواته توافق ايتزسه ده هنوز موقع تطبيقه تونيسان قانون مذ كورك افاضه ايدى چكى حریت و عدالتدن اقوام عثمانيه نك بلاتفریق جنس و مذهب متساوياً استفاده لرى آثار فعلیه ايله تحقق ايتمه دكجه و قتيله نائل امتياز اولنلرك اللرنده كى نعمتى محافظه يه چالشمالرى طبعى و مشروطيتك تمام انكشافنده بو مثالو امتيازاتك بنفسها حكمدن ساقط اوله جى بدیهى ايدى.

روم اينلنده كى كليسالر مسئله سندن دولايى مقدس روم و بلغار جماعتلرى آراسنده حصوله كلان منافرت بطريققا مقامندن بلغارلر عليهنده صادر اولان اعتزال قراريله كسب شدت ايتش و سياست داخله جه دولت عليه بوندن من جهة مستفيد بولنش ايكن حكومتجه روم عنصرى حقنده اتخاذ اولشان شو خط حرکت يكديكره خصم اولان بو ايكي عنصر ك ماضى يى نسيان ايله تقربارينه وسيله اولدى و بو مقارنت صوفيه و آتیه دارالفنونلرى طلبه نك زيارت متقابله سى و يونان ولى عهدينك بالذات صوفيه عزميتى ايله تقويه ايديله رك عليهمزده عقد ايدلش اولان بلغار، صرب و قره طاغ اتفاقنه بالاخره يونان دولتنك دخی التحافى تسهيل و ترويج

ایله دی . قضایای مسلمهدن اولدیی اوزره بین الملل وقوع بولان مقارنت و اتفاقلرک سائق حقیقی منفعته . بالاده عرض و بیان اولدیی و آتیاده تفصیل و آیان اولنه جفی وجهله حکومت اتحادیهک عقیب مشروطیتده توحید عناصرله دولت علیهک تقویه بنیانه خادم اوله جق بر سیاست ساله اتخاذ ایدمهسی داخلأ تفاق و خارجأ علیهزده معهود اتفاق تولید و احداث اتمش و بالتلیجه وقوع بولان محاربه مشؤمهک اسباب ظهوری مکملأ احضار اتمش اولدیی واقف احوال اولان هر عاقل منصف تصدیق و اعترافه مجبوردر . زیرا اسلاو استیلاسنه قارشی حیات ملیه و سیاسیهسی محافظیه مجبور اولان یونان دولتک بزمه تشریک مساعی اتمش منفعت اساسیهسی ایجابندن اولماسیله کرید مسئلهسی صورت معقولهده حل ایدیلرک دولت مشارالیهانی طرفزه جلب اتمک قابل و مصلحه واجب ایکن مع التأسف عکسی حرکتله بیوک بر فرصت فوت ایدلای و بوکلی خطائر سببیه روم ایلی تمامیه الدن کیتدی .

خلافت کبرای اسلامیهک رکن مهمی و سلطنت سنیهک جزؤ مهمی اولان عرب عنصری حقهده عین مملک اتخاذ اولدیدی . قانون اساسینک وعد و تأمین ایتدیکی توسیع مآذونیت دائرینسنده هیچ بر صور اصلاحیه تشبث اولمایوب بالعکس سوریه محاکندن صادر اولان اعلامتک بمذازین عربجه یازمایوب لسان رسمی اولان ترکجه ایله تحریر ایدلمسی محلی مأمورین علیهسنه رسماً و تعمیماً امر اولدیدی . حالبوکه محاکمتک عربجه جریانی طبیعی اولدیی کی اعلامتکده اولسان ایله تنظیمی ضروری و بوتعاملک تغییر ایدلمسی قاعده حکومت و عدالته منافی ایدی . نتکیم عربستان محاکم شرعیهسندن ویریلان اعلامات من القدی لسان محلی اوزره یازمکده و درسعادتهده او اعلامت حالیه تمیزاً تدقیق معاملهسی کورمکدهدر . بناء علیه بوتدیی سقیم سوریهلیلرجه بر تأثیر الیم حصوله کتیردی .

بر طرفندن ده ترک ملیت و حاکمتک انکشافنه خدمت مقصدیه درسعادتهده بر طاقم کنجیلر درنک و جمعیلر تشکیل ایتدیلر و افراطیور غزتلر دخی بو مقصدی ترویجاً مملکتک منافعه قابل تألیف اولمایه جق صورتده نشریاته باشلادیلر و حتی دولت علیه حقهده محرارت رسمیه و مطبوعات محلیهجه استعمالی معتاد اولان «دوله عثمانیه» عنوانی بیله ترک واهل ایله «ترکیا» و «کنج ترک حکومتی» تعبیرلری قولارتمغی التزام ایتدیلر . بونلر هپ جمعیتمک تعلیم و تشویقه حمل ایدیلرک عرب قومکده حقوق و منافعهی متقابلاً محافظه و مدافعه اتمک اوزره بلاد عربیهده مهم جمعیلر شکل ایتدی و نهایت عدم مرکزیت اساسی اوزرینه عربستانجه اصلاحات عمومیه اجرایی صورت تکلیفده اورتیه سورلای .

سعید پاشا قابهنک سقوطندن صوکره خطیئات واقعهسنک ناسل وحیم نتیجهلر تولید

ایلدیکی تیقن ایدن جمعیت ینه کندی قوتیه باب عالی حادثه معلومه سنی ایقاع ایدرک ایکنجی دفعه موقع افتداری الده ایدنجه ایلک پروگرامی تعدیل و مسلك سابقی فی الجمله تصحیح ایدرک اولجه سوریه مأورین عدلیه سنه ویرلمش اولان امری فسخ ایله عربجه نك سوریه محاکمده ترکجه کی رسماً استعمالی قبول و تصدیق ایلدی و وقتیه مخالفین رؤساسندن کوتاهیه مبعوثی اولان فرید بکک عدم مرکزیت اساسی اوزرینه تنظیم و مجلس مبعوثانه تقدیم ایدوب حتی پاشا فاینه سنك مخالفت شدیدسی اوزرینه عقیم قانان ولایات قانونی لایحه سنی بالاستنساخ بعض تعدیلات اجراسیه موقع تطبیقه وضع اتمکله سوریه لیلری بر مرتبه تطیب و ایچلرندن بر قاج متحیز ذاتی اعیان اعضالغنه تعیین اتمک صورتیه ده بر جمیه اراز ایتدی. فقط عربستان افکار عمومی سی تماماً خوشنمود ایدیه مدی. بونلرک لسان حالی اولان غزته لرده بو مسئله حالا موضوع بحث اولمقده در. ایشته شو حرکت رجیه بالاده بسط و بیان اولنان اسکی خطائی علناً تصدیق و اعترافه دلالت ایدن بر مقدمه مشکوره در.

شوراسیه خاصه قید و تذکاره شایاندرکه درایت و فعالیتلری قابل انکار اولمیان رجال جمعیتک بالاده عرض و تعداد اولنان ندایر معکوسه سی بر قناعت سیاسیه نتیجه سی اولمایوب محضا خضم سیاسیارینه غلبه ایله موقع حاکمیتلرینی وقایه اتمک فکر و غرضنه مستند اولدیفندن اسباب زوالنی حاضر لامش اولدقلری روم ایلی قطعه سنندن اول کندی سقوطلرینه باعث اولدی. تفصیلی آشاغیده عرض اولنور.

بوسلسله نوابک اک مهمی یعنی بالقان حربی انتاج ایدن اسبابک اک مؤثری طرابلس غرب محاربه سی و او مسئله ده حتی پاشا قایینه سنك حیرتبخش عقول اولان غفلت و مسامحه سیدر.

معلوم اولدینی اوزره طرابلس غرب ایله بنغازی مرکز سلطنت سنیه دن بعید وایکی جهتنده بولنان مصر و تونس قطعه لری اجنبی اشغال عسکریمی تحتنده اوله جفنه بناءً دونمائی قوی بر دولت طرفندن تعرض وقوعنده سوقيات عسکریه اجراسی غیرقابل اولدیفندن دور سابقده رجب پاشا مرحوم کی مقتدر بر مشیرک قومانداسی آلتنده بر فرقه مکمله جنودیه بولنیرلدینی کی لدی الحاحه یری اهای و عربان دن قوه معاونه تشکیل و استخدام اولنق اوزره لزومی قدر اسلحه و مهمات کوندریله رک دبویلرده حفظ ایتدیرلمشدی. ایتالیا باش وکیلی متوفی قیرسی ایله لورد سولوسبری بیننده جریان ایدوب کچملرده اوروپا جراندیله نشر ایدیلن مخبرات سیاسیه دن مستفاد اولدینی اوزره ایتالیا دولتی خیلی وقندن بری طرابلس غربی استیلا فکرنده اولیوب فرانسرلرک

تونسى اشغال ايتتى اوزرينه بو مقصدى اجرا ايجون فرصت كوزتمكه و مع ذلك طرابلسده بانه تاسيسى و امثالى منافع اقتصاديه تأمينيله ايتاليا افكار عموميه سنى اويلا مقده ايدى .

مشروطيت اعلانندن سو كرا هر مامولك فوقنده اوله رق ملكتك اوغرا ديفنى نكبات ايتاليا نلرك اميدينه قوت و ير مكله برابر تشبثات اقتصاديه لرجه باب عالى يه وقوع بولان مراجعتلى رجال حاضرده سياسيه مزك تصيب وسدت پولتيقه سسنه معروض اولديغندن جيولاقى قاينه سسنگ صبرى توكنمكه باشلادى . ايشته بو صرعه محمود شوكت پاشا طرابلس غرب مركزنده بولنان فرقة عسكريه نك قسم مهمنى معنائى ايله برابر يمه سوق ايتمكه قرار و يرده رك طرابلس قوماندانى مشير ابراهيم پاشايه تبليغات اجرا ايلدى . مشير مشارايه بو حركتك محظوراتى و ايتاليانلرك طرابلس غربجه اولان منويات و تشبثاتى تفصيلاً حربه نظارتنه اشعار ايله اوراده كي عسكري نقلى طرابلسك ايتاليانلره تسليمندن باشقه برشى اولما ديفنى بيلديردى فرياد ايتدى ديكلته مدى . نهايت فرقة مذكوره مهماتيله برابر يمه سوق ايدلدى . طرابلس غربده زاندارمه وظيفه سنى ايفا ايدم بيلجك صورتده پك جزئى عسكر بر ايلدى . بونكله ده قناعت ايديله رك صباح غزته سى صاحب امتيازيتك تحت تصرفنده بولان قيصرى واپورى استيجار اوله رق طرابلس عسكرى دويولنده محفوظ اولان اسلحه استانبوله جلب ايدلدى و حتى محور اداره ولايت اولان والى ايله عسكري قوماندانى دخى در سعادته كميديله رك او قوجه ولايت لك مهم ايكي مدير امور دن خالى قالدى فسيحان الله حس قبل الوقوع قيمانندن اولارق طرابلس غرب قطعه واسعه سى تماماً اسباب مدافعه دن تجريد ايله ايتاليانلرك استيلا سنه كشاده و عادتاً تسليمه آماده بر ايلدى .

بو حاله كسب وقوف ايدن ايتاليا حكومتى اولجه باشلامش اولدينى استحضاراتى اكمل ايدرك مهم بر دوئما جسيم براردو ايله بقتة طرابلس غربه هجوم و مركز ولايتله نقاط مهمه ساحلى اشغال ايلدى و باب عالى يه تبليغ ايتديكى نوطه ده اتحاد و ترقى جمعيتنه قارشى اعلان حرب ايتديكى صراحة بيلديردى .

فوق الغايه تعجب ايديله رك احوالندركه حتى پاشا خيلى مدت سفارتله روماده و عاصم بك دخى صوفيه ده بولنه رق رجال جمعيت طرفندن برى صدارته ديكرى ده اخيراً خارجيه نظارتنه كميديلكلرى حاله مشاور اليهما نزنده بولندقلرى حكومتارك دولت عليه حقنده كي منويات مضره و تداركات سفريله رينه واقف اولاميه رق بو ايكي حكومتك حقمنزده حسن نيت پرورده ايتمكه اولدقلرى رفقاى محترمه لرينه تأميناً بيان و بيوك كچوك دولتلرله بينمزده مناسبات حسنه جارم اولديغنى مجلس مبعوثانده دخى درميان ايتديار . شئونات ايسه از زمانده بونك عكسنى اثبات ايلدى . درايترى مسد اولان بو ايكي ذات محترمك اذا جاء القضاء عمى البصر مدلولجه ايشات

حقایق شویله طورسون ظواهرینی بیه حس و تقدیر ایده مه مش اولدقاری اکلایمیدی . ذلک تقدیر العزیز العلیم . طرابلس و بنغازیه ساکن عموم اهالی و عربان غیرت دینه و شجاعت فطریه لری ایجابجه ایالتی الیلرک بو حقمنز تجاوزینه قارشى متفقاً مدافعه و مقاتله ایتمک عزم و قرارنده اولوب دولتیجه بونلره قوه کافیه عسکریه ایله مظاهرت قابل اولمادیقندن رجمائى طرف قالان مهر و تونس جهتلرندن قاجاقچیلق صورتیه مهمات و یاره و ارزاق ارسالنه دوام اولغیش و علی الخصوص بو یوزدن جمعیه عارض اولان قیصه یی مهما ممکن انظار عمومیه ده تعمیر و ازاله ایتمک مقصدیه جمعیتجه معروف و الک کزیده ضابطانن بعضیلری درحال موقع حربیه عزیمتله طرابلسده قالان جزئى المقدار عساکر عثمانیه ایله عربانی اصول حربیه توفیقاً تنظیم و ایستالانلره قارشى سوق و تعبیه ایدرک حمیت اسلامیه و حماست عثمانیه یه یاقیشیر صورتده یرارلق کوسترلش ایهده شرائط مذکوره دائره سنده بر آوچ عسکرله باشى بوزوق نوعندن اولان عربانک معلم و منتظم ایستالیا اردوسیه هر برى قلعه آهنین حکمنده اولان سفن حربیه سینه مقاومت ایده . میه جکلری و بناء علیه حربک تمیددی مقدما جزایر لیلر جهده تجربه اولندیغی وجهله اتلاف مال و نفوسدن باشقا برشئى انتاج ایده میه جکی بدیهیات اموردن اولدیغنه مبنی هیچ اولمازسه بنغازی یی قورتارمق و طرابلس اهالى مسلمانه سی حقننده و اسمجه بر حقوق امتیازیه تأمین ایتمک اساسی اوزرینه ایستالیلر ایله مذاکره صلحیه کیریشیه لره حربیه نتیجه و یرمک و بحر سفیدی مناقلاتزه کسانده ایتمک دولت علیه حقننده خیرلى و چونکه ایستالیا حکومتی آجیق دیکزلرده دوختاسی ایستیم اوزرنده طوتهرق سوقيات عسکریه یه دوام ایتمک مجبوریتنده بولندیغی و تخمینک فو قنده مصرفه کرتار اولدیغی جهتله بویه بر تکلیفه موافقت ایتمی مأمول قوی ایدی .

فقط امور مهمه سیاسیه بیه حسیاته تبعیتله افکار عامه یی قزاق و او سایده موقعترینه قوت و متانت و یرمک فکر و عزمنده بولنان ارکان جمعیت طرابلس ایله بنغازی یه یاره و ارزاق و مهمات یتشدیرمک عربانی تشجیعندن و بلا فائده حربی تمیددن کنسیدیلرینی آلامادیلر . حکومت مشارالیه ایه بزی طرابلس غرب و بنغازی یه معاونتدن منع ایله بولندیغی احوال مشکله نهایت و یرمک اوزره جزائر بحر سفیددن اون ایکی آله مزی اشغال و سفاتمه مسدود اولان طرق بحریه یی مراقبه شدید تحتنه ادخال ایدرک بالقان حکومتلرینی ده بزمه حرب ایتمک اوزره تحریک و تشویقه باشلادی .

دیگر جهتدن طرابلس غرب قطعه سنک اوغرادینی شو مصیبت استیلایه حتی پاشا قایینه سنک حرکات خود سرانه سی سبب اولدیغی تیقن ایدن طرابلس و بنغازی مبعوثلری ضیاع وطن

تأثیریله مذکور قایینه نك تحت محاکمه آلتی حقیقده دیگر بعض مبعوثلرله بالاشتراك مجلس مبعوثان ریاستنه برتقریر ویردیلر. تحقیق مسئله ایچون مجلسجه تشکیل اولسان انجمنه مشیر ابراهیم پاشا بالدفعات جلب ایله ایضاحات کافیه آلتدی و اسباب موجب و دلائل مقنعه جمع و اجضار اولندی. اشبو تقریر ایله مفصل اسباب موجب مضبوطی و اوراق متفرعسی مجلس مبعوثانده عیناً محفوظ اولق طبعیدر. جلب و مطالعه بیسورلایقی تقدیرده بو حقایق تمامیه منکشف اولور.

مبعوثین مشارالیهك بو تشبیهی جمعیته قارشى برضربه الیه اولقله برابر اولجه جمعیتدن آیریلر ق برحزب مستقل تشکیل ایدن مبعوثلر بعض مسئله مخالفینه التحاق ایدرك فرقه اکثریتك تقلیل نفوذینه یاردم ایتكده اولدیغندن جمعیت مجلس مبعوثانده تصحیح ایتش نظریله باقورق طاغتنه و بو صورتله حق پاشا قایینه سنی دیوان عالییه سوق اولق مخاطره سسندن قورنارمنه قرار ویردی. فقط قانون اساسیجه مقدمات یاسیلان تعدیل بو بئده کی حقوق عالیّه شهریاریی قصر و تحدید ایتش اولمسيله نام نامی هایونه مجلسی سد ایده ییلمك ایچون اوتوز بشیجی ماده نك بتکرار تعدیلی مجلسه تکلیف اولنش ايسوده ثلثان اکثریت حاصل اولمادیقی جهته قانون مذکورك دیگر بر ماده سینه استناداً مسئله نك حلی لازم کلس و ذاتاً بویکی خصوصاتده وقوف و مهارتی مسلم اولان اعیان ریئسی سعید پاشا اولجه موقع صدارته کتیرلش اولدیغندن مشارالیهك صورت مواضعده استعفا سيله هان عین ذواتدن تشکیل ایتدیکی هیئت وکلاجه طلب سابقده اصرار و اعیانك دخی موافقتی استحصال اولنورق مجلس مبعوثان تعطیل و صورت انتخابی آتیا عرض اولنه حق ایکنجی مجلس مبعوثان معرفیله ده مدّه مذکوره تکرار تعدیل ایدلای. [۱]

کرچه اولکی خطا صورتده تصحیح ایدلای. لکن بو ایکنجی تعدیل حقیقته قانونك اساساً مقام معلای خلافتناهییه تأمین ایتش اولدیقی حقوق عالییه اعاده ایله توازن قوایی

[۱] استنراد: واضع قانونك بوکا دائر اولان ماده معلومه کی قانونه درج ایتکدن مقصدی مجلس مبعوثانك تصدیقه عرض اولنان بر خصوصك ردی سببیه هیئت وکلا استغافه مجبور اولدیقی حالده اصحاب حل و عقددن دیگر بر ذاتك تشکیل ایده کی هیئت سنی اولان قایینه نك رأیی دوت و ملت حقیقده نافع کوروبده عین تکلیفده بولونورسه بوکرده مجلس مبعوثان طاغیدیلارک یکیدن انتخاب اولنه حق وکلا امتك رأینه بالمراجعه حقیقتك تبیین و بو صورتله منفعت عامه نك تأمین ملاحظه عادلّه اولوب یوقسه تکلیف ایتلایده بولنان قایینه نك رد سببیه بالاستغفا یه او موقعی اشغال ایدرك رأی سابقده اصراری بومقصدی تأمین ایده میه جکندن سعید پاشانك شو حرکت مواضع کارانه سيله مجلس مبعوثانك طاغیدلی روح قانونه نوافق ایده میه جکی بالمله علماء حقوق تصدیقه تودد ایتز اعتقادندیم.

استحصل ایچون یاییامیوب بالاده ایضاح اولنان مقصدك حصولدن صوگرا لای الحاحه معارضلر علیه استعمال اولنق غرضیه اتخاذا ایدیلن برتدیر اولدینی آزاده اشتباهدر. چونکه یوقاریده اشارت اولدینی وجهله جمعیت اوتوز بر مارت حادثه سسندن بالاستفاده تبدیل سلطنته موفق اولمجه او مقام عالینك بتون قوتی ید انحصارینه آلمش و حقوق مقدسه شاهانه یی کندی حسابنه استعماله کسب اقتدار ایش اولدیفندن حال حاضرده او حقوق عالیه نك توسیعی منافع مخصوصه سی ایجابندن ایدی.

نته کیم صدارت و مشیختك طرف اشرف ملوکانه دن امنیت و اعتماد بیوریله حق ذواته تفویضی حسب القانون ذات حضرت پادشاهی یه مخصوص و منحصر بولدینی حالده تبدلات واقعده بو حقك استعمالنه میدان ویرلمدیکی و ید مؤید شاهانه ده برکونه صلاحیت و اقتدار بر اقلما دینی جهته بو احوال مؤسفه نك وقوعه کلدیکنی حق عاجزانه مده کی امنیت و اعتماد هایونك اثر جلیلی اولارق ایکنجی دفعه خدمت مشیخته تعینمده لسان حقیقتیان شاهانه دن دخی استماع ایله متأثر و دلخون اولمشدم.

مدتیجه حائر قدم اولان انکلتزه و فرانسه حکومتلرنده قوانین اساسیه نك عنداللزوم تعدیلی بر چوق اصول و قواعد تابع و خیلی مدته متوقف اولدینی کوریلورکه بو اساسات ملل متعده نرزدنده قانونك درجه اهمیتنی تعیین ایدر. بناء عامیه فیوضات مدینه یی کندیلرندن اقتباس ایتمکه اولدیفمز ام فاضله نك اثرلرینه اقتفا ایتیبوده ضامن حقوق امت اولان قانون اساسیمزی حسیات و منافع خصوصیه یه توفیق ایچون بویله ایکیده بر تعدیله قالدیشمق و مشق تحتیه سی کی بازیجه آمل افکار درکه سنه ایندیرمك مشروطیتمز حقنده امنیت داخلیه و خارجیه نك انسابنه باعث اوله جفی جهته اصحاب عقل و حمت ایچون موجب تأسف عظیم اولسه کرکدر.

دولت علیه نك بویله داخله تذبذب و اختلال و خارجاً جنك وجدال ایله مشغول اولدینی و بحر سفیدده کی سواحل واسعه سی قوی بر دشمن تعرضنه معروض اوله رق بوغازك خارجی سوقیات و مناقلاتمه مسدود بولدینی کورن بلغار حکومتی اوتدنبری مقدماتی حاضرلامقده اولدینی ماکدونیانك تقسیمعی موقع تطبیقه قویق زمانك حلول ایتدیکنی اکلامش و بلغارستان قراللغك اعلانی کیفیتی مقدما صوبرانیاچه مذاکره اولدینی ائتمده قراللغی اداره ایدمیلمك ایچون ادرنه ولایتیه ماکدونیانك بلغارستانه الحاقی لزومی درمیان ایدیلهرک بو مقصدك استحصالی ایچون بلغار قرالک ایجاب ایدن حکومتارله معاهده خفیه عقدینه ماذونیتی تحت قراره آلمش اولدیفندن و اولجه سلاحلری طوپلانمسندن دولایی ارناودلق جهتندن برغاله ظهورینه امکان قالمایوب اسلاو مرکز قومیه سنك مقررانه ایتالیالیرك تشویقاتی ده انضمام ایلدیکنندن

بلغارلر بو فرصتی غیب ایتماک اوزره همان صرب و قرداغلیلر ایله مذاکره کیره شه رک سعید پاشا قاینه سی موقع اقتدارده بولندیغی ائنده یعنی نیسان ایچنده علیپزه اولارق معهود اتقاقی عقد و امضا ایتدیلر و بلغار افکار عمومیه سی کنیدی اعتقاد لر نجیه بر حرب مقدسه حاضر لامق و سائلنه تشبته برابر یونانیلری ده اتقاقه دعوتله تریید قوت و تأمین غالبیت فکر و املنده بولندیلر .

حالبوکه صربستانک اوسمی آوستریانک منافعه مغیر اولدیغندن دولت مشارالیه اوتنه دنبری صربلیرده ایقاع مشکلاتدن خالی اولمایوب دیگر جهتدن بلغارستان ده کسب وسعت و قدرت ایدر سه صربستانک ایکی قوت اراسنده از یلهرک بالآخره تهلیکه انقراضه دوشه جکنی صرب رجال سیاسیه سی تقدیردن عاجز اولمادقلری کی اسلولوگک بالقان شبه جزیره سسندده انکشافی بزم قدر یونانیلرک ده ضررینی و بلکه زوالنی انتاج ایده جکی یونان رئیس وکلاسی موسیو ونیزه لوسک نظر دور بین کیاستنه خفی اولمادیغی جهتله بالقانلیلر میاننده بو ایکی حکومتی طرفزه جاب ایله عقد اتقاق ایتک وشبه جزیره ده دولت علیه نک منافعی تأمین ایدجک بر توازن حصوله کتیرمک سهل و قابل ایدی .

حتی سلطنت سینه نک آتیه مصالحتکذارلغنده بولسان ذات : موسیو ونیزه لوس ایله کرید مسئله سی مذاکره ایتدیکی ائنده اطه حاکمیت عثمانیه ده قلمق و دولت علیه سسهنوی بر مقدار ویرکو ویرمک اسامی اوزرینه بر صورت تموییه ربطی و بو بایده رجال حکومت سینه ایله مداوله افکار ایتک اوزره بالذات در سعادتیه عزیمتی خصوصلرینه موسیو ونیزه لوسک موافقتنی استحصال ایدهرک او وقت خارجیه نظارتیه صدرتده بولان حتی پاشایه یازمش و بالذات تأکید ایتش اولدیغی حالده لا ونیم بر جواب آلامش اولدیغی مثالو دولت علیه ایله صرب حکومتی بیننده بر معاهده اتقاقیه عقد ایتک اوزرد مصالحتکذار مشارالیه آتیه ده بولمان صرب سفیر یله صورت خصوصیه ده باشلامش اولدیغی مذاکره محرمانه صربستان خارجیه ناظری موسیو میلودانویچکک تاغرافیه سفیر مشارالیه مآذونیت ویرمسی اوزرینه رسمیه انقلاب ایلدیکندن کیفیتی اخیراً خارجیه نظارتیه تعیین بیوریان عاسم بک اشعار ایله تعلیمات ایسته مش و مکرراً تأکید معروضاتده ایتش ایسه ده باب عالی هر فصلیه غایت مهم اولان بومشله یی نظر دفته آلیه رق مصالحتکذار مشارالیه جواب تسطیرینه بیله تنزل ایتامش و بو قیمتدار فرصتی قاجیر مشدر . نهایت بو تشبثات نافعته نک بر نتیجه یه اقتران ایدده سی و بلغارلرک بو بایده ماهرانه وقوع بولان مساعی سیاسیه لری سببیه بالقانلیلر میاننده اتقاق حصوله کلدیکندن بحثله مصالحتکذار

مشارالیهک بیان تأثراتی حاوی خارجیه نظارنه یازمش اولدینی عریضیه ذات مصلحتندن بحث ایدیلیرک نوازشکارانه بر جواب تحریریه اکفا ایدیلندر .

انفصالندن سوکرا برکون ساحلخانه مه کیش اولان مشارالیه عاصم بکدن بومسئله نی استکنه ایدیلیمکه موقعی تصدیق ایله « بو خصوصه دائر آتیه مصلحتگذارندن آلدیغ محتراتی عیناً صدر اعظم سعید پاشایه تقدیم ایتدیکم حالد خط حرکتی تعیین ایدیلک هیچ بر اسرینی تلقی ایدمیدیکندن مصلحتگذار مشارالیه تعلیاتی حاوی جواب یازمدم . چونکه صدر مشارالیه مخدومی علی نامق بکک سفارت سنه دن برینه دفعه انتخابی امر ایتدیکی حالد مخالف اصول اولماسندن ناشی اول امرده بر مستشارلره تعیینی صورتی مناسب اولاجغنی عرض ایله امرینی انفاذ ایتدیکه کوجنه رک معروضاتی حسن تلقی ایتماکده ایدی ، دیوب اظهار اسف ایتدی .

سیاست خارجیه مزجه کاه اتفاق مثلث و کاه ائتازف مثلثه تمایل ایدیلیرک متین و مستقیم بر خط حرکت اتخاذ ایدیله مدیکی کبی بوکرید مسئله سی ده هر نه سببه مبنی ایسه اعظام ایدیلیرک طسره اتحاد و ترقی قلوبلری معرفتیه اظه نک شکل سابق اوزره جانب حکومت سنه دن اداره سی حقتده هر طرفدن مرکزده تلغرافلر کشیده ایتدیریلوب درسعادتده طرف طرف متینغلر عقیدیه بو یولده تمینات اظهار و عوام ناسدن کریدک هانکی جهتمده اولدینی بیلمین بر طاقم کیسه لر دخی « کرید بزم جائز فدا اولسون قانمز » ترانه عامیانه سیله زقافلرده طولاشدیریلوب پیوده تهییج افکار ایدیلکده ایدی .

هیچ بر مسلمان تصور ایدیله مزکه یکر می سنه دن زیاده اساله خون شهدا ایله حوضه تصرفه آلتان کریدک بر طاشنی بیله طوعاً قدایه راضی اولسون . لکن دولت علیه نک دو نمجاه بالوجوه یونانه فائق اولدینی بر زمانده صدر اعظم عالی پاشا مرحومک بالذات عزیمتله تنظیم ایتش اولدینی (حالبا) قرارنامه سی موجبنه مختسارینه قریب بر شکل اداره یه وضع ایتش اولدینی کرید جزیره سنک او وقت خرسیتانلره نسبتله ثلث درجه سنده اولان سکنه اسلامیه سی الیوم عشرده و بلکه دهها آز بر مقداره تنزل ایتش و حال و وضعیت ایسه بوسبتون دکیشمش اولدینندن بو مسئله نک اولکندن دهها واسع بر مقیاسده حلندن باشقه چاره یوق ایدی .

ایشته باب عالینک بر مدتدنبری حسیات عوامه تابع و دولته غیر نافع اوله رق اتخاذ ایتدیگی شو خط حرکت صریحلیری بلغار اتفاقنه سوق ایتدیکی کبی کرید حقتده پاییلان نمایشلر ایله اوکا انضام ایدن بویقوت مسئله سی ده یونانلیری تماماً دلگیر و موسیو و نیزه لوسی مایوس ایتکله بالقانده کی اسلاو حکومتلرنجه متصور اولان تقسیم منافعدن محروم قالمق اوزره تکلیف اولان اتفاق قبوله مجبور اولدیلر و شرائطی بالا طرف مذاکره ایدیلیرک او وقت تنظیم و احضار

اولان معاهده اتفاقیه غازی احمد مختار باشانك موقع اقتداره گلشنی متعاقب علاقه داران بیننده امضا ایدلدی .

الیوم فرانسه رئیس جمهوری اولان موسیو پو آنتفارانك باش وکالنه خارجیه نظارتنده بولدینی انشاده فرانسه مجلس مبعوثاننده وقوع بولان بیاناننده مستفاد اولدینی اوزوه مشارالیه حکومت سنیجه ما کدونیهاده هنوز اصلاحاته تشبث اولنماسیندن ناشی بالقان حکومتلرینك صبری توکنهرك یینلرنده اتفاق حاصل اولدینی و بناء علیه روم ایلمده اصالات جدیدیه مسارعتله دولت عثمانیهك بالقان حکومتلری هجومه معروض براقلامسنى سعید باشا قاینه سنه توصیه ایش و روسیه خارجیه نظری موسیو سازانوف دخی دوماده ایضاح استدیکی وجهله روم ایلی اصلاحاتك تعجیلی حقنده باب عالییه خطرات دوستانده بولمیش اولدینی کی ایستالیالیرالیه عقد صلح ایدیلرک طرابلس غرب غائله سنه بر آن اول ختام ویرلمی دولت علیهك منافعی اقتضاسندن بولدینی ینه موسیو پو آنتفاره ایله انکلتزه خارجیه نظری سیر ادوارد دهره میذکور قاینه خطرات ایش اولدقلری حالدیه بومهم وصایا حکومتجه لایق اولدینی مرتبه نظر تقدیره آلتیه ورق بر طرفدن طرابلس غربیه مهمات و ارزاق ارسالله حربیه دوام و دیگر جهندنده جمیته منسوب اولارق اوجه تعیین ایدیلن مأمورین ملکیه واتحاد قلوبلری معرفتیه انتخابات جدیدیه اجراسنه قیام ایدلدی . جمیعت اسکی مجلسدن آلدینی درس اتباهه بناء کشاد ایدیلرک مجلس مبعوثاننده قوتلی بر فرقه مخالفه بولندیرماق و باخصوص مجلس سابقده کسب تمیز ایدن معترضارک تکرار انتخابه میدان ویرمامک فکر و عزمنده بولندیغندن انانی انتخاباتده نمائک متمدنده جاری اولان و پروپاغندا تعبیر اولسان معاملات تشویقیه واقناعیهك فوقنده هر درلو وسائط جبر و شدتک استعمائیه جمعیتهك ارزو استدیکی ذوات مبعوث انتخاب استدیقلدی واسکی معارضلر و بالخاصه بونلر میاننده کی آرناود مبعوثلر محروم و مایوس ایدلدی . اونلرده طبیعی کندلی عنصرلرینی تهییجدن کرو طور مادیلر .

اولکی ضربه ایله مجروح القواد اولان آرناودلر بودفعده مبعوث انتخابی حقنده قانون اساسینك کندیلرینه بخش ایش اولدینی حق سربستی استعمالدن محروم ایدیلنجه غلبانه کلدیله . ایشته قیام اخیرک یکانه سبی انتخاب اخیرده جمعیته التزام اولسان شو معامله جبر و شدتدرکه بونک وقوعی یالکز خبر تواترله دکل پای نخنده و ولایتده خلقك بالذات مشاهداتیه مرتبه ثبوت واصل اولان حقیقتلردندر .

دولت علیهك طرابلس محاربه سیله مشغول اولدینی شو صرعه روم ایلمده تکرار برارناودلق غائله سی چیقارمق بر وجهله جائز اولمادیغندن بومسئلهك صورت حکیمانه و مسالمتکارانه ده حل

و جوب قطعی تحتده ایدی . فقط ارناودلرک قومشورلنده کوردکاری تمایلات تجاوزکارانه نظرآ محافظه حیات و موجودیتاری ایچون اولجه اللرندن آلمان سلاحارینک اعاده سی و انتخابات یکیدن قانون دائرہ سنده نرسیق ، اجراسیله اداره عرفیه نك لغوی و احکام مشروطیتک تمامآ تطبیق یولنده درمیان ایتدکاری مطالب جمعیتجه قابل اسعاف اولمادیقندن سعید پاشا قاینه سی کرک حادثه سنک یکانه نسبی اولان اسماعیل فاضل پاشانک قومانداسی تحتده اولورق اوچنچی اردوی هایونی ایکنجی دفعه ارناودلغی ضرب و تنکیله مأمور ایتدی و روم ایانی المزدن آلق اوزره کمین خفاده ترتیب مقدمات ایله مشغول اولان دشمنلر مزك اتمکینه یاغ سورده رک بونلره قرشی طویلی و قوتلی بولندیلمسی مرتبه وجودده اولان اردوی هایونی ارناودلغک سرت طاغلرنده و پراکنده بر حالده مشغول اتمک و کندی قوتلره اسباب اضمحلالمزی حاضر لاق کی برکریوه خطایه دوشدی .

مقدما بلغراد سفارت سنیه سنه مامور اولدیغی جبهته صربیلرک قوصوه ولایتی حقنده کی آمل مضرمه سنه کسب و قوف ایدن و بوسره ده التفعی قول اردو قوماندانلیقه مناسرتده بولوب اخیراً محاربه زائلده نائل رتبه شهادت اولان حمتمندان امرای عسکر یندن فتی پاشا مرحوم ارناودلق حقنده حکومه تبه تشبث ایدیان بو حرکتک روم ایلمک استقبالنجه موجب وخامت اولاجغی بالدفعات مرجعه یازمش ایسه ده دیکلته مش و احباسندن برذاته خط دستیه یازدیغی ۳ نیسان ۱۳۲۸ تاریخی خصوصی بر مکتوبده « حاجی عادل بکک معلوم اولدیغی اوزره دور و تفتیشی الله بیلر اما فی تیجه لر ویریه جکدر فکرنده ، کندیلری نزدنه اجرای تأثیر اتمک چالش حاجم . ارناودلغده حکومت مرکزیه نك اسمانی آکلایه مدیقم مقاصدینه اردونک قاریشدر یلماسنه اول و آخر معارضه . عسکرک انتخابات ایشاری کی سیاسیاتده استخدای اردونک قیمت حربیه سی بتیریمور . سوزلرم مسموع اولمازسه در حال تقاعدلکمی استدعا ایده جکم »

« صربستانه عائد بیوردقلرکز پک مهمدر . بلغرادده سفیر بولندیقم مدتجه ضرب — بلغار مناسباتی اهمیتله تعقیدن بر آن خالی قلماش ایدم . چونکه حکومت عثمانیه نك ضررینه ایدی . او زمان مابین هایونه و باب عالییه یازدقلرم قبول اولنهرق بلغارستان ، صربستان اتفاقتک — که حصوله کلش کی ایدی — اوکنه کچیلشم اولاجق ایدی » وینه مشارالیه ۲۹ نیسان سنه ۱۳۲۸ تاریخی دیگر بر مکتوبنده « انتخاب فناقلرینه مقابله آیقازانان ارناودلق حقنده حاجی عادل بک ایله محمود شوکت پاشا رای عاجزی وجهله حرکت ایده دیدلر مسئله حل اولنور بیتر ایدی . یزی اشغال و وطن مقدسمری اضرار ایدن احوالده وقوع بولماز ایدی . » فقراتسنه بیان یاس و استیف اتمشدر :

دها زیاده تعجبی موجب احوال دندرکه بالقانلرک عقد اتفاق ایندکله رنی خبر الان اوستریا دولتی صربستانک تهذبات حربیه سنه میدان ویرمه مک اوزره آوروپادن مبیامه ایتمش اولدیفنی سریعی آتشی طویلری اوستریا ممالکندن امراره مساعدہ ایتمه دیککی خالدہ باب عالی صربیلرک مراجعت و التماسنه بناء مذکور طویلرک مهماتیله برلکده سلانیکدن بلغرادہ سوقنه موافقت ایتمکله بر خطای الیمی دها ارتکاب ایتمش اولدی . چونکه او آلات مخربہ آرز بر زمان صوکره عثمانلی دلاورلی علیهنده استعمال اولندی .

بوسوقیات سعید پاشا قاپینہ سنک خاتمہ ایامنه قدر دوام ایدوب فازلی احمد مختار پاشا قاپینہ سی موقع اقتداره کلنجه بلغرادہ سوق اولغق اوزره سلانیکه کتیرلش اولان یوزدن متجاوز سریع آتشی طویلری مهماتیله برلکده توقیف ایلدی .

اگر سعید پاشا قاپینہ سی بو غفلتده بولنسه ایدی صربیلر تجهیزات عسکریه لرینی اکل ایدمیه جکارندن بالقان اتفاق عاجلاً موقع تطبیقه قونه ماز و دولت علیه بوجوم مشؤمه معروض اولماز ایدی . موسیو پوانقاره و امثالی اعظم رجال سیاسیه نک و آتیه مصلحتکارینک اخطارلریله و وسائط سائر ایلہ اتفاق مذکورہ کسب و قوف ایتمی طیبی اولان بو قاپینہ نک سالف الذکر طویلرک امرارینہ مساعدہ ایتمی طوغریسی قابل عفو اولیان مسامحتاندنر .

غیرت وطن پرورانلریله اعلان مشروطیتہ موفق اولان سالف الذکر اوچنجی اردو ضابطان حیتمندانی دشمن خارجی به قارشی حقوق ملت و وطنی مدافعه و خیفه مقدسه سیله مکلف اولان عساکر شاهانه نک ژاندارمه کبی بویله متبادراً داخل مملکتده ابنای وطنی تأدیپ ایلہ اشغال ایدلنی خوش کورمه مکہ باشلادیلر و بو حرکتلرک تحتندہ برچوق مقاصد احتراصکارانه مندمج اولدیفنی حس و تقدیرده تقدم ایدنر اجتہاداً دیگر رفیقلرندن آیرلیدلر . بو جهتله ضابطان اینجندہ بی طرفلرندن مانعاً اتحاد جمعیتنه منسوب اولانلرہ مقابل خلاصکاران نامیه یکی برفرقه پیدا اولدی . دولت علیه طرابلس غرب محاربہ سی و ایتالیا دونماسنک تهدیدی آلتندہ بولنان آق دکر بوغازینک تقویہ سی ایلہ مشغول و روم ایلندہ کی عساکر شاهانه ارنالودلری تأدیبه مأمور اولدیفنی بو هنگام تذبذب اشتعالده حربیه ناظری محمود شوکت پاشانک بغتہ استعفا ایلہ ایشدن چکلمسی عالمه حیرت ویردی . صدراعظم سعید پاشا ایسه حربیه نظارتنه دیگر مناسبی انتخاب ایلہ سده سنیه ملوکانه یه عرض ایتمه رک رفقای سائرہ سیله یکی طویلاتان مجلس مبعوثانه کیدوب دولتک احوال داخلیه سنی مبعوثین کرامک حس حیمتارینی اوقشایاجق صورتده ماهرانه تصویر ایلہ سیاست خارجیہ مزک مطلوبه موافق و دولت عثمانیه نک دها خیلی منابع حیاتہ مالک اولدیفنی کندینہ مخصوص بر طرز بیان ایلہ افاده و خارجیه ناظری عاصم بک دخی صدر مشارالیمی

تا ییذا ایسالیلردن ماعدا دول معظمه و تخصیص بالقان حکومتلریله اولان مناسباتلر یولنده اولدیغنی بیان و تأمین ایدرک هیئت وکلا حقیقده مجلسدن اعتماد رأیی الندقدن موکرا صدر مشارالیه دخی خلاف مأمول اولارق همان استعفانامه سنی تقدیم ایله ذات شوکتسمات خلافتیناهی نی غایت نازک و مشکل بر موقعده بیر اقدی. ایشته بو هنکام فترده مابین هایون ملوکانه کتبه سندن بر ذات صاحبخانه عاجزانه مه کله رک بعض امور تنزلاً بو عاجز ایله استشاره بیورملق اوزره طرف اشرف ملوکانه دن دعوت اولدیغنی بیان و تبلیغ ایتمکله اراده سنییه امتثالاً ییلدیز سرای عالیسنه عزیمت ایسدم. حیت قصرنده باش مابینجی لطفی و باش کاتب خالد ضیا بکدر نزد عاجزانه کله رک مشارالیه مادن خالد ضیا بک «سعید پاشانک وقوع استعفا سنی اوزرینه شوکتسمات افندیمر صدر ارتی لوندره سفیری توفیق پاشایه تکلیف بیوردیلر. مشارالیه مجلس مبعوثانک سدیله انتخابات جدیده اجرایی و عفو عمومی اعلانیه اداره عرفیه نک لغوی داخل اولارق الی ماده نک قبولنه تعلیق موافقت ایسدی. ذات شاهانه مجلسانک سدی تعدیل اول حکمنجه ید اقتدار هایونلرنده اولمادیغندن بوندن ماعدا شرائطی قبول بیور مشلر ایسده توفیق پاشا اشعار سابقنده اصرار ایتمکله صدارته غازی احمد مختار پاشایی کتیرمک تصورنده بولندقلرندن سزکله استشاره بیورده جفلردر.» دیه اسباب دعوتی ایضاح ایتمکدن موکوره نائل شرف مشول اولدیغنده ذات معالیسمات شاهانه سعید پاشانک استعفا سنی و توفیق پاشانک درمیان ایتمکی تکالیفده اصراری اوزرینه بر حال مشکله معروض اولدقلرندن و غازی احمد مختار پاشا امور عسکریه و سیاسیله سنه لرحه اشتغال ایتمش امکدار بر ذات اولوب حق عاجزانه مدهده توجه و اعتماد شهریاریلری برکمل اولدیغندن بحث ایله صدارتک مشارالیه و خدمت مشیختکده بو عاجزه توجیهی تصویب بیورلدیغنی بیان و فرمان بیوریلنجه حیرت و اضطراب ایچنده قالارق اولجه استعفا عاجزانه مه سبب اولان عوارض صمیمه نک هنوز زائل اولدیغنی حقیقت محضه اولارق عرض ایله عفو و مرحمت شاهانه نی نیازه جراثیب اولدیغنده «آسوده بر زمانده وقایع شرف مأموریت ایچون ویریلن یوکسکک بر معاش ایل سنه لرحه خدمت فتواده بولنوبده دولتک بویله تنک و غائله لی بر وقتنده امید معاونته تکلیف ایندیکمز برخدمتی قبولدن استنکافکنر شیمدی معاشک آزلیقه برابر بار مسئولیتی تحمیلدن اجتنابکنزه حل اولنه بیلیرکه بوکا حیتکنر قطعاً مساعدده ایتمز اعتقادنده سیم» کات ملزمه سیمله فرمان شاهانه و وجوب امتثال تلیمج بیورملق اوزرینه وطنه عائده بر خدمت نه قدر آغیر اولسه حسب الحیه تحمیلدن اجتناب ایندیزسده استطاعت شرط منفرد اولدیغندن بر فرجه خلاص بولمق امنیه سببله اول امرده غازی پاشایی کوروب مداوله افکار ایتمککله مساعدده بیورملق حقیقده کی استرحام عاجزانه م لطفاً استعاف بیورلدیغندن حضور هایوندن

چقد یغده قابو او کنده توقف ایتش اولان مشارالیهما لطیفی و خالد ضیا بکلرک متهاکانه وقوع بولان تبریکاته بیان عجز و تردله مقابله ایدرک اوجه مابین هایونه جلب ایدلش اولان باشا مشارالیهک بولندینی محله کیتدم . دولت علیه نیک معروض اولدینی احوال مشکله ببناء صورت فوق العاده بر هیئت وکلانیشکیل لازم کلوب بو ایسه یک مهم مسائلدن اولدینی کبی وقتده کجککش اولدینندن صدور سابقه دن درسماتده بولان کامل و حسین حلمی باشا دخی حاضر اولدینی حالد و وضعیت حاضره اکلاشیله رق اکا کوره مداوله افکاز اولنق اوزره فرداسی علی الصباح ساعت ایکیده چیت قهرنده اجتماعه قرار ویریلرک مشارالیهما یغده معلومات اعطاسیله عودت اولندی .

ایرته سی کون ساعت اوچده مذکور چیت قهرینه کیده بیلدم . چونکه احوال صحیه مک بو وظیفه مشکله یی بحق ایفایه مساعد اولماسی اجتنابه باعث اولغله برابر اختیار مک فوقده اولان بر قوه معنویه بو عاجزی کرها اورایه سوق ایدیوردی . غازی احمد مختار باشایله کامل و حسین حلمی باشاری و غازی مشارالیهک هیئت وکلانی تشکیل ایتک اوزره دعوت ایتش اولدینی داها بعضی رجالیده اوراده بولدم . هیئت وکلانک قطعاً تشکلی مستعفی قایینه نیک اسباب سقوطیله دولتک احوال داخلیه و خارجیه سی نه مرکزده بولندینک بیلنسنه متوقف اولدینندن اول باول طرابلس غرب محاربه سنک شکل حاضر یله روم ایلیده وقوع بولان قیامک و اول بایده اتخاذ اولان تداییر عسکریه نیک ماهیت و نتیجه مستحصیه سی آکلاشیلنق اوزره دائرة عسکریه دن ارکان حرب ریئی وکیلی هادی باشایله طرابلس غرب سوقیاتنه مأمور ارکان حرب ضابطلرندن بر ذات جلب ایله ایضاحات شفاهیه نری استماع و اوچنچی اردوی هایون ایله جریان ایدن مخبره اوراقی قرائت ایدلدی .

آق دکرک مسدودی جهتیله طرابلس غربیه منتظماً عسکر سوقنه و مهمات حربیه ارسالنه امکان اولمایوب یالکز اوراده ایتالیا لیلرله چارپشمده اولان جزئی عساکر عثمانیه ایله کلیتی عربانک اعاشه لری و حربک ادامه سی ایچون لازم کلن نقود و ارزاق ایله مهمات حربیه نیک تونس و مصر طریقله و بعضی وسائط اجنبیه ایله سوقنه اهتمام ایدلکده و بو سوقیات ایچون شهر یوز سکسان ، ایکی یوز بیک لیرا قدر بر مبلغ صرف اولنقده ایدوکی ضابط موصی الیهک افاداتندن آکلاشیلقدن صوکر اوردوی هایونک عموم قوماندانی اسماعیل فاضل پاشانک حربیه نظارتنه چکمش اولدینی صوک تلغرافنامه ده معیتنده بولان سکسان طابور قدر عساکر عثمانیه یی دائرة قیامک توسع ایتسنه ببناء لزوم کوردیکی نقطه لره سوق ایله تأدیپ عصاة ایچون صرف مقدرده قصور ایتمه مش ایسه ده طابورلردن بعضیی آرنالودلرله التحاق و بهمنلری ده استعمال سلاحدن استنکاف ایدلکاری و بو طاقنق عسکری طوپلیه رق بر حرکت عمومیه اجر اسنده

امكان قالماديني جهته بو قيامك تسکيني ايجون باب عاليجه سياسته بر تدبير اتخاندن باشقه چاره اولماديني بيلديرلش و هادي پاشا دخي فذلکه بياناتي اوله رق بر سنه يه قريب دوام ايدن طرابلس غرب محاربه سي سبيله قلعه سلطانيه بوزاغيني و آق دکرده کی سواحل عثمانیه نك نقاط مهمه سي ايتالياليرك هجوم و تجاوزندن محافظه ايتک و بر طرفندن ارناودلق قيامي تسکين ايله روم ايلنده شورش وقوعنه ميدان ویرمه مک اوزره عساکر نظاميه و ردیفه نك جمله سي سلاح آلتنه آلتوب بونلردن ايجابي قدر طابورلر بوزاغ اطرافيله سسائر نقاط مهمه يه سوق و تعبيه ايدلش و آرتيق اناطولیده تحت سلاحه آلته جق بر نفر ردیف بيله قالماش اولديغني و اوچنچي اردونك وضعيت حاضره سي قوماندان پاشانك قرائت اولنان اشبهو تلغرافنامه سنده موضحاً بيان اولنوب دائرة عسکريه بو باده وظيفه سي تماماً ايفا ايلش بولنديغني سويله مشدر. ديگر جهته دن اهل قیام سعيد پاشا قاينه سنك ايشدن چکلمه سي و مجلس مبعوثانك سديله قانون دائره سنده انتخابات جديده نك سربستي اجراسي و عفو عمومي اعلانيله اداره عرفيه نك لغوي و اولجه طوپانيلان سلاحلرينك تماماً و عاجلاً کنديلرينه اعاده سي بولنده سرد ايتدکاري تکليفک سرعت اسعافي طلبنده مصر و اسکويه طوغرو حرکت حاضره اولدقاري اشعارات رسميه دن اکلاشلمشدر. شو تديقات و ايضاحاتدن محمود شوکت و سعيد پاشالرك يکديکري متعاقب ايشدن چکلملرينك اسباب حقيقيه سي تعين ايتدي و حاضره اولان ذواتي بهت و حيرت استيلا ايلدي. چونکه سعيد پاشا کياست مسلمه سي جهته يه بو حالک و خامت عاقبتی و طرابلس غرب محاربه سنه دوام ايتمکه او قطعه اسلاميه نك حالاً استردادينه امکان اولمايوب بالعکس روم ايلي قطعه سييله بحر سفیده کی آطه لمزي ده سورکليوب کوتورم چکني پک کوزل تقدير ايتش و حکومتک شکل حاضرينه نظراً سفینه دولتي دوشمش اولديني کرداب خطر دن قورتارمغه شخص و موقعنده قوت و اقتدار کورميوب مع هذا مالایدرک لايترك کله قاعده سنجه قاينه سي اعضا سندن اولان صدر حاضره سعيد حليم پاشايي ظاهرده تبديل هوا و حقيقتده ايتاليالير ايله مذاکره صلحيه اجرا ايتک اوزره اولجه ايتاليا قريبنده کی لوزان قصبه سنه کوندرمش ايسه ده مذاکرات صلحيه نك نتیجه لمنسي ايجه بر زمانه متوقف اولوب حال بوکه قوه عسکريه ايله تسکين ايديله مين آرنودلق قيامنك دوام ايتسي و بلغارلره صرب و قرم طاغیليرك دولتك حال حريده بولنسندن و اغتشاشات داخله سندن بالاستفاده ماکدونيايي اليزدن آلق اوزره بر منوال محرر عقد اتفاق ايللري سبيله روم ايلنده حاضره لانان بر هرچ و مرجک قريباً ظهور ايدم چکي نظر عرفاننده کرکی کبي تحقيق ايلش اولماسنه و محمود شوکت پاشانك استعفا سي ده پای ثباتی تزلزله اوغراتمسه مبنی مجلس مبعوثانده او يالديزلي نطق ايراد ايله اعتماد رأيي آلدقن صوکر ا دور سابقده انکاتره سفارتنه التجا

بچون دستور حرکت و وسیله، معذرت اتخاذ ایتدیکی الفرار ممالایطاق من سنن المرسلین حکمنه
باعاً در حال استعفانامه سنی عتبه سنییه تقدیم ایتش و دوش همتنک متحمل اولمادینی بو بار بلایی
خلافه ترك ايله على اعتقاده مسئولیت آتیه دن تخلیص نفس ایتک اوزره اعمال لطائف الحیل
ریقنه کیتمش اولدینی اگلاشادی. بو حال هولناک ايله زمام اداره نی اله آلمق آتشدن کوملاک
بکدن باشقه بر شی اولمادینی جهته نافعہ نظارتی قبوله موافقت ایتش اولان سابقا و ما سفیری
ظلم بک در حال قرارندن نکول ايله او مجلسی ترك ایتدی و حضاردن بعضی یلری بحق تردد
لپهار ایتککه باشلادی. دیگر جهندن بحران وکلانک امتدادی سببیه ضابطان آراسنده قیل وقال
تاریق عاقبت وخیمه حدوشندن قورقولمقده ایدوکی حربیه ناظری وکیلی خورشید پاشا
برفردن تلفونله پیدرپی مابین هایونه بیلدیریلوب طرف اشرف ملوکانه دن بالطبع تلاش اظهار ايله
طرف عاجزانه مزه تبلیغات اجرا بیورلمقده ایدی. دولتی قورتارمق نیتیه میداننه آتیلان هیئت
مخادیه نك شو درت بش سنهك حرکات و مساعی مبسوطه سی عکس قضیه یی انتاج ایدوب
دایر فوق العاده ايله بو حاله چاره ساز اوله جق رجال مقتدره دخی بحکمة الله تعالی عصر مزده
مقود اولدیغنه و مع هذا بر خدمت امیدیه طرف اشرف هایوندن عهده عاجزانه مزه تودیع
بور آرزو بیسورلینی حاله آباء و اجداد مزله پرورده نان و نعمتی اولدیغمز بو دوات علیه
سلامیه یی معاذ الله تعالی تهلکه انقراضه سوق ایتکده اولان شو حال تدبیده ترك ايله ذات عالی
پهرواری یی غایت مشکل و وخیم بر موقعه دوشورمک حمیت دینه و محبت وطنیه مزله قابل تطبیق
وریه مدیکنه بناء یکی آجیه جق مجلس مبعوثانک جین اجتماعنده هیئت جدیده نك موقعی تعین
فک و فکر مخصوصه او سروده ایشدن چکلمک اوزره عون و عنایت صمدانیه یه استناداً
و بار عظمتی تحمله بالضروره قرار ویرلیدی.

ازناودلرک اسماعانی طلبده مصر اولدقلری مواد مشروحه قبول و اجرا ایدلمکجه نائره
ختلالک تسکینه الله و وسائل و امکان قالمادینی ایضاحات واقعه و مخبرات رسمیه ايله تحقیق
لیدیکندن بو اساس اوزرینه هیئت جدیده نك تعیین خف حرکتنه دائر حسین حلمی پاشانک
لمه آتش اولدینی خلاصه ذوات موجوده طرفندن بعدالامضا هیئت وکلانک تشکیلی
رارلاشدیرلیدی و اصولاً صدر جدید طرفندن لدی العرض موجبجه اراده سنییه ملوکانه
برفصدور بیسورلقله بعدالمقرب باب عالی یه کیدیلهرک همان مجلس وکلانک عقیده مستعینا بالله
مالی ایشه مباشرت ایدلیدی. نوع بشرک احوال روحیه سی اینجاچه تهیجات عصیه ايله طغیان
بدن بر جماعتک سوز آیاغه دوشدکدن سوکره تسکین هیجانه مسیبارینک دخی مقتدر
ولامدقلری دلالت امثال تاریخیه سببیه معلوم اولدیغنه و در حال اجرا ایدیلن تبلیغات تأمینیه

رغمًا ارناودلرك قوصوه ولايتنك مركزى اولان اسكوبه داخل اولدقلرى اشعارات رسميه د
آكلاشيله جفته بناء بونلره نصايح مؤثره اجرا و مطلبلرينك اسعاف اولنه جفته دائر كنديلرين
تأمينات قطعيه اعطا اولنهرق او حواليجه سكون و اسايشك بر آن اول احضار و تأميني ايجو
سابق طرابلس غرب قوماندانى مشير ابراهيم باشانك رياستى آلتند ارناودلرجه حائز اعتاد رجا
دولتدن بر قاچ ذات تعيين و اعزام قلندى . ديكر طرفدن هيئت وكلايتك نقطه نظر نجه مجلس
مبعوثانك قانوناً سديني ايجاب ايدن اسباب هيئت اعيانه عرض اولنقله كيفيت دائره اعيان
تشكل ايدن بر قوميسونجه هريض و عميق تدقيق ايديلهرك تنظيم قلنان مضبطه هيئت عموميه
قرايت و بالاطراف مذاكره مصلحت اولندقدن صوكره درت بش مخالف و بر مستنكف رأ
قارشى اكثريت عظيمه ايله مجلس مبعوثانك سدى لزومى تضمن ايدر صورتده تفسيراً ويريلر
قرار سده سنه مملوكانيه لى العرض موجبجه اراده سنه تاجدارى شرفصودور بيورلمس
اوزرينه قانون اساسيتك تعيين ايتديكى مدته انتخابات جديديه مباشرت اولنق اوزره مجلس
مذكور صدر جديد طرفندن رسماً سد ايدلى . عفو عمومى اعلاني و اداره صرفيه نك لغوى كچ
بعض مقررات اتخاذ اولنوب طرابلس غرب محاربه سنه ده سرىعاً نهايت ويريلهرك دولتى بارعظ
مصارفدن و بحر سفيدى مراقبه اعدادن قورتارمق اوزره ايتاليالير ايله صورت خصوصيه
باشلامش اولان مذاكرات صلحيه نك صورت رسميه ده اجرا و اكالى ايجون سلطنت سنه ن
روما سفيري نابى بك كافى السابق داخل اولق اوزره يكيدين مرخصلر تعيينيله كنديلرينه تعليم
لازمه ويرلدى .

احوال ماليه يه كننجه خاقان سابق حضرتلرندن آلمان معلوم المقدار نقود و مجوهرات
كثيره دن باشقه درت سنه طرفنده اتحاد قايينه لرى طرفندن استقراض صورتيه تدارك ايديلر
و مقدار اعتباريسى اوتوز سكر ميلون عثمانلى آلتوننه بالغ اولان بر مبلغ عظيم اردوى هايونجه
بايبلان تشكيلات جديده و تجهيزات عسكريه ايله مأمورين تنسيقى و بر سنه يه قريب دول
ايتمكده اولان طرابلس غرب محاربه سيله يمن و كرك و حوران و ارناودلق اغتشاشاتى كچ حادثات
فوق العاده يه و احتياجات سائريه صرف و استهلاك ايديلهرك خزينه ده جزئى بر مبلغ قالمش
و حال حريده بولنديغمز جهته خارجدن پاره استقراضنه امكان اولمايدىندن دولتى واردات
عادييه علاوه آوانس و سائر صورته داخلده تدارك ايديله سيله جلك اچقه ايله اداره يه چالشمق
امر ضرورى بولنش اولدينى ماليه ناظرينك ايصاله تندن آكلاشيله رق بو حال مالى مذاكر
صلحيه نك تسريعيله طرابلس غرب محاربه مزمنه سنه و دولت عليه يي مصارف فوق العاده اختياريه
مجبور ايدن اغتشاشات داخليله يه همه حال نهايت ويرلمسى لزوم نجه قناعت بخش افكار اولمشدر

واقعا اخیراً مالیه نظارتنده بولتان جاوید بك یكى آچیلان مجلس مبعوثانده موازنه مالیه مذاکره اولنورکن ایراد ایتیش اولدینی نطق مفصلده استقراضات مباحوث عنہانک بیان مقادری حقندہ کامل پاشا قاینہ سنک سرای هایونده وقوع بولان اجتماعده کی بیاناتی مقرون حقیقت اولمادیغی در میان ایتیش ایسهده کندیبی کی بالفعل مقام نظارتده بولتان بر ذاتک احوال مالیه دائر مجلس وکلادہ رفقا سنہ ویردیکی معلومات و ایضاحانہ اعتماد ایتک بزم ایچون طیبی و ضروری ایدی .

مدت مدیده خزینہ مالیهده بولنورق ترقیات تدریجیه ایله کامل پاشا قاینہ سنہده نظارت مشارالیهایی احرار ایتیش اولان عبدالرحمن بک قیود اساسیه اوزربنه تنظیم و نسح مطبوعه سی صورت محرمانہده وکلایه توزیع ایتدیکی خلاصه حسابات خزینہ بی حاوی جدولی رسالہ دن نزد عاجزیده بولتان نسخه باب عالی وقعه معلومه سی کیجه سی چانعلہ مدد کی اوراق سائرہ ایله برابر صدراعظم اولان محمود شوکت پاشا طرفندن اخذ ایتدیریش اولدینی جهتہ حسابات معروضه بی مفرداتیله کویسترن وثیقہ مع التأسف ید عاجزانہ مدہ قلمام شد . بو احوال مشکله ایچنده سنہ دہری دولت علیہ بی مشغول و ہردرلو نکباتہ معروض ایدن ما کدونیا مسئلہ سنہ اول باول اصلاحات جدیدہ اجراسیله نہایت ویرہ رک روم ایلینک استقبالی حالاً تأمین ایدہ بیلیمک اوزرہ بین الوکلا مداولہ افکار ایدلکده کچن بیک سکزیوز سکسان سال افرنجیسنده خارجیه نظارتندہ بولتان عاصم پاشا مرحومک دول معظمہ سفارتلرندن تعیین ایدیلن دہ لک لک لہ بالذاکرہ برلین عہدنامہ سنک یکر می اوچنجی مدہ سنہ استناداً قرارلشدیرمش اولدینی صور اصلاحیه لایحه سی او وقتک وکلاسنجہ تصویب اولنورق لدالعرض ارادہ سنہ پادشہی یہ اقرار ایتیش ایکن ہرناصلسہ موقع اجرایہ وضع ایدیلہ مہمش و لایحه مذکورہ آوروپا رجال سیاسیه سنجہ مظهر تقدیر اولدینی جهتہ ما کدونیاہدہ فی الحال تطبیق و اجراسنہ مباشرت اولنورسہ اوروپاچہ حسن تأثیر حاصل ایدہ چکی درکار بولنیش اولدینی وکلادن بر ذات بیان و اخطار ایتکلہ خزینہ اوراقندن مذکور لایحه عیناً جلب ایله مطابقت اولندی . ما کدونیاہدہ متعین عناصر مختلفہ نک وقایہ حقوق و منافعیله ہمجوار حکومتلرک القات و تحریکاتہ و اہالی غیر مسلمہ نک دخی مذکور القاتہ قبیلہرق اخلال آسایش بولندہ وقوعہ کلکدہ اولان حرکتہ محل برافہ حق تشکیلاتی و قیود انضباطیہ بی جامع اولان بو لایحه ما کدونیاہدہ مختاریتہ قریب بر شکل اداره تاسیسی ایجاب ایدیورسہده خیلی مدتدر حکومت سنہ بی اشغالہ و چتہ لرک احساسی مقصدیلہ اضاعہ نفوس و مالہ سبب اولان وبالا حرمہ مداخلہ اجنبیہ بی دعوتلہ قوہ ضابطہ خارجیه بی قبول واستخدامہ دولتی مجبور ایدن بو مسئلہ صورت قطعیدہ حل اولنمادقجہ یالکیز روم ایلینک مرکز ی دکل بتون روم ایلینک الدن چیقہ جنی اصحاب عقول و بصیرتہ خفی اولمایہ جغندن

و دول معظمه نزدنده نائل تقدیر اوله حق دیگر بر صورت اصلاحیه نك اوزون اوزادی به مذاکره و تنظیمه ده وقت و حال غیر مساعد بولندیندن لایحه نك هان موقع تطبیقه وضعی قرار لاشدیر. یله رق درس عادتده بولنان دول معظمه سفر اسنه معلومات اعطا اولندی و بو تدبیر سفرای مشارالیم نزدنده مظهر تصویب و استعسان اولدی. آنجق مرکزیت اصولی شدتله محافظه ایتمک رای و عزمنده بولنان رجال جمعیت کندی پروغرا ملرینه توافق ایتمن بوسورت تسویه بی بالبلع خوش کور مدکلری کبی موقع سابق الده ایده بیلیمک ایچون تحریر اسبابدن خالی اولما دقلرندن برلین عهدنامه سنک لهمزده اولان بعض احکامی اجرا اولنمیورده دولنک امور داخلیه سنجه سربسقیء حرکاتی تحدید ایدن سالف الذکر اوچنچی ماده به توفیقاً پایلیمش اولان لایحه اصلاحیه نك تطبیقی استقلال دولته منافی اوله جنی فکر عوام فریبانه سیله هیئت وکلایه تعرض و هجوم ایچون وسیله اتخاذ ایتدیلر.

بو انشاده حسب الحال صیقبه اجتماع ایتمکده اولان مجلس وکلاده بولنق اوزره ساحلخانه عاجزیدن حرکتله طولمه باغچه جامع شریفک اوکنه ورودمده منسو بین عاجزانه مدن بری آراه می توقیف ایله «بك اوغلنده ساکن متحیز اجنبیلردن طانیدیم برذات علی الصباح تلغرافله دعوت ایدرك ارکان جمعیتک بوکون باب عالی به دارالفنون طلبه سی سوق ایله برنمایش یاه جقیرنی و بو غلبه لک آراسنده بعض فدائیلر دخی بولنه رق ایلر وکلن وکلادن برقاچنسه سوء قصد احتمالی اولدیفنی موثوقاً خبر الدم. بناء علیه بوکون افندی باب عالی به کیتسونئر دیه بی سزه کوندردی» دیمش ایه ده بوکی روایاته اهمیت ویرمدیکمدن متوکلاً علی الله طوغریجه باب عالی به کیتدم. فقط التزام احتیاط ایچون صدراعظم غازی احمد مختار پاشا ایله حربیه ناظری ناظم پاشایه حکایه کیفیت ایتدم. فی الحقیقه وقت عصرده دارالفنون طلبه سی اللرنده سنجاقلر اولدیفنی خالده باب عالی به کله رک مذکور لایحه نك تطبیقی دولنک استقلالنه منافی اولدیفندن بحث ایله ملتجه قبول ایدیله میه جکنی متهیج برلسان ایله افاده وخیلیجه کورولتو ایتدیلر. بونلره قارشیمش اولان بعض مطبعه محررلری ده باستونله باب عالینک مدخلی طرفینده بولنان پنجره جاملردن بعضیلرینی شکست ایدره رک طلبه بی دائرة صدارته کیرمک اوزره تشویق ایتملر سه ده طلبه جسارت ایده میوب او سرده صدر مشارالیه ایله بحریه ناظری محمود مختار پاشا خارجه چیقهرق مصالح دولتمه هیئت وکلا مسئول مستقل اولدیفندن کشدیلرینک دائرة ابدده تحصیل علوم ایله مشغول اوله رق خارج از وظیفه امور حکومتیه مداخله ایتمه ملرینی متجلدانه اخطار ایله طلبه بی اسکات ایلدیلر. ایکی ساعت قدر دوام ایدن بو کشمکش و نمایشدن سوکره طلبه طاغدی وحمد اولسون بشقه بر حادته ظهور ایتدی. ایشته غازی احمد مختار پاشا قایینه سی ایقاع ایدیلن هر درلو موانع و مشکلاته قارشی ارنالودلقد

اعاده اسایشه ماکدونیا اصلاحاتی بر آن اول موقع تطبیقه قوی برق اوجتهجده حالاً واستقبالاً سکون وسلامتک تأمین و برطرفدن مذاکرات صلحیه نک تسریعیه دولتک طرابلس غرب فائله حربندن تخلیصی و بحر ییاده سفانمژک سربستی سیر و سفری اسبابنک استحصالیه عساکر عثمانیه نک اعاشه سی و احتیاجات مبرمه سائر ایچون پاره تدارکی کبی مهم و مشکل برچوق مسائل ایله اوغراشدینی ائنده بالقان متفقلمی ترتیب ایتش اولدقلمی پلانی موقع اجرایه قویعق عزم و نیتنده بولندقلرندن بلغار ملتجه غلیان آثاری و حرب اماره لری کورولمکه باشلادی.

بالقان حکومترلینک بوتصور و تعمیمی معهود اتفاقک عقدی سبیله اورویا رجال سیاسیه سی نظرنده تعین ایتش برکیفیت اولوب شو صروده حکومت مذکورجه تهشانه کرمی ویریلهرک بالقانک هر طرفنده و علی الخصوص صوفیه ده افکار ملیه نک صوکه درجه غلیانه کلش اولماسی و درسعادتده اصلاحات علیه نمایش اجراسیله حکومتک تعصیب تشبثانه چالیشماسی اوزرینه دول معظمه وقوعنه استعداد نام حاصل اولان حربک ممکن اوله بیلدیکی مرتبه اوکنی آلقاه اورویانی بر حرب عمومی تهلکسندن قورتارمق فکر و ملاحظه سنده بولهرق آنفاً وعد و تعهد ایتدیکمز اصلاحاتک کندی طرفلرندن دخی برر مأمور تعینیه برلکده تطبیق و اجراسی درسعادتده بولان سفیرلری معرفتیه بآ عالییه تکلیف ایتدیلر.

دول معظمه نک حسن نیته دلالت ایدن بوتشبی اساساً تقدیر ایدلسکله برابر سالف الذکر لایحه اصلاحیه نک تطبیقنده اجنبی مأمورلرینک اشتراکی امور داخلیه دولته مداخله معناسی تضمن ایده جکندن سفرای مشارالیه نک حکومتجه اجراسی مقرر اولان تطبیقات اصلاحیه یی او حوالیده کی قونسولوسلری معرفتیه خارجاً تعقیب و نظارت ایللری صورتنک تکلیفی مجلس وکلایه دوشونیلهرک اول امرده بومقصدک استحصالی اسبابنه توسل ایدلدی.

بالقان حکومترلری ایسه سفرانک بوتشبنه مطلع اولنجه دول معظمه یی امر واقع قارشیسنده بولندیرمق اوزره دفعهً سفربرلک اعلان ایتدیلر و قوای مرتبه لری سرعت ممکنه ایله حدوده سوق ایتمکه باشلادیلر. دولت علیه ده بالمقابله همان استحضارات عسکریه یه مجبور اولدی و حربیه نظارتی مدت نظامیه لری اکیال ایتلرندن ناشی سفربرلک اعلانندن اول ترخیص ایتش اولدینی یوز بیکی متجاوز نظامیه افرادینی یوللردن چویره رک مواقع حربیه یه سوق ایلدی.

شوراسنی استطراداً بیان ایدرم که بوترخیس مسئله سنده هیئت وکلانک قطعاً رای و معلوماتی یوق ایدی. بناءً علیه مجلس وکلایه حربیه نظری ناظم باشادن استیضاح کیفیت ایلدم. مشارالیه اوچ سنه دنبری عصیان وقوع بولان محله سوق ایله یورغون بر حاله کلش اولان سالف الذکر نظامیه طابورلری مدت نظامیه لری اکیال ایتش اولدقلمی جهتله سالف

چانه‌رق ترخیص‌لری مصرانه استدها ایتلرینه و ایتالیا کی بر دولت معظمه ایله محارب بولندیغیز شو صرمده اردوده اختلال وقوعی قطعاً تجویز ایدیله‌میه چکی کی افراد مرقومه‌نک منع ترخیص‌لری ایچون‌ده حالاً بر سبب قانونی موجود اولمادیغنه مبنی ارکان حربیه عمومییه قورایله نظارتجه ترخیص‌لری جهتیه کیدلمش ایهدهه بالقان حکومه‌ت‌لرینک علی‌الفور سفر برلک اعلان ایتیمی اوزرینه افراد مرقومه بولندقلری محللردن هان جلب ایله نقاط لازمه‌یه سوق ایدلمش اولدیغنی افاده ایلدی . مسئله حقیقه توضیح ایتک ایچون ناظر مشارالیهک بو بایده مقام صدارتدن تهریراً بر امر آلوب آلمادیغنی اخیراً صدر اعظم اولان کامل باشادن صوردم . مستشار عادل‌بک دخی حاضر ایدی . صدر مشارالیه عدم معلومات بیان ایدوب مستشار مشارالیه وقوف طبعیه‌یی جهتیه بو ترخیص صرف وظائف عسکرینه‌دن اولدیغنه بناءً بوکا دائر باب عالی ایله مخبره جریان ایتدیکنی سویلدی .

باب عالی بر منوال محرر ودول معظمه سفراسیله تعاطی افکار ایتدیکی ائناده بالقان حکومه‌ت‌لری ذاتاً کندیلرنجه تقرر ایتش اولان حربک هر نه صورتله اولورسه اولسون تأخیر و یا منعه امکان بر اقامق اوزره اعلان سفر بری بی متعاقب دول معظمه کی روم ایلی اصلاحتنده کندی طرقلردن دخی بر ده‌لکه بولندیره‌رق صور اصلاحیه‌نک مشترکاً تنظیم و تطبیق وسلاح آلتنده بولنان عساکر عثمانیه‌نک هان ترخیصی کی تکلیف عینی حاوی باب عالی‌یه اولتیا‌توم ویردیله . حالوکه ممالک شاهانه اجزاسندن ایکن بر عصردن از زمان ایچنده بزدن افتراق ایله کسب استقلال ایدن بوکوچوک حکومتلرک عزت نفس ملیمزی جریحه‌دار ایده‌جک برلسان قطنی ایله درمیان ایتدکلری شو تکلیف‌لردن برنجیسنک قبولی روم ایلی قطعیه‌نک الجزده بولنان اقسامنی بالقانلیرله بینمزه مشترک عد ایتک و عساکرک طامعیدلسی ایهه کندیغزی الی‌باغلی اوله‌رق دشمنلرمزه تسلیم ایلکدن باشقه برشی اولمادیغنی جهتیه قبولی شویله دورسون بویله بر طرز بی ادبانده وقوع بولان تکلیفه جواب تسطیری بیله شرف ملیمزه موافق کوریله‌مه‌مک ضروری ایدی .

عصرلردن بری تاثیرات خارجییه و اسباب سائر ایله تدریجاً دوچار ضعف و انحلال اولان جسم نحیف دولته ایلم اخیردهه دوت سنه‌دن زیاده دوام ایدن بر سوء اداره‌نک آجیش اولدیغنی جریحه شقاق و نفاقدن اک زیاده حصه‌یاب تأثر اولان روم ایلی قطعیه‌یی قانقرمن حالته کلش اولماسیله بوندن استفاده‌ده افاته فرصت ایتین دشمنلرمزک بزی بر حرب هائل قارشیدسنده بولندیردقلری تحقیق ایتسنه و دفع صائل امور ضروریه‌دن بولماسنه بناءً اول امرده وظیفه‌دار اولان هیئت عسکریه‌نک رأی و معلوماتنه مراجعتله اکاکوره تعیین خط حرکت لازم کلدیکندن

محمود شوکت پاشاده داخل اولدینگی حالدہ دائرہ حربیہ ارکانی باب عالیہ دعوت اولنموق احوال حاضرہ تفصیلاً کندیلرینه بیان و بوبایدگی رأی و تدبیرلری استفسار اولندی .

تفصیلی آتیا بیان اولنه جفی وجهه فریق عبداہ باشند باشقه ارکان مشارالہم روم ایلنک نقاط مختلفہ سنده موجود عساکر عثمانیہ نك اون سکز کون طرفندہ درتیوز بیک نفرہ ابلاغیلہ مواقع حربیہ سونی قابل و ادرنہ ایلہ اشقودرہ و یانیہ کبی مواقع مستحکمہ الدہ اولدینگی جہتلہ بوقوتلہ خصم مشترکہ مدافعہ ممکن اولدینگی و بناءً علیہ باب عالیہ بو مدتک قازانماسنہ غیرت ایلنک لازم کله جکئی افادہ ایتدیلر و خلاصہ رأیلرینی حاوی بر ورقہ تنظیم وامضاً ایدرک صدر اعظمہ و یردیلر . محمود شوکت پاشا اساساً بو بیاناتہ اشتراک ایلہ برابر دائرہ عسکریمہ جہ شیمدی بر صفت و ماموریتی اولمادیغندن ورقہ مذکورہ بی امضاً ایتدکده معذور اولدینگی بیان و حربیہ ناظری ناظم پاشاده مشارالہی تصدیق ایتدیکله ہیئتجہ رأینک استماعیلہ اکتفا ایلدی . احوال داخلہ و مالیہ مزہ و بالخاصہ مشروطیتدن بری اردوی ہایون ضابطاننک اکثری سیاسیات ایلہ اشتغال ایدرک عسکرلکک روحی اولان امر اطاعتک مع التأسف مختل اولماسنہ نظراً بوسرمدہ محاربہ وقوعی ہیئت وکلا و بالتخصیص بوعاجز قطعہ آرزو ایتدیکمز جہتلہ مذاکرآدہ ہب بواساس نظر دقتدن دور طوطایوب بناءً علیہ ما کدونیدادہ موقع تطبیقہ قویق عمرمندہ بولندیغمز لایحہ اصلاحیہ و قتیلہ اجنبی دلکھ لریلہ مشترکاً تنظیم ایدلمش اولدینندن دول معظمہ سفراسنجہ حربک منعی تعہد ایدیلر سہ اخف ضررینی اختیار قبیلندن اولہرق اصلاحاتک تطبیق و اجرا سندنہ دول مشارالہمک اشتراکئی قبولدہ بآس کورمدیکمی خارجہ ناظری نورادونکیان افندیہ مجلسدہ سویلدم . مشارالہ بوصورتی کندیدی دہ بالتأمل ملاقات ایتدیکی سفردان بعضیلرینہ رأی ذاتی اولہرق افادہ ایتمش ایسہدہ آلدینگی جواب بلغارستاندہ حصولہ کلن غلیان افکارہ نظراً بلغار رجال حکومتی بیلہ حربک منعنہ مقتدر اولہمایوب بویلہ بر تشبندہ بولنسہ سقوط ایتلری محتمل اولدینگی و بناءً علیہ دول معظمہ نك تأخیری قابل اولیان بالقان محاربہ سننک آوروپایہ سرایتی منع ایتدکہ صرف مساعی ایدہ جکی مرکز ندہ بولنش و آوسٹریا - مجارستان سفیری موسیو پاللاوینچی دخی بوسوزی تأییداً یوزدہ طقسان نسبتندہ حرب احتمالنک غالب ایدوکنی درمیان ایلش اولدینندن سفرای مشارالہمک تکلیف واقعہ تمامیلہ موافقت اولنسہ بیلہ بوجریان طبعینک اوکنہ کچیلہ میہ جکئی افادہ ایلدی . فی الحقیقہ انکلتزمہ خارجہ ناظری سیرادوار غرہی دخی اخیراً بعض انکلیز محافلندہ ایراد ایتدیکی نطقلر ندہ بالقان محاربہ سننک منعی قابل اولمادیغندن آوروپایہ سرایتیلہ بر حرب عمومی تہلکہ سننک اوکنی المنعہ صرف مساعی ایدرک موفق اولدق لرینی سویلہ مشدر .

مع هذا نوع بشر ك احاطه فكريه سي كبي قدرت تصرفيه سي ده محدود اولديغىدىن لوندرو
سفر قونفرانسىنىڭ مقررات غىرطبيعيه سي بالقانلارده مطلوب اولان سكون و مسالمتى تاسيس
ايدىمىكى كبي قورقيلان حرب عمومى دخى آز بر زمان ايچىندە دولايىسىلە ظهورە كلىشدر .
بالادە خلاصه مالى حكاية ايدىلن حكومات متفقە اولتيا تومى تفصيل اولمان اسبابە مبنى وجهاً
من الوجوه قابل قبول اولمايغىدىن يە دول معظمە نك همت مشكل بر اندازلرينە مراجعتلە صوك
چاره سلامت آرائىق اوزرە حكومات مذكورە نك درسعادتدە بولمان سفيرلرينە جواب مقامندە
يساپورطالرىنىڭ اعطاسىلە بالضروره قطع مناسباتە و بو صورتلە سلطنت سنيە نك حفاظتە شرف
و ناموسنە قرار و يرلدى . فقط شيمدى ادعا اولنديغى اوزرە رسماً اعلان حرب ايدلدى .

هيئت عسكريە نك طلب ايتدىكى مهل ؛ مذاكرات و مخبرات سياسيه ايله قرانيله رق دائره
حربيه او مدتدە تحقيقات عسكريه يى اكمال ايتىش و حكومات متفقە يىنندە مقرر اولديغى وجهە
قرە طاغليلار ناودلق جهتندە كى حدود خاقانى يى چندكوندن برى تجاوز ايدرك عساكر عثمانيه ايله
رسماً حربە مباشرت ايتدىكلىرى كى بلغارستان حدودندە دخى قرە قول محاربه لرى باشلامش ايدوكى
و حدود بويچە تحشد ايدن طرفين عساكر متقابلە نك حال توقفە بولنديرلىقى قابل اولامىوب
دول معظمە جه مصروف اولان مساعيدن استفادە اميدى دخى منقطع اولديغىنە مبنى عساكر
عثمانيه نك دە مستعيناً بالله تعالى دشمنلە محاربه يە ابتدارى كسب ضرورت ايشدر .

حربك صفحاتيلە نتيجه ايتيمى عامە جه معلوم اولوب اصل نظر دقتە آلتدجق جهت تاريخ
عثمانى دە همان مثلنە تصادف ايديله مەين بو هزيمت سريە نك نه كى اسباب و احوالدىن ايلرى
كلديكىنى كشف و تعين ايتىك قضيه سي اولديغىدىن بو حقيقتى ميدانه چيقارمق وامر اى عسكريە دن
ائىلى حربدە قصور و تهق و وقوع بولانلرى بلحاكە جزالنديرمق وظيفه اساسيه سيلە مكلف
اوله رق اولجە تشكيل بيوريان ديوان على عسكرى بر آرائق تعطيل ايدلىكى و اراده اخيره
ملوكانە اوزريندە ديوان على مذكور هنوز اجتماع ايله ايشە مباشرت ايتىوب بناء عليه انهمزام
واقعت اسباب و منشئ اساساً تعين ايتدىكى حالده مجرد شكك عائد بر طاقم خطالار اسناديله
حربك مسؤلىتى اعضاسىدىن بولنديغى غازى احمد مختار و كامل پاشالار قاينە لرینە تحمیل ايدىك
ايسينلديكە وائىلى حربدە ايكنجى شرق اردوسى قوماندانلغندە اليوم برلين سفارت سنيە سنده
بولمان محمود مختار پاشانىك (اوچىنجى قول اردونك و ايكنجى شرق اردوسنىك محارباتى) عنوانيله
يازمش اولديغى ايكنى يوز يتمش محيفە لك بر اترك فذلكە محاكاتى اولان ملاحظات قسمنده حربك
وقوعيله نتيجه مؤلمە سنى توليد ايدن اسباب محيفە لك واقفانە و بى طرفانە سرد و اتيان
ايدلمش اولديغىنە مبنى مذكور ملاحظاتك نقاط مهمه سنى نقل و بيان ايتىكى واجباتدن

عدا ایدم . مشایه اشبو ، الاحفانده ، عثمانی اردولرینک روسیه محاربه سندنکی ، موقیاتی و ابراز
ایستدکاری شجاعت قهرمانانه بو دفعه کی سرعت هزیمتده مقایسه ایدله جک اولورسه بهت و حیرت
ایچنده قالماق ممکن دکدر . بر بلو ، بر کدکلردن سوکره بر قرق کایسا ، بر لوله برغوس و یا بر
قومانو ، وقعه نری ؛ آنجق بر روسیاح مضفریتندن سوکره یانه هزیمتی ایله قابل قیاسدر . فقط بزم
قارشیمزده نه بر ناپولیون موجود ایدی ، و نه ده بزم قوماندانده ؛ او زمانکی پروسیا قوماندانلری
قدر حرب حاضر قواعدنن بی بهره ایدی . مغلوبیتیزی انتساج ایدن کیفیت سوق الجیش
خطا لردن زیاده تشکیلات اساسیه مزده و استحضارات حضریه مزده کی فغالقلره اجتماعی ، سیاسی
اخلاقی تفسیحات انضمام ایش اولماسیدر ، دیدکن سوکره بولری برر برر علما نه تدقیق
و ایضاح ایدیور .

بو ایضاحات صردسند « بتون بو الیم حالاتک تأثیرات خربیه سی کافی دکل ایش کی برده
یک تشکیلات پایلمش ایدی ، مقدمه سیله محمود شوکت پاشانک موقع تطبیقه قویدینی تشکیلات
جدیده نك اردوی هایونی تنظیم و تقویه دکل بالعکس سابقه نسبتله اداره سی مشکل بر حاله
کتیردیکنی و بو دفعه کی انهنزائمک باشلیجه اسبابندن بری اولدینغی عسکرلک نقطه نظرندن بیان
وائبات ایدیور و ضابطان سیاسیات ایله مشغول ایدیلرک انتظام عسکرینک اخلال و مشروطیتدن
سوکره هر شبه ترجیحاً اکلی لازم کلن طرق سوق الجیشیه نك نافع نظر اتجه انشاسنده
مال ایدلسنی هزیمت واقعه نك اسباب مهمه سندن اوله رق ذکر و تصریح ایله یور .

محاربات عدیده ده بولنه رق اثبات اقتدار ایدن فضایل امرای عسکریه مزک بعضی سندن
سموع عاجزانم دخی بو مرکزده اولوب تشکیلات میحوث عنایاتی تطبیق و معناً بلغارستانی
نهدید ایچون محمود شوکت پاشانک مقدا ادرنه ایله استانبول آراسنده یتش بیک کشیک براردو
تحشید ایدرک اجرا ایش اولدینی مانورا بو حقیقی تماماً کوسترمشدر . ضابطانک تشکیلات
مد کوره ایله استیناس ایدمه ملرندن ناشی اردونک صورت مطلوبه ده اداره می و ارزاق و لوازم
سائر نك قطعات عسکریه یه منتظماً سوق و ایصالی قابل اوله مادیغندن بر محاربه شکلی تصویر
وارائه ایدن بو مانوراده عسکرجه آجلقدن و خسته لکدن خیلی تلفات وقوع بولنه رق پای تحت ده
فورلانک تلقیح و سرایتنه سبب اولدینی و بلغارلرده ضعف اداره مزی کوستره رک بالاخره
زمله حرب ایتمک جرأتلرینی استلزام ایله یکی اسحاب وقوفه غیر خفیدر .

اتحاد قایینه لرنده نافعه ناظری اولان خلایجان افندی سوجیات عسکریه و مناقلات سائر نك
نهمیلی ایچون انطولیده و دیگر جهاتده اون بیک کیلومتر و شوسه طریق انشا ایدیلر جکنی مجلس
مبعوثان کرسی سنده بیان و تعهد ایندیکي حالد دکل آناتولیده کی یوللرک ، استانبول ایله ادرنه

آراستندگی طرق عسکر به نك بيله افشا و اكمل ايديله مه سسندن ناشی بالقان محاربده سسند طو
آرايه لری چاموز لره صاپانه رق مهماتجه ده بر چوق ضایعاتمز اولدینی کی دو ننامزك تنظيم واک
ایچون واقع اولان تشویقات اثری اوله رق حیتمندان اهلینك اعانه ویردیکی مبالغدن آ
ساحلورده زرهلی اشترا اولنغله محاربۀ مذکورده بتون دو ننامزك یونان دوناماسنه مقابله
تأمین ظفره قدر تیاب اوله نامسی دخی اسباب هز عتمزك باشیجه لرنددر . سالف الذکر ای
زرهلی به ویریلن بر میلیون لیریه لزومی قدر مبلغ علاوه ایديله رك یونانلیرك آواروفنه مقا
ایده بيله جك جدید وقوی برکی مبیاعه اولنسه ایدی بحر آصولی مأمول قوی اولان مظفریتمز
محاربۀ بریده مزده تأثیر عظیمی اوله جفی بدیهی ایدی .

والحاصل كرك اردونك تنسیقنده و كرك امور اداریه و سیاسیه جه وقوعه كلن بو خطا
طرابلس غرب و روم ایلی قطعه لرینك الیزدن چیقمه سنه سبب مستقندر . مشارالیه محمود مخت
پاشا ملاحظاتك بر محله ده بونلری اجمالاً بیان ایتش اولقله عیناً بورایه درجی فائده دن خا
کور مدم :

« بدایت مشروطیتده وطنك حالت نزعه بولندی اونی دیلی اونودیله رق بوسنه هر سكدن مبعوث
جلب ایدلك دوشونلدی ، آوستریا بوكا الحاق ایله جواب ویردی . بلغارستان قپوكتخدا سنه دول
مأموری سوسی ویرمك ایسته نیلدی ، قرال فر دیناند اعلان استقلال ایله مقابله ایدی . هر
مطالعیه مبنی ایسه کرید مسئله سی آلوندیرلدی ، بویقوتلر یاییلدی . نتیجه ده یونان اسلاولر
برلشدی ، الدن کیدن هیات یالکیز کرید اولمادی . ایتالیانك طرابلسه قارشى طبیعت مصالح
ایجابجه موجود اولماسی لازم كان احتراضنه قارشى یا طرابلسك تحکیمی و یا خود بوقابل اولماغ
ایتالیانلرك مطالب اقتصادیه سنه قارشى ائتلافکارانه حرکت ایدلسی و شو صورتله حاکمیه
سیاسیه مزك اولسون محافظه سی جهتنه کیدلسی ایجابات منطقیه دن ایکن ایتالیانلره مشکلا
ایقاعنده دوام ایتدك . بو حال ایسه ایتالیانلرك مسلحاً تجاوزی انتاج ایدی . موقعمزك نزاکت
تقدیر ایتدك و کویا ایتالیانلردن باشقه خصامز یوق ایش کی حربه قیام ایتدك . فقط طرابلس
محافظه ایتك شویله دورسون مواصلا تمزك منقطع اولسندن یمنده و عسیرده کی موقعمزك نزاکت
اوغرادی . صد حیف که ایش بونكه قالمادی . هر طرفده کندی الیزله کوروکله دیکمز یانفینلر
سوندر مکه مشغول اولقلغمزدن بالاستفاده بالقان حکوماتی اعلان حرب ایدی .

« بدایت مسئله ده بلکه بو حربك اوکنی آلتی قابل ایدی . فقط یوقاریدن بری تعداد اولن
فلاکتلره سببیت ویرن عاللرك تحت تأثیرنده بریدی آنن ؛ دولتی بوکر دابه ده چکدی سورکله دی
« یا کرید یا اولوم یا طرابلس یا اولوم » ديه باغرمی و متینغر عقد ایتکی عادت ایدنلر ؛ بو دفعه

خلفه «یا صوفیه یا اولوم» یازیلی کلاهلر کیدیردیله و غازلی اوله جغز دیه باغرتدیله . حیفا که نه کرید قالدی نه طرابلس . او یانغرم جیار صوفیه یه اسیر اوله رق دخی کیرمدکن ماعدا لنکر استقلال دولت اولان بوتون روم ایلی ده الیزدن کیتدی . فقط او آدمله برشی اولمادی .

«جناب حق کبر و غروری سومر . بز بو جهندن ده غضب الهی یه هدف اولدق . بدایت مشروطیتده اورویانک کوستردیکی توجهی بر حق مکتسب عدایتدک . و بونک محضاً غیر امید عدایتدیلن برانقلابک اویانیدردینی حس تحسیندن عبارت اولدینی دریش ایدمه دک . استبدادک زاله سیله اکتساب ایدیه جک فیوضات و شوکت هان وجود بولمش کی کندمزی دول معظمه دن عدایتدک علله میدان اوقودق . غزته لره تحقیر ایتدک دولت برافادق ، ایکی ده برده مقطوع ر عدد ایش کی موجود اولمایان اوتوز میلیون عثمانلیقله تفاسر ایتمکن و اوچ عصر دن برو مع الاسف انواع هزیمت و محجز و جهالت آینه سی اولان صفای تاریخیه مزه رغماً منصل الی یوز سنه ک شان و شرف دن بحث ایدرک بالا پروازلقدن ، کندمزی آلداتمکن بر آن خالی قالمادق . علمدن ، صنایعدن ، تجارتدن محروم و فقر و ضرورت ایچنده پویان و ملت لفظتک مستند بولندینی شرائط اساسیه دن معرا ، مختلف العناصر سکنه دن مرکب و حیات سیاسیه سی اتحق قابت دولیه یه مدیون ، اراضیی بیوک ققط قوتی چوک بردولتچکدن باشقه برشی اولمادیغیزی آکلامق ایسته مک . کرک بو حاللر و کرکسه هر شیدن اول داخل انتظام و انضباطی ضامن و لماسی لازم کلن اردونک اختلاجیلر الدمه بازیه اولماسی و ضابطانک وظیفه لرندن باشقه هر شیله مشغول بولماسی اورویاچه هر امید سوندردی ، هر توجهی رفع ابتدی ؛ نفرت و یاندردی . ایشته باشمزه کلنلر هب بو حاللرک نتیجه مستحقه سیدر .

اولجه حق پاشا قایمه سنه ده داخل اولان مشارالیه محمود مختار پاشانک اعتراف حقیقت ایدیسنه یازمش اولدینی بو ملاحظات بالاده تفصیلاً عرض ایتدیکم دوت بحق سنه ک خطیئات سیاسائی دوعریسی بر پنج اوزرینه فتحه یازمق قیلندن اوله رق پک بلیغانه تاختیر و افاده یتمکنده اولدینی جهته نظر امان و بصیرتله مطالعه احراردر .

شرق اردوسک سوک استنادکهی اولان چتالجه استحکاماته دور سابقده ریختیملر انشاسیه وضع و تعبیه ایدلمش اولان بیوک چاپده کی طوپلر اخیراً قالدیریله رق هر نه مطالعه یه مجبی ایسه ریختیملری دخی تخریب ایدلمش اولدیغنه و یکیدن ریختیملر انشاسیه او چاپده طوپلر وضعه دن و امکان بولنه مدیفنه مبنی دائره عسکریاچه مذکور استحکامات اوکنده پیاده سپرلری انشا ایتدیریله رک اردوی هایونده قوللانیلان صحرا طوپلریله تجهیز و بونلری محافظه و اداره ایدمه جک قدر قوای عسکریه ترتیب و تعیین ایدلمش و باب عالیجه دخی اردوی هایونک تدارک

لوازم و احتیاجاتی و تنظیم سوقیاتی همچون هر نه صورتله معاونت لازم ایسه هیئت وکلا کیچک کوندوز عقد اجتماعات ایله اتخاذ تدابیردن کرو طور مامشدر. هله کامل پاشا سنی سکسانی چکمه بر پیر اولدینی حالد صدرته تعیین اولدینی کوندن اعتباراً کیچهری دخی باب عالیله یاتور قالدیرق رفقاسیله برلکده عهدء حیمته ترتب ایدن وظیفه یی قدرت بشریه نك یتدیکی مرتبه ایفا چالشمشدر. آنجق بر مقتضای تقدیر الهی شرق و غرب اردولرینك اکثر قطعاًتجه مبادی حربده باشلایان آثار هزیمت، عسکرک عموونه سرایت ایدرك هر طرفده وقوعبولان محاربه رجعتله نتیجه لندیکندن احوال عمومیء حربیه ایله نتایجی حقنده کی معلومات و مطالعات عسکر بیلندکدن صوکره تدابیر لازمه اتخاذ اولنق اوزره یکی و اسکی امرای عسکریه برکیجه عالییه دعوت ایدلدی.

چتالجه استحقکاتمنده کی مذکور بیوک طوپلرک قالدیرلمسی حربیه نظارتنده بولندینی زمانه مصادف اولماسندن ناشی اسبابی هیئت عسکریه میاننده بولنان محمودشوکت پاشا مرحومدن بالذات سؤال ایتدم. ایتالیا دونمسانك بوغازی زورلاماسی احتمالی قوی اولدیغندن مذکور طوپلر ادرنه استحقکاتمنده موجود بیوک چاپده کی طوپلردن بعضلری قلعهء سلطانیه ایله بولار استحقکاتنه نقل و تعبیه ایدیلرک بوغازك خطوط تدافیه سی تقویه اولدینی سویلدی. حاضر اولان امرای عسکریه حربك صفحاتی حقنده بیان معلومات و مطالعاتدن صوکره شکل حاضره نظر آ یانی، اشقودره و باخصوص ادرنه استحقکاتی دشمنه قارشى مدافعه ثبات و اقدام ایتکده اولدینی کی شرق اردوسی بقیه سنك دخی چتالجه استحقکاتلرند جم و تحشیدیه هجوم اعدایه شدیداً مقاومت و چکمه تر قوس طرفلرندن ده دونما معرفتیه اردو مظاهرت ایتکدن باشقه چاره اولمایوب بو صوکره تدبیر عسکرینك حاصل ایده جکی نتیجه یه وایجار حانه کوره باب عالیجه ده تدابیر سیاسیه اتخاذ اولنسی لازم کله جکنی درمیان ایتدیلر.

لوله برغوس هزیمتندن صوکره شرق اردوسی چتالجه استحقکاتنه عودت و اورادن دشمنه مقابله ایله ابراز صولت و شجاعت ایلدی و بالذات هجوم ایدن اعدایى تلفات کثیره ایله رجعت مجبور ایتدی. آنجق حربده اردونك استهلاکاتیه عودتی اثناسنده طرق عسکریه نك فقدان و بارانك کثرتی مهمات حربیه جه کلیملی نقصان و ضایعاته سبب اولدیغندن چتالجه استحقکاتمنده طوپلرک آنجق بر قاچ کون انداخت ایدیله بیله جک کولله لری قالدینی بو حال ایله حربه دوام قابل اوله میه جفی باش قوماندانلق وکالنندن بیان و اخطار اولغانی اوزرینه عاجلاً کولله یتشدیرلم اوزره طوپلری اعمال ایدن المانییا فابریقه لرینه مراجعت اولدینی کی طربزون و سائر محلولرد موجودتی خبر ویریلن او نوع کولله لر جلب ایدیلرک ادارهء مصلحته غیرت اولندیسه ده تأمین

مقصود کفایتی اولیاً مقابله برابر بحکمته الله تعالی او صرمده ظهور ایدن قولرا علنی عسکر میاننده محاربه دن زیاده تخریبساته باشملا دینی جهته پای تخنك آن بان تقرب ایتمکده اولان تهلکگسی بر طرف ایتك اوزره مزارکه طلبنه مجبوریت حاصل اولدی .

بلغارلرک دخی مسافه سفرک امتدادی جهتیله حسب الموضع مهمات و ارزاق نقلیده دوچار مشکلات اولدقنری کبی چتسالجه پیشکاهنده خیلجه تلفات ویردکلندن و خسته لک کینای اوردولرندهده باش کوستر دیکندن مزارکبه محتاج ایدیلر . بناء علیه طرفین قوه ندان و مرخصلری چتالجه قریب بخشایش کوینده بالاجتماع مذاکره صلحیه ایتدار اولنق اوزره مدت معلومه ایله مزارکبه قرار ویردیلر .

بو صرمده دول معظمه ایشه مداخیه ایدرک ایتکتره خارجیه ناضری سیرادوار غریبک تکلیفی وجهه مقدمات صلحیه یی مذاکره ایتك اوزره دول مشارالیهک لوندرهدهکی سفراستندن متشکل بر قوضرائس اعتقاد ایتدی . دول محاربه طرفندن دخی مرخصلر تعیین اولنهرق مذاکرات و مناقشات میدودهده صوکره دولت عثمانیه مرخصلریک اعتراضات شدید سینه رغماً مریچک آق دکنزه منصب اولدینی محاکم جهت شرقیه سندهکی اینوزدن قره دکنر ساحلندهکی مدیهیه قدر بر خط موهوم چکیلرک ادرنه داخل اولدینی حلاله ارنادولندن ماعدا بتون روم ایلیک دول متفقیه و کریدک یونانه ترکی و ایتالیا لیلرک تحت اشغالندهکی اطاردن . عدا جز ایلرک تعیین مقدار ایتله ارنادولنک تشکیل اداره سی خصوصلریک دول معظمیه حواله سی و منقرعاتی حقنده ویریلن قرار علاقه داران میاننده باب عالی یده تبلیغ اولندی .

حکومت حوصله حینک تحمل ایدمه چکی بوتکلیفه معروض اولنجه غایت مشکل بر موقعه قالدی . چونکه احوال مالیه و داخلیه مزله اردولرمزک بالتجربه تحقق ایدن عدم انتظامی ارکان حزب رئیس عزت پاشا طرفندن ویریلوب مجلس وکلاده قرائت اولنسان لایحه پوللو معامله نامه دده بیان اولدینی وجهه حربک دوانه قطعاً مساعد دکل ایدی . هر درلو فداکارلق اختیار یله حربک بر آزدها تمیدی جهته کیداسه دخی مال و عسکر تلف ایتمکدن باشقه بر نمره استحصالی امکان خارجنده ایدی . نته کیم کامل پاشا قاینه سی اسقاط ایله موقعی اشغال ایدن محمود شوکت پاشا هیئت حکومتی شونی بونی صتاروق و بیک بلا ایله شورادن بورادن پاره تداولک ایدرک تکرار حربه گیرشدی . چتالجه ایلروسنده و کلیبولی بولایر حوالی سنده عسکر جه مهم تلفات ویردکدن واستیناف حربیه قدر مقاومتده ثبات ایدن ادرنه ، اشقودره ، یانیه مواقع مستحکمه سنی بر قاج ملیون لیرا قیمتنده اولان بتون اسلحه و مهماتیله دشمنک نیجه استیلا سنه دوشوردکن صوکره سالف الذکر شرائط صلحیه یی عیناً قبول و امضایه مجبور اولدی .

برده خوب انشاء الله دول متفقہ ایلہ چارینشمنده ایکن مذاکرہ صلحیہ دول معظمہ فی دہ قارشیمزده بولدی . دیگر چهندن هر درلو نواقصمزده رنما دولتی حربه مجبور ایٹک ایچون اولجه افکار عمومیائی تهییج ایلہ خلقه حرب ایستز دیه فریاد ایستیرنلر شمدی ده صلح مسئله سنی اسقاط حکومتیه وسیله اولور ملاحظه سیله ترتیب مقدمات فساددن خالی دکل ایذیلر .

بناء علیه کیفیت مجلس وکلا ده عریض و عمیق مذاکره اولنه رق بو تکلیفی تمامیه رده امکان اولما یوب بعض موادینک منفعت دولته تقریباً تعدیلی موفقیاتدن معدود اوله جفته و ادرنه شهری دولت عثمانیه نك قدیم بر پای تختی اولوب اوراده خیلی آثار مقدسه اسلامیه موجود و تحریر نفوس جدوللرینه نظراً سکنه ولایتک یوزده سکنان بو قدری مسلم اولوب ماعداسی صغوف سائومدن مرکب اولدینی و بلغارلرک مرمره حوضه سنه تقریبی آق دکنر بوغازینک محوطیتینی اشکال ایلہ بالا خره آوروپا موازنه صلحیه سنی ده اخلاصه سبب اوله بیله جکی ملاحظه سنه بناء ادرنه نك قره آغاچدن اعتباراً بر حد تعیینیه اسویچوره کی مستقل و بی طرف بر حکومت شکنه افراغی و سکنه سنک بر منوال محرر اکثریت عظیمه سنی مسلمانلر تشکیل ایستیکنه کوره دول معظمه نك انضمام رأیله مسلمان بر حاکمک زیر اداره سنه تودیی و اطه لره کلنجه ساقز و مدلل کی اناطولی ساحلیله ارتباط تامی اولانلرک یونانه ترکی حالنده آیدین ولایتی و ایوالق سواحلنده متوطن اولان روم اهالی ایلہ یونانلیر آراسنده سابقه همجنسی ایلہ قاجایلیق و امثالی اخلاصه انضباطه باعث اوله جق احوال اکسینک اولیه رق احوالی دشنی ماکدونیا کی بر منبع فساد و دولته غوائل تمادیه حدوشنه بادی اولاجفندن اول و آخر بیسان اولندینی وجهله ادرنه کی اطه لرک ده کلیاً ترکنه موافقتده حکومت عثمانیه معذور اولدیفندن بو جهت نظر دفته آلتق شرطیه اطه لر مسئله سنک دول معظمه نك رأی و تقدیر نصفتکار یسنه تودیی و شرائط سائره صلحیه نك بالضروره قبولی صورتی تذکر اولنش و ادرنه نك بر شکل بی طرفیه وضعی اساساً سیرادوار غرضی طرفندن لو ندره سفیری توفیق پاشایه محرمانه اخطار ایدلش اولسنه نظراً بو تکلیفمزک سفرا قونفرانسجه قبول ایدیله جکی قویاً امید ایدلش ایدی .

واقعا ادرنه نك بی طرف بر حکومت اسلامیه شکنه افراغیه بلغارلرک او جهته اولان آمال حریصانه سنه بر حد تعیینی و اطه لرک اکثر سکنه می روم اولق ملاحظه سیله کندیلرینه اداره جه امتیازات مخصوصه و یریلرک حاکمیت سیاسی عثمانیه ده ابقاری او زمانده کی وضعیمزده نظراً موفقیاتدن معدود اوله بیلیرسه ده قرحه بر روم ایلینک ترکی کی اورتاده بر بادره وجدانسوز موجود اولدیفنه و گرچه قانون اساسی حکمجه بو باید بر قرار قطعی اتخادی منحصر آ هیئت مسئله وکلا ده عائد ایسه ده دولتک حیات همتانه تعلقی ایدن بو مسئله مهمه ده حقایق احوال

افکار عمومی عثمانیه، تمامی انکشاف اخلاق و قابل اجرا و نافع بر تدبیر کسب اصلاح
ایندلیرسه او جهت ترجیح ایدلک و الحاصل مطالعات قاصرانه مزك اصابت و یا عدم اصابتی
اکلاشیلهرقی اکا کوره اطمینان قلب ایله تدایر لازمه اتخاذ اولحق موافق قاعده احتیاط اوله جنبه
بناء وکلای سابقه و هیئت اعیان ایله علمی، عسکری، ملکی و عدلی رجال دولتك رؤسا
و متحیزیندن مرکب بر هیئت استشاره نك دعوت و جمعیله مداوله افکار اولخاسنی هیئت
وکلایه تکلیف ایتدم. حربه ناظری ناظم پاشا مسئولیتی منحصرأ وکلایه عائد اولان بومسئله
اعیان و سائر نك قاریشدرلکی جائز اولمادیغندن بجنه مخالفتیده بولندی. صدر اعظم کامل پاشا ایله
وکلادن بر ایکی ذات دخی او جهته تمایل ایدنجه مقصد عاجزانم اعیان و رجال دولتی مسئولیت
تشریک اولمایوب مسئله نك اهمیت عظیمه سنه مبنی امر مسئول استشاره و رعایت و کندی
فکر لرمزی آراء صائبه ایله تنویر ایدرک مهما امکن خطادن مبادت ایچوند.

بوده دأب قدیم دوله موافقد. قبول بیورلادیفی تقدیرده ایشدن چکلمکلمکم ضروریدر
کلام قطعیه صورت اصرارده بولندیغندن ناظم پاشادن باشقه وکلا رأی عاجزانمه اشتراك
ایتمکله صدر اعظمك بعض تعدیلات ایله تنظیم ایتدیکی دفتر موجبجه کیفیت لدی العرض مقرون
مساعده سیده تاجدارای اولهرق تعیین اولنان کونده دعوت اولنان ذوات ایله بشکطاش ساحلدرای
هایوننك اوست قات سالوننده اجتماع ایدلدی. یلکن محمود شوکت پاشا ناظم پاشا وادیسنده سرد
اعتراض ایله دعوت واقعهیه اجابت ایده میه چکنی باندکره صدر اعظمه بیلیدردی.

ذات شوکتیهات شهریارای ولی عهد سلطنت و شهزاده جوانخت یوسف علی و وحیدالدین
و عبدالحیدر افندیلر حضراتی مستصحباً سالونه ناظر بر او ظنده بالذات استماعه تنزل بیوردقلری
و اعیان رئیس سعید پاشا ایله صدر سابق غازی احمد مختار پاشا دخی اجتماعه داخل اولدقلری
حالده دولت علیه نك احوال عسکریه و خارجییه و ملیه سی حقنقه ناظرلری طرفندن هیئت مجتمعهیه
ایضاحات کافییه ویرلکدن و جمعیه منسوب و غیر منسوب بعض ذوات ایراد نطق ایله حال و حقیقت
مسئلهیه تشریح و تنویر ایتدکدن موکرمه صاحبك قبول و عقدی ضروری اولدیغنه - حربك
علی الاطلاق دوامی لزومی در میان ایدن باش مدعی عمومی حتی بکله اوکا تبعیتده بولنان اوچ بش
رأی مخالفه قارشی - اکثریت عظیمه ایله قرار ویرلدی. ادیانندن بعضیلری بوقرارك ضبط و امضا
ایدلمی لزومی اخطار ایتش ایهده طرف عاجزانمندن بو هیئت مدعوه مسئولیتده مشترک
اولمایوب همضا افکار وکلانك موقع اصابتده اولوب اولمادیفی تقدیر ایچون دعوت اولندقله ندن
قرار واقمك امضاسنه لزوم اولمادیفی بیان اولخاسی اوزرینه تحریر و امضادن صرف نظر ایدلدی.
دول معظمیه ویرله چك جوانی نوظه نك مجلس وکلایه جریان ایدن مذاکره وجهه

اسولاً تنظیمی او کون خارجیہ ناظری نورادو نمکیان افندی یہ توصیہ ایدیلہ رک فرداسی صبح مجلس وکلا باب عالیہ انعقاد ایڈی .

ناظر مشار الہک فرانسر جہ قلمہ آتش اولدینی نوطہ مسودہ سی برای ترجمہ دائرہ خارجیہ کو ندریلہ رک چند ساعت صکرہ ورودایدن نسخہ مترجمہ سی مجلسہ قرائت ایدیلہ جکی اشدہ کہ صدر اعظم کامل پاشا بعض ارادات سنیہی تبلیغ ایچون باب عالیہ کیش اولان مابین هایون باش کابی علی فؤاد بکله کوروشمک اوزرہ صدارتہ مخصوص اوطہ یہ کیش ایدی باب عالیہک بیوک صفہ سندہ برکورولتی استماع ایدلمسی اوزرینہ در حال حربیہ ناظری ناظم پاشا تحقیق مادہ ایچون مجلسدن خارجہ چیقدی . متعاقباً سلاح سسری ایشیدلمکله بقیہ وکلا بہت وحیرت ایچندہ قالدی . بتقدیر اللہ تعالی حربک اکتساب ایتدیکی شکل معکوسدن بالاستفادہ ہیئت وکلانی اسقاط ایله زمام ادارہی انہ آلق فکر و تشبہندن خالی اولمیان رجال جمعیت برکون اول مابین هایونہ اجتماع ایدن ہیئت استشارہک تصویبی وجہلہ مذاکرہ صلحیہ یہ کیشلمک اوزرہ دول معظمہک نوطہ سنہ جواب ویرلمش اولہ جفتی تخمین و بونی تجاوزہ وسیلہ عدا ایدرک شرف افندی سوقاغندہ ترتیب و تہیہ ایش اولدقاری تخمیناً یکرمی اوتوز قدر اشخاص مسلحہی وقت عصرہ بختہ باب عالیہ سوق و ادخال و بیوک صفہ جمعیتہ مخالفتیلہ معروف اولان صدارت یاوری نافذ و حربیہ نظارتی یاوری قبرسی زادہ توفیق بکری قتل و افنا و کندیلرندن دخی نجیب نامندہ بر شخصی فدا ایتدکدن صکرہ جماعت مرقومہ طلعت و انور بکله ایله برلکدہ صدارت دائرہ سندہ کی کچوک صفہ یہ کیروب اورادہ حاضر و بوجاعہ متفقہ اولان حربیہ ناظری ناظم پاشا ایله قیو یانندہ بولنان سیویل پولیس قومیسری ندہ همان روولورلہ شہید و صدارتہ مخصوص اوطہہ برمنوال محرر مابین هایون باش کاتبیلہ ملاقات ایتدکدہ اولان صدر اعظم کامل پاشا تہدید ایدیلہ ترک براستعفا نامہ یازدیرلمش و مذکور استعفا نامہ یی مشار الہمادن انور بک کہ اخیراً حربیہ ناظری اولان انور باشادرب بالاستصحاب حضور هایونہ تقدیم ایله محمود شوکت پاشانک صدارتہ تعینفی خصوصہ مساعداً سنیہ ملوکانہی استحصال ایتدکدن صکرہ باب عالیہ عودتہ تبدیل وکلا وقوعہ کلدیکی تبایغ و صدر جدیدک ورودینہ قدر ہیئت سابقہک عودتلیرنی تأخیر ایلمشدر . کیجہ وقت عشا دن صکرہ محمود شوکت پاشا باب عالیہ ورود ایدرک شہدانک نعلری محل آخرہ نقل ایله وکلای سابقہہ فاصلہ ایله برر ایکیشر عودتہ مأذون اولدی . صدر مشار الیہ سلفی کامل پاشا ایله بو عاجزہ عدلیہ نظارتہ انتخاب ایش اولدینی ابراہیم بک و ساطیہ بک احترام کارانہ بعض تبلیغہہ بواندینی کی نصف الیلہہ احضار طعام ایلدہہ اکرام ایتدکدن صکرہ ضابطہ قارشی ترفیق اولنان برر ضابط ایله مأوالیمزہ عودت ایدلدی .

فہم حقیقتک خلافی اولہرق کامل پاشا قاینہ سنک ادرنہ بی بلغارلرہ ترک ایلہ مسندن ناشی فوران ملتہ موقع اقتداردن استعاط ایدندیکی داخلہ نظارتی مقامندن تلغرافلہ ممالک عثمانیہ اعلان و انسان رسمی ایلہ اسکی قاینہ عظیم بر ہنسان ایدلدی . چونکہ جوابی نوطہ نک صورت مترجمہ سی ہنوز مجلس و کلاہہ قرآنلہ کسب قطعیت ایتہ مش و بوندہ ادرنہ نک بلغارلرہ ترکہ موافقی مشعر برکہ بولغا یوب بالعکس بی طرف بر حکومت اسلامیہ شکانہ افرانیلہ آق دکر بوغازینک تآمین محفوظیتی صورت تکلیفہ درج اولمش ایدی .

غرائب شہوندکہ حکومت جدیدہ حرکت واقعہ سی انظار عمومیہ مشروع کوسترہ بیامک ایچون سلفی اولان قاینہ عزو واستاد ایدیکی نہمت وقصوری بالآخرہ کنیدیسی اختیارہ مجبور اولدی . زیرا متارکہ بی فسخ ایلہ حربہ دوام و بویوزدن دل و عسکر جہ پک چوق ضایعات و تلفات ایلہ انواع مشکلاتی افحام ایدیکی حالہ ہیچ بر شہہ موفق اولامہرق نہایت اوروبالیرک تکلیف ایدیکی مدیہ - اینوز خطندن اوتہ سنک یعنی ادرنہ داخل اولدینی حالہ بوتون روم ایدینک دول متفقہ ترکنی قبول و امضا ایدلدی . واقعا معاہدہ نک امضا سندن بر از مدت سوکرہ ادرنہ استرداد اولوندی . فقط ترک اولمان اراضی بی تقسیم مسئلہ سندن دولائی دول مذکورہ بیندہ ظہور ایدن نزاع حربی انتاج ایدیکندن بلغارلرک سالف الذکر معاہدہ نامہ نک باب عالیجہ قبول و امضا ایدلسنہ و ناظم معاہدہ اولان دول معظمہ نک حایہ طبعیہ سنہ استناداً ادرنہ استحکاماتندہ کی عسکرلرینی صرب حدودینہ سوق ایلہ ادرنہ حوالیسی تخلیہ ایتلرندن بالاستفادہ عثمانلیخہ مخصوص اولان حمیت و حماست فطریہ ایجابجہ چتالجدہ کی اردوی ہایونک بر سرعت خارقہ ایلہ ادرنایی اشغال ایتسی بو امت مرحومہ حقندہ بر عنایت مخصوصہ آئینہ اولدینی شک و شبہدن وارستہ در .

بو عنایت صمدانیہ عامہ عثمانیہانجہ باعث مسرت عظیمہ اولدینی کبی وکلای حاضرہ بی دخی غایت مشکل و وخیم بر موقعدن قور تاردینی ایچون کنیدیلر نچہدہ بادی شکر عظیم اولقی لازم کلیر . یوقسہ ظاہر بینان عوامہ قارشى ادعا اولندینی وجہلہ وکلای مشارالیم ایچون ہیچ بر وقتدہ موجب فخر و مباهات اولماز . چونکہ کندی زمان ادارہ لرندہ دشمنک حرباً الیزدن آلدینی بر بلدہ مستحکمہ بی بنہ کنیدیلری ترکہ موافقتلہ او یولہدہ کی معاہدہ بی امضا ایتدکن سوکرہ دشمن عسکرلرندن خالی اولدینی بر زمانہ اردوی ہایونک سلاح استعمال ایتنکسزین اشغالہ موفق اولماسی ہیچ بر صورتلہ فائزک شرف و مزینتی قازاندیرمہاز .

دیگر چہندن دولہ معظمہ نک احکام معاہدہ رعایت اولغاسی حقندہ واقع اولان اختطارات و تبلیغاتنہ قارشى انظار جلالت و ممانت ایدلمش اولغہد . اقتضارہ محل یوقدر . زیرا صائف الیمان

اولن دره و معاهده سنك عقد و امضا ايديلسنى متعاقب بالقان حكومتلرى بىيىندىكى اتفاق مبدل شقاق اوله رقى آرا لرنده حرب ظهور ايتش و رومانيا دولتى دخى استفاده قىلدله ايشه مسلحاً مداخله ايدرك معاهده مذاكوره حكم و قوتدن اسقاط ايديلسنى اولديغىدن دول معظمه چه مقررات واقعه نك قوه جبريه ايله تايدى جهتنه كيدله چكى بك بديسى ايدى. بناء عليه بوقاينه نك موقىنده باشقه هر هانكى قاينه بولنسه بوغرىستدن بلكه دها زياده استفاده ايدى چكى احجاب عقول نرزدنده موجب تردد دكلدر .

حتى تكليفات صلحه كامل پاشا قاينه سنده مذاكره اولنوركنى ادرنه و مستقل آرناولقدن اعدا مع التأسف دول متفقيه تركى مجبور بىنده بولنديغىن اراضى نك دول معظمه توديع و احاله سى عزت نفس ملى مزجه صورت ديكردن دها اهن اوله جنى مطالعه سنى درپش ايلديكمده كامل پاشا مرحوم؛ بالقانليره تركى حالنده تقسيم اراضى چه اويوشه ميه رقى بىيىنلرنده حرب و جدال ظهورى اغلب احتمال اولديغىدن او وقت اراضى متروكه نك اقسام مهمه سنى استرداد بزم ايجون قولايلاشير جوابيله كهانت سياسيه ابراز ايتش ايدى .

كامل پاشا قاينه سنك حاضر لادىنى جوانى نوطه ايله محمود شوكت پاشا قاينه سنك قبول و امضا ايتديكى معاهده صلحه مقايسه ايدى ليرسه حقيقت حال دها واضح صورتده اكلاشيلير . كامل پاشا قاينه سى مذكور نوطه موجب صلحه عقد ايدى بىلسه ايدى دشمنه مقاومتده ثبات ايدن ادرنه ؛ يانيه و اشقودره استحكام تنده كى عساكر عثمانيه سلاحلى اوموزنده اوله رقى مستظماً عودت ايدى چك و مذكور استحكاملرده اولان و ايكي اوچ مليون ليرا قيمتمده بولسان اسلحه و مهمات طبيعى حكومت سنيه عائد اوله رقى نفوس و مالجه اخيراً وقوع بولان ضايعاتده محل قلبه جق ايدى . حال بوكه محمود شوكت پاشا قاينه سى درت بش آى قدر بلافايده حربيه دوام ايتكمكه ملت عثمانيه نك دوش تحملى از كمكه اولان ديونى تزييد و كليولى جواريله . واقع سائر حرييه ده بيكارچه اولاد وطنى تلف و ضايع ايدرك سالف الذكر ادرنه و يانيه و اشقودره قلعه لر يى دم اسلحه و مهماتيله دشمنك نجه استيلاسنه ترك و تسليم ايتكمكن باشقه نه قازاندى؟

بلونه مدافعه سندن سوكره تاريخ عسكرى تزيين ايدى چك صورتده آيلرجه دشمنه دليرانه مقاومتله اسرا از شرف و شان ايدن ادرنه قهرمانلرى عاقبت دوچار اسارت اوله رقى بر خيلى دشمن ملكتمنده سفالتله قلف اولدى و ادرنه نك حرباً استيلاسى سبيله او حواليدى كه اهالى مسامه نك بر چوغنى اطفال و ناسنه و ارنجه دشمنك تيغ غدريت هدف اولدى .

نظر انصاف ايله باقيلير و عادلانه محاكه ايدى ليرسه روم ايتلى ضايع ايدن غازى احمد مختار و كامل پاشا قاينه لرى اولايوب بالاده تفصيلاً شرح و بيان اولنديغى اوږده بوتون بر مارت

تکلیف مندن سوکوره زمام اداره بی یقین استقلاله آلا و سوء اداره و خطیئات سیاسیه لریله آشوب
مخاربه تک اسباب ظهورینی تماماً حاضرلیان اتحاد قاینه لری اولدیننه حکم ایتمک قابیلدور؛
عمود شوکت پاشا بو قاینه لره داخل ایدی . بو صلح منشومی عقد و امضا و روم ایلی
رسماً دول متفقیه ترک و فدا ایدن مشارالیه تحت ریاستنده اعضا صغیره بولنان هیئت حاضره
و کلا ایدوکی محل تردد و اشتباهیدر ؟

اخر نه تک استرداد ی بوسیاتی ستر و احیا ایدمیز . آنجا اشارت اولندیغی وجهله او بر امر
طبیعی ایدی و موقع اقتداوده هر کیم بولنسه غنایات حقله ظهور ایدن بو فرصتدن استفاده
ایتمی ضروری ایدی .

انصاف بیورلسون بو حقایق میدانده و قصد قریب مسامحات ایله طرابلس غرب
و بنغازی کی قوجه بر قطعه اسلامییه ایالتیالیرک استیلا ایتمسه سبب اولان حتی پاشا قاینه سنک
دیوان عالیجه اجرای محاکمه لری طلبی حاوی یکر میدن زیاده مبعوث طرفندن ویریلن تقریر ایله
اوراق مثبته سی مجلس مبعوثان اوراقی میانده طور مقده ایکن دولتک داخل اختلال و خارجاً
جنگ و جدال ایله مشغول و بو احوالک روم ایلی جهتجه ده حاضر لامقده اولدینی بر حرب
هائیک ظهوری تهلیک سینه معروض اولدینی بر زمان فترتده حیه بار تعلیم اداره بی در عهده
ایدن غازی احمد مختار و کامل پاشا قاینه لریه شکه عائد بعض قصور لر اسنادیله تحمیل مسؤلیته
چالشمق و اصل مسبب و مظنون علیه اولانلری موقع عز و اقبالده بولندیر اوق اولنرک ستر
قصور و تهملریه خدمت ایتمک عدالت اسلامییه و نصفت عنایه ایله قابل توفیقیدر ؟

مجلس مبعوثان دردنجی شعبه سنک غایت مهم اولان بومسئله ده غازی احمد مختار پاشایه و نائق
رسمیه بی تابع و مطالعه ای امکان بر اقیه جق صورتده بالکیز بر ساعت مهل [۳] اجراسیله استجوابات
و علی جناح الاستعجال بر ایکی کون طرفندن بایدینی سطحی تدقیقات اوزرینه سنین کثیره دئبری
دوات علیه صداقت و استقامتله خدمت ایتمش و فله الحمد صحیفه ناموس و حیثیتلری هیچ بر
صورتله لک لکله مش اولان قدمای رجلاک صرف غرض و انتقام حسیه دیوان عالییه سوقنه قائل
اولان مبعوثانه توجیه خطاب ایدم . حکم :

ای مبعوثین محترمه ! فطرة حائر اولدیفکیز فطانت و کیاست و دوائر انتخابیه کثرجه قزاندیفکیز
اعتقاد و املیت سببیه بوکون جمله عنایه لیرک وکیل و مبعوثی و بو امتک مدافع حقوق عد

[۴] عین معوناتک حرب عمومیدن سوکرا بتون مملکتک شو حاله کیرمسنه سبب اولان اتحاد و ترق
حکومتی دیوان عالییه سوق ایتک اوزره استجواباتک کونلره اوزارمنه مساعد بولمشی عجباً بو مبعوثلرک
جنس قیلتلریه بی دلالت ایدر ؟

اولنیورسکیز، اجداد مزك عزیم و همیله فتح و استیلا ایدیلن روم ایلمنك کلیاً الدن چیقماشی
 اسسبانی تخری ایله مسیلمنلرنك مسئولیتنی طلب ایتك حق و وظیفه کیز ایجابیدر. فقط بالاده
 تفصیل ایتدیكم وقایع بتون حقایقه علم و عرفانکزه خفی اولمادیفی حالده ناصیل اولویورده
 دوبار اولدینمز ضعیف الیمك کافه مسئولیتنی عجز و ضعف ایله توصیف ایتدیكمکیز بواکی
 قاینه به تحمیل ایتك ایستیه یورسکیز. منتخباریکیز سزه ایراد سؤال ایله « طرابلس و بنغازی
 قطعه لوی ممالك عثمانیه خارجنده و ارض موات حکمنده می ایدی، بو مبارک قطعه لرکه سکنه سی
 روم ایلی کی اقوام مختلفه دن اولمایوب صرف مسلماندر. روم ایلمنك فتح و استیلا سندن الی یدی
 عصر مقدم دائره نجاتجشای اسلامیه و بالآخره حوضه حکومت عثمانیه به داخل اولمشدی،
 دهها دون ایستالیلیرك استیلاسیله الیزدن چیقدی. بوکا سبب یکانه ایسه حق پاشا قاینه سنك
 خطیئات مسامحاکارانهمی اولدینفی ینسه سزك کی مبعوثلر ادعا ایدرك ایلك مجلس مبعوثان
 ریاسته ویردکلری تقریر هیئتجه قبول اولنه رق برای تحقیق بر انجمن مخصوصه حواله ایدلدی
 و تحقیقات واقعه؛ ادعائک اصابتی کوستردی. مزدن برخیلیکیز او محاسنده مبعوث صفیه
 بولونیور ایدیکیز.

بلکه ایچکیزده او تقریرد امضاسی اولانده واردر. شیمدی ملتک حقوقنه تعلق ایدن
 و حقیقته بالقان محاربه سی تولید و تسهیل اینین اسبابک مهم و مؤثری اولان او مسئلهده
 انماض عین ایله التزام سکوت ایتکیز عجباً حق پاشا قاینه سی اعضای مهمه سنك ایوم موقع
 اقتدارده بولمکزدن می نشات ایدیوره غازی احمد مختار و کامل پاشا قاینه لرنده حریبه ناظری
 و اثنای حربده باش قوماندان و کیلی اولماسندن ناشی پاشا بجه مسئولیتک کندیسنه توجهی طبیعی
 اولان ناظم پاشا ایله ایکنجی قاینه ریاستنده بولمان کامل پاشا بو عالم فسادن ال چکدیلر. مدت
 مدیده بو دولته خدمتلی و ناموس حیثیتلی قابل انکار اولمان بقیه اعضائک حسب البشریه
 اجتماعاً بعض قصورلری اولسه بیله حسن نیتلری محل اشتباه اولمادیغندن بتون سیئات سابقه به
 ترتب ایدن مسئولیتلری؛ ایکی اوچ کونلک تحقیقاته بناء بونلره تحمیله قالششق قاعده عدل و بی
 طرفیه ناصل توفیق اولتوره؛ نطق هایونده تشکیل اولدینفی بیان بیوریلان دیوان عالی عسکری
 هنوز اجتماع ایله اسباب هزیمت حقیله تعین ایتدیکی حالده او جهتی هیچ موضوع بحث ایتیه رک
 یالکیز بواکی قاینه نك تحت محاکمه آلنلری حقیقه کوستردیکیز استعجال حقکیزده حاصل
 ایتدیکنر امنیت و اعتماد ایله عهد کفایتکیزه تودیع ایتدیکنر امتی حسن استعمال معافانه حمل
 ایدیله بیلر می؟ « دیرلر نه جواب ویررسکیز؟

بلغارملتی اخیراً متفقله بیلر نده وقوع بولان محاربه دن دولای کشوف و داناف قاینه لرینك

تحت محاکمه آلفاسی سزندن بر قاج آی اول طلب ایستدی . صورانیاده مدت مدیده مذاکرات و تحقیقات اجرا اولندی . من عاجزانه مه کوره هنوز برقرار ویریلهرک دیوان عالی ته کیل اولمه دی . دائرة تمدنه یکی آباق آتان بلغارلرک تحریر حقیقت و اجرای عدالت خصوصنده کوستردکاری شو اهتمام بزم ایچون موجب عبرت و انتباه دگیلدر ؟

شبهه بوق که تاریخ بوقایی بی طرفانه تدقیق و محاکمه ایله بشون حقیقایق میدان قویه حقیق و علی الخصوص محکمه کبرای آلهیه بودعوانری ریب و طنوندن عاری اولهرق کیل عدل ایله فصل و حصم ایله جکدر . و سیعلم الذین ظلموا ای منقلب ینقلبون . مدافعه بختنه کانجه غزیه لرده منظور عاجزانم اولدینی وجهله احمد مختار و کامل پاشا قایته لری حقندمه موجب اتهام اولمق اوزره مجلس مبعوثان ریاستنه ویریلن تقریرلرده مندریچ مواد ایله درونجی شعبه طرفندن علاوه ایراد ایدیلن سؤاللره مدافعه ابتدایه اولارق بروجه آتی اتیان جوابه ابتدار اولنور :

اولا شوراسنی عرض ایدیم که دولت علیه نك مجرای امور سیاسییه بی مقام صدارتله خارجیه نظارتی اولدینی کبی قوای بریه و بحریه نك سوق اداره لری ده حربیه و بحریه نظارتلرینه عائد اولدیفندن بونلرک دائرة صلاحیتلری داخلنده اولان موادی مستقلاً تشبث و اجرا ایتملری و بوندن تولد ایدم جك مسئولیتك کندیلرینه عائد اولماسی طبعییدر . فقط دولتک احوال عمومییه سنه تعلق اعتبارله هیئت وکلاجه مذاکره توقف ایدن و یا خود مقام صدارتدن محتاج استیذان مواد حقندمه نظارت مذکوردهن یازیلان مذاکره توقف ایدن صدارتدن هیئت وکلایه تودیع و حواله اولنورسه هینجه بلذاکره اتخاذ اولنان قرارلر ضبط ایدیلهرک وکلا جانبندن امضا ایدمک سرعی اولان اصول و تعامل قدیم مقتضای اولدیفندن بوندن تولد ایدم جك مسئولیتده هیئت مشارالیه راجعدر . بناء علیه مواد مشککبایه متعلق ضبطنامه لرك اول امرده تدقیقه واضع الامضا اولان ذواتدن ایضاحات طلب ایتمک و اکا کوره امضا صاحبیلرینک مسئولیت و یا برائت شقارندن برینه قناعت وجدانیه حاصل ایتدکدن صدورده اتهاملری انجباب ایدیورسه او یولده فذلکه تنظیم ایتمک قاعده و عداله مقتضی اولدینی کبی مرور زمان ایله وقایع محاسماً خاطرده قالمیه جنی جهته ایشی تمثیله احاطه دن صدورده ایضاحات کافیه اعطا ایدم بیلیمک اوزره مذکور ضبطنامه لرك امضا صاحبیلرینه ده اراءه سی ایجابات معدلتدندر .

چونکه علم یقینه مستند اولیان جوابلر تامین وجدان ایدمه جکی مثللو امضاسی تحقندمه بولغیان مواددن دولای وکلادن بر ذاتی اتهام اسناد عالم یکن ایله مسئولیتنی التزام معنایه محمول اوله جفتدن قانون عدالته منافیدر .

ایشته بو اساسک محفوظی شریطیه عرض ایدرم که برنجی تقریرک ارکان شریطیه طرفندن

اردونك بالقان متفقلمينه قارشى موفقبته حرب ايدم جك بر حالمه بولخاديفنى اكيداً بيلدي بولديكى
حالمه اعلان حرب ايدلمى، قضيه سندن عبارت اولان ايلك ماده سنك حاكى اولدينى اخطار
اكر واقع ايسه هيئت وكلايه تبليغ اولمادى .

بالعكس باب عالميه جلب ايله رايلىرى استفسار اولنان ارکان و امراى عسكريه دن ازميز
فرقه جنوديه سى قومندانلغنده بولمىش اولان عبده پاشا اردونك عدم انتظامى سببيله حرب
استطاعتمز اولماديفنى درميان ايدوب ديكرلى و باخصوص محمود شوكت پاشا حربيه نظارتنده
بولندينى مدتجه تشكيلات جديده اجراسيله عساكر عثمانيه يى حال انتظامه قويه رق مبالغ عظيمه
صرفيله كافى لوازمى تيه و اكل اتمىش اولديغىندن و دول متفقته نك مواقع حربيه سى سوق
ايدميه جكلىرى آلتى يوز اللى بيك عسكرك يوز بيكى اردو خدمتاتنده بولنه جنى جهته بالف
حربه اشتراك ايدم جك بشيوز اللى بيك كشى يه مقابل ادرنه و روم ايلينك جهات سائر وسنده
بولنان اردو لمزك موجودتى درت يوز اللى بيك نفره ابلاغ ايدرك باذالله تعالى ادرنه و يانيه
و اشقودره استحکاماتيه برلكده دشمنه مدافعه قابل اولوب فقط اكل نقصان ايجون سوقيات
جديده احراسى اون سكركونه متوقف بولنديغىندن بخيله بومدتك تمديد مذاكرات سياسيه ايله
قزالمى اقتضا ايدم جكنى افاده ايتدير. بوبايده تنظيم ايتدكلى ورقي يى يالكز محمود شوكت
پاشا بروجه بالا معذرت سرديله اماندان استنكاف ايلدى .

مع هذا هيئت وكلا استطاعت بليه نك فقدانيله اسباب سائر و معروضه دن ناشى حريدن
صوك درجه مجتنب ايديسده بالقان حكومتلى اساساً تصور و تصميم ايتدكلى روم ايلي
مقاسمه سنى حيز فعله كيتيرمك ايجون يينلرنده عقد اتفاق ايله تماماً حربيه حاضرلانىش و دولت
عليه نك داخلاً و خارجاً وقايع مدهنه و مسائل مزعجه ايله مشغول و قواى عسكريه مزك
سنة لردنبرى يمن و كرك و حوران و آرانوودلق حادثاتى سببيله يورغون اولماسندن استفاده
فرستنى فوت اتمامك عزمنده اولمارلى صلحك محافظه سنى مرتبه استحاله يه كيتيرمىش اولديغىندن
اوروپا رجال سياسيه سنك دخى تصديق و اعتراف ايتدكلى وجهله حكومت عثمانيه منى ناقابل
برعرب نهائل قارشيسنده بولدى و دفع صائل مجبوريتنده قالدى .

مسئله نك حلى دول معظمه ايله مذاكره ايتسه ايدى البت بر چاره بولنه رق بو
بليه دن قورتللق قابل اولوردى . فقط باب على ايله دول معظمه سفراستى ييننده مذاكره جريان
ايتكده ايكن حكومت متفقته نك ، كدونيا اصلاحاتنه اشتراك ايتك و همان عسكرمزى طاعتحق
اوزره ويردكلى سالف البيان اولتيا تومى قبول ايدم جك بر عثمانى قاينيه سى تصور ايديله بيليرمى؟
و بلا حرب روم ايلي يى دشمنه تسليم ايتك و پايتختى تهلكيه القا ايتكدر باشقه بر معنائى تضمن

ایتمین بومکلفی قبیلہ افکار عمومیہ عثمانیہ رضا کو ستر می ایدی؛ حالو کہ ز ققدرده بر طاق خلق
د حرب ایسترز یا ایا صوفیه یا اولوم، دیه فریاد استدی ریلرک افکار عمومیہ تهییج ایدلرکده ایدی.
واقعا بو تحریکاته اهمیت ویرلدی لکن سوق، مصالحته و قوعی تقرب ایدن حربک اوکفی آفاق
قابل اوله میه جنی تحقق ایدنجه دولت و مملکت محافظه شرف و ناموسی مقصدیلر حکومت متفقہ نیک
اولتیا تومنہ جواب مقامندہ سفیر لرینک پسا بور طلری اعطا اولنہ رق قطع مناسبات صورتی
اختیار ایدلدی رسماً اعلان حرب اولنلادی.

اگر غازی احمد مختار باشا قاینه سی بالقانلیرله محاربه یی آرزو و ترویج ایتش اولسه ایدی
اونلردن اول استحضاراتی اکیل ایله سفیر لک اعلان ایدر ایدی. ظهور مسئلہ دن صوک
کونشرد قدر محافظه صالح و مسالته چالش دینی حالدہ احوال معروضہ دن ناشی موفق اوله مدی.
بناءً علیه حقیقت حال نظر دفته آله رق انصاف ایله تأمل و محاکمه اولنورسه مذکور قاینه بو
صورتله اتهام ایدیلر من.

تاریخ عثمانی ناطق اولدینی اوزره بوکون مجارستانک پای تختی اولان پشته دن اعتباراً قریه
قطعه سنی و بتون قره دکز حوضه سیله روم ایلی و اناتولی و عربستان و فاسه قدر آق دکز
سواحل جنوبیه سنده کی اراضی و بلدانی احتوا ایدن ثلث و سبعمه مزدن بر چوق قطعاتی دور
انخطاطمیزک مبدأ دن بری متبداً ضایع ایتدی کمز کی روم ایلی قطعه سنی ده حقیقتندہ ایستفانوس
معاهده سیله الدن چیقاردق.

چونکه قطعه مذکور نیک شمالاً حدود طبیعه سنی تشکیل ایدن طونه نهری ایله بالقان سلسله
جبالی کی خطوط مدافعه یی غیب ایدرک قبلکامزده بر بلغار حکومتک تشکر ایتسی و صرب
یونان ایله قره طاغک کسب وسعت و اقتدار ایتسی اوزرینه روم ایلی نیک بقیه اقسامندہ حاکمیت
عثمانیه یی محافظه ایتک متعسر ایدی. انکلتزه حکومتک مداخله و غیرتیه عقیده موافقیت
حاصل اولان برلین معاهده سی روم ایلی نیک بزه تخصیص اولنن قسمندہ حاکمیت میز ادامه
ایده بیددی. اوندن صکره بلغارلرک تحریکله حصه سوله کان و او قوتله دوام ایدن ماکدونیه
اغتشاشاتی مداخله اجنبیه یی دعوت ایدرک بالاخره روالده ایکی حکمدارک وقوع ملاقاتیه
روم ایلی نیک تقسیمی شایعه سی اوچنچی اردوی هابونی ایقاظ ایدیکندن بر تدبیر عاجل اولمق
اوزره اعلان ایدیلن مشروطیت بو تصوراتده موقتاً اجراسنی تأخیر ایددی. مشروطیتک
اعلانیله تجدد سلطنتدن صکره زمام اداره یی ید استقلالنه آلان حکومت اتحادیه اول با اول
مناسرت و قوصوه و سیلانیک ولایتلرنجه زمانک کویستردیکی احتیاج مبرمه موافق اصلاحات
جدیده اجراییله ماکدونیه ساکن عناصر مختلفه یی بر مرتبه منون و آوروپا افکار عمومیه سنی

خشنود ایش اولسه ایسی بالقان اتفاقا حصولیه روم ایلمدن العزده بولغان یرلک حاکمیت عثمانیه دن فی الحال نزمی قابل اوله مزدی .

دورت سنه دن زیاده دوام ایدن شوزدن فرصتی اتحادیه منسوب قایینه لر یهوده ضایع ایستدیر . اصلاحات نامنه انکسار قلوب ایله تزئید اعتراضاته سبب و خزینه دولته بار اولمقدن باشقه هیچ بر فائده سی کوریه لهین تنسیق مأمورین و تصفیة رتب عسکریه ایله و بر طرفدن دخی تشکیل رقبا و مخالفین ایچون فوق القانون تدابیر زجریه ایله اوغراشدیر . اوروپادن میلیونلرله باره استغراض ایدرک یاییلان تشکیلات و تجهیزات عسکریه نك قیمت و ماهیق بالقان محاربه سیله تمین ایندی . چونکه مواقع حربیه یه سوق اولنان عساکر محمود شوکت پاشانك تشکیل و تنظیم ایستدیکي اردولر و بونلری اداره ایدن احرا و ضابطان ایسه ارکان حربیه سنه وارنجه مشارالیهك تنسیقا تمین ایستدیکي ضابطلر ایدی . فقط جمعیتك تشویق و الغاسی اوزرینه وقتیه اوچنجهی اردو ضابطانی میاننده اویانان فکر سیاست دیگر اردولرده سیرایت ایدرک عسکرلکک مابه القوامی اولان اطاعت و وحدته خلل کلیدیکي کبی بالتدریج تزاید ایدن تباین افکارک انتاج ایستدیکي فرقه غیرتشکیلی وظائف عسکریه نك حقیقه ایفاسنه مانع لر تشکیل ایادی . محاربه نك منعی قصدیه دول معظمه جانبندن حربده هانکی طرف غالب اولسه اراضیجه استفاده ایستدیرلیمه رک استاتوقونك محافظه ایدیه جکنه دائر وقوع بولان بیانات و اثنای حربده کوکلی صفتیه عسکر میاننه کیرن بعضی اصحاب غرض طرفندن وقوعی موثوقاً روایت اولنان سوء تلقینات دخی تأییددن خالی قلمادی . ایشته بو حاللر و بو محاربه نك اسباب ظهورینی نه صورتله تهیه و احضار ایدیکي بالاده بیان اولنان اداری و سیاسی خطا طبعی حربک نتیجه مشئومه سنی نه تولید ایدن دوامی مبرمه دندر . شمعی بونلردن اغماض عین ایله هزیمت واقعه نك مسئولیتی غازی احمد مختار و کامل یاشلر قایینه لرینه تحمیه چالیشمق ناصل موافق عدل و انصاف اولور ؟

تقریر اولک ایکنجهی و درنجی و بشنجهی ماده لری سفربرک اعلانی لزومنه دائر ارکان حربیه عمومیته نك اختطاراتی مجلس و کلاجه نظر دفته آئیمه رق الی کون موکره سفربرک اعلانه قرار ویرلمی و بو قرارک حربیه نظارتندن قوماندانلقره و داخلیه نظارتندن ولایته درحال تبلیغی ایجاب ایدرکن قیمتدار اولان ایلک کونلرک مأمورین ملکیه و عسکریه بیننده مختبرات ایله کچیرلمی قضیه لرندن عبارتدر .

مجلس و کلا ضبطنامه لرینک مطالعه سمندن ده اکلاشیله جنی وجهله بلغارستانک سفربرک اعلان ایستدیکنه دائر نظارت عائده سمندن باب عالی یه ویریلن معلومات مجلس و کلا یه تبلیغ اولندینی کون یزمدده سفربرک اعلانه درحال قرار ویرمش اولدیقمز بدیهی و بوده نك طبعیدر . ادها

اولدینین وجهه تبلیغ قرارده تأخر وقوع بولش ایسه مسئولیق مسبدینه عائد و بوباید هیئت
مجموعه وکلايه اعتراض غیر وارد در .

ضلاً اشتراکی شوبله دورسون علمی سبله لاحق اولمیان بر مادهدن دولایی هیچ بر فردک
مسئولیتی شرایع المیه و قوانین بشریهدن هانکیسی تجویز ایدر . بونکله برابر باب عالییه حجاب
ایدلش اولان سالفالبیان ارکان و امرای عسکرینهک سوقيات ایچون ایسته دکاری اون سکیز کون
مدت مع زیاده قازانیله رق ادرنه و قرق کبلسا جهتلر نده اکل تحتیدادن و قره طایغ عسکرینهک
مستظماً حدودی تجاوز ایدرک عساکر عثمانیه ایله حربیه مباشرتی رسیاً تحقیق ایتدکن سوکره
اردوی مایونه حرکت امری ویرلیدیکی عندالتدقیق تعین ایدمجهک حقایقندنر .

غرض ایدم که بو خصوصه دائر بین الدوائر جریان ایدن مخابراتده حسب البشریه بعض
مرتبه تأخرات وقوع بولش اولسون عجباً هزیمت واقعهک یکنه سبی بو میدر ؟ بو هزیمت
مؤلمهک تحقیق اسبابیه بوکا باعث اولان امرای و ضابطانک تعیین مسئولیتلری ایچون اولجه
تشکیل بیوریان دیوان عالی عسکری ایقای وظیفهدن نیچون منع ایدلدی ؟ اخیراً مجلس مبعوثانک
کشدنده قرائت اولسان نطق هیون . لیکانه ایله بو قضیه تأکید بیورلیدینی حلاله دیوان عالی
مذکور نه سبله هنوز ایقای وظیفه مباشرت ایتدیرلیدی . حالبوکه صرف جهت عسکریهیه
عائد اولان بو مسئله موشکافنه تدقیق ایله اسباب هزیمت حقیقه اکلاشدقندن صکره هیئت
وکلايهده توجیه مسئولیت اقتضا ایدرسه او وقت دیوان عالییه سوق ایدلاری حکمه و عدالة
لازم کایر ایکن بو جهت اساسیه اهل ایدیلهرک علی العمیا غازی احمد مختار و کامل باشالار
قاینه لرینک اجرای محاکمه لری قرارینی تعجیل شبهه یوق که مقصدک اظهار حقیقته اجرای حکم
عدالت اولمایوب صرف اثر غرض و انتقام اولدیفنه پک جلی بر برهان و دلیلدر .

تقریر مذکورک اوچنچی . مدعی سفير برك اعلانندن بر آز اول اردونک اوچنده برینی
و تعلیم و تربیه جهتیله اک کزیده قسمتی تشکیل ایدن افرادک ترخیص و طابورلر موجودینک
عجمی افراددن مرکب اولق اوزره یوز اللی نفره تنزیل ایدلیکنندن بحث و شکایتی محتویدر .

بومسئله دائره حربیهک وظائف مسئله سندن اولدینین جهته بونده باب عالینک معلومات
و مداخله سی و بالطبع هیئت وکلانک رأی و قراری منضم اولمایدیندن مسئولیتی منحصرأ حربیه
نظارتنه عائددر . ناظم پاشا مرحوم رجیسات اولسه ایدی بو بایده اجوبه مقننه سرد ایدمجهکی
درکار ایدی . نتهکیم طرف عاجزانمدن واقع اولان سسواله ویرمش اولدینین جواب بالاده
تفصیلاً عرض اولندی .

فی الحقیقه مدت نظامیه لری اولان اوچ سنه یی اکل اجتماع و بو مدتده داخلأ وقوع بولان

حرکت عسکریانی تسکین ایچون هر طرفه سوق ایدیلرک یورغون بر حاله کلوب آرنالودلق
حادثه اخیر سنده بعض اقسامی آرنالودلرک التحاق ایله مش اولان افراد ترخیملری معرانه
استدعا ایلدکری حالده ارکان حربیه عمومیه جه موافق قانون اولان بو طلبک اساسی جهتنه
کیدلک ضروری و معذام اوله نازک بر زمانده اردوی هاینجه اختلال ظهوری موجب
وخامت اوله جفندن مرحوم مشارالیه ده ارکان حربیه قراریتک تنفیذی جهتنه کیتیمی پک
طبیعیدر. مع هذا بلغارلرک بغته اعلان سفربری ایتملری اوزرینه افراد مرقومه نک یولاردن
چوریلرک مواقع عسکریه سوق اولندقلدی ده کذلک عرض و حکایه اولنش ایدی .

تقریرک التنجی . ده سی قانون اساسی حکمنجه حقوق مقدسه شاهانه دن اولان اعلان حرب
اراده سنیه ملوکانه استحصال ایدلمکسزین ابتدار اولندیغنی حاکیدر .

یوفاریده عرض اولندیغنی وجهله رسماً اعلان حرب اولنادیغنی حالده دول متفقهدن قره .
طاغیلرک حدود خاقانی تجاوزله بالفعل حربیه مباشرت ایتملری اوزرینه عساکر شاهانه دخی
بالمقابله تشکیل اعدایه مسارعت اتمی کسب ضرورت ایلش و بناء علیه باش قوماندانلق و کانتی
جانبندن شرق و غرب اردولرینه او یولده اوامر لازمه اعطاسی اقتضا ایدوب بو جهتک عتبه
شاهانه یه عرضیلر اراده سنیه ملوکانه نک استحصالی امور طبیعیدن بولمیشدر . باب عالی و دوائر
عسکریه نک اوصرمده معروض اولدیغنی مشاغل و مشکلات عظیمه سببیلر شاید او وظیفه رسمییه نک
ایضاسنده ذهول واقع اولمش ایسه مسئله نک بدایتندن نهایتنه قدر قرنائی شاهانه وساطتیه تمادیا
استکناف احواله بذل عنایت بیورلدیغنی کی طرف صدارتدن دخی پیدرنی معروضات تحریریه
و شفاهیله ایله جریان ایدن معاملات بتفصیلها قرین اطلاع جناب پادشاهی اولدیغندن شو حرکت
عسکریه نک اساساً تصویب هایونه عدم اقترائی ادعا ایدیلر من .

اگر اوله اولسه ایدی درحال قایینه یی ارشاد ایله وظیفه رسمییه یی اغاده ذهول ایدلمسک
اسبابی استیضاح بیوریلورایدی ، شیمدی یه قدر طرف اشرف ملوکانه دن بو باده برکونه اعتراض
و ادعای متضمن اراده سنیه شرفصادر اولماسی ده ملاحظه معروضه یی تأیید ایدر .

زیرا بویکیفیت صرف حقوق مقدسه شاهانه یه تعلق ایدر بر مسئله در . تقریرک یدنجی مذکور
باب عالینک حرکات عسکریه نک طرز اجرا سنده قارشمه صلاحیتی اولمادیغنی حالده هیئت و کلا قراریلر
تجاوزی حرب اجرایی ایچون باش قوماندانلق و کانتیه امر و یریلرک تحشیداتی هنوز اکل
ایتمه مش اولان اردولر مرکز فلاکته سوق ایدلمی و هر مبعوثک مدت مأموریتی قانون اساسی
حکمنجه درت سنده عبارت اولدیغنی حالده ایکنجه دفعه انتخاب اولنان هیئت مبعوثانک وظیفه سنی

حکومتها مختلف فيه اولان مده حقند. بيان رای و مطالعه حصاريله مجلس مبعوثانی فسخه و قانون اساسی بی تفسیر تصدی اولغسی کی ایکی فقره بی متضمندر .

فقره اولی ده بیان اولان قرار هیئت و کلاجه اتخاذ اولغس ايسده حربیه نظارتک طلب و ایضا حنه مستند اولاجی مجلس و کلا ضبطامه سنک تدقیق و مطالعه سیله تعین ایدر. ارکان حربیه عمومییه مزك فن حاضر حرب ایجابجه تدافعی حرکت اکثریا منلوبیق و تجاوزی حرکت مظفرتی انتاج ایده چی نظریه سنی قبول ایله عندالحاربه دشمنی ملکمزه دخوله میدان و یریه مزك ممکن اولدیغی درجه دشمن اراضی سنده محاربه یه غیرت اولغسی رای و فکرنده اولدیغی ناظم باشا بالذفات مجلس و کلا ده افاده ایتشدی. یوقسه فن حربیه عدم وقوفی طبیعی اولان هیئت و کلاک بویله خود بخود تجاوزی حرکت ایچون باش قومندان و کینه امر و یرمسی هیچ بر عقل سلیم صاحب قبول و تصدیق ایده مز. اکل تحشیدات ایچون هیئت عسکریه طلب ایتدیکی مدت مع زیاده قزانلیدی کی دشمنک فعلاً حربیه مباشرتی اوزرینه اردوی هایونک دخی مقابله یه ابتداری امور ضروریه دندر. سو قیاتک تسریعه تحشیداتک اکلی خصوص سنده تأخرات واقع اولش ايسه مسئولیتی آنفاً عرض اولدیغی وجهه دائره حربیه عائد اولق لازم کایر. مع هذا سو قیاتک زمین و مکانک مساعدسی درجه سنده اوله بیله چی واستطاعت بشریه نک دائره امکانی تجاوز ایدمه چی نظر انصافه آئیر و کتله واحده شکنده ملکمزه هجوم قصدنده بولسان اعدای متفقهدن برینک هانکی جهتده اولورسه اولسون حدود دمری تجاوزله حربیه ابتداری کورلیدیکی حالد اردوی هایونک ده ایفای وظیفه ده تجوز تراخی ایدمه چی بی طرفانه تأمل اولور ايسه هیئت عسکریه نک دخی بو بایده معذور کورلسی لازمه حقایقندر .

فقره ثانییه کلاجه ممالک متمنده نک اکثری سنده مجلس مبعوثانک فسخیله انتخابات جدیده اجرایی حکومتارک تقدیرینه منوط اولدیغی شهیدن آزاده در . ته کم اعلان مشروطیتندن صوکره اینک دفعه کشاد اولغان مجلس مبعوثان دخی سعید باشا قاینه سی طرفندن سد و تعطیل ایدلشدی. بالاده تفصیلاً عرض اولدیغی اوزره سعید باشا قاینه سنی استغایه مجبور ایدن آرناود ارباب قیامی ایکنجی مجلس مبعوثانک ده سدیله عادلانه و بی طرفانه انتخاب اجرایی شرائط سائره میانده اولورق مصرانه تکلیف ایتدیلر . مذکور قاینه یه خلف اولان غازی احمد مختار باشا قاینه سی هیئت عسکریه نک اظهار عجز ایتدی قیام مذکور ی تسکین ایچون تکلیفات واقعه بی قبول و اجرادن باشقه چاره کورمدی. زیرا آرناودلق اغتشاشنک دوامی دولت ایچون عظیم برتهلکه حاضر لامقدمه ایدوکی عیناً کورلمکده ایدی . بناء علیه بو بایده طریق قانونی یه مراجعتسه نقطه نظری بی مرجع تفسیر اولان هیئت اعیانه عرض ایتدی . هیئت مشارالیه انک تدقیقات و مباحثات

عمیقہ نتیجہ سی اولارق اکثریت عظیمہ ایلہ ویردیکی قرار تصویب عالی ملوکانہ یہ اقتراز ایتمکله
شرفصاحب اولان اولادہ پادشاهی حکم جاملی اوزره انتخابات جدیدہ اجرا اولمقی شرطیلہ مجلس
مذکور سد ایدلدی .

او قرارک بو نتیجہ سی تضمن ایتمدیکنی ادعا ایلہ مک هیئت ایمانک مقرراتی تعلیل وتفسیرہ
تصدی معناسی تضمن ایدرکے بو وظیفہ تقریر صاحبیلہ مجلس مبعوثان دردنجی شعبہ سنک صلاحیتی
خارجندہ در . بناء علیہ بو مسئلہ دن دولایی غازی احمد مختار پاشا قاینہ سنہ تحمیل ایدلک
ایستہ نیلین مسئولیت هیئت ایمانده شامل اولمقی اقتضا ایدر . حتی قانون اساسی حکمنجہ نفس
نفیس شاهانہ مقدس وغیرہ مسئول اولدینی حالده قرار مذکور ارادہ سنہ ملوکانہ ایلہ موقع اجرا یه
وضع اولدینغندن بو مسئولیتدن بر حصہ معنویده ذات ملائکمت شہریاری یه عائد اولمقی
لازم کلیر . حالبوکے مذکور قاینہ نک شو حرکتی حکم قانونه و ایجاب مصلحت و منفعت دولته
موافق اولدینغندن بر کونه مسئولیتی ایجاب ایتمہ چکی اصحاب وقوف و عرفانہ غیر خفیدر .
ایکنجی تقریرک خلاصہ مؤداسی اثنای حربده دول معظمہ نک در سعادته بولسان سفن
حربہ سندن عسکر اخراجیلہ پای تختک محافظہ ایدلسی باب عالی جنبندن سفرا یه تکلیف وامور
ضابطہ مملکتک اداره اجنبیہ یه تودیع اولدینغی مشعردر .

دشمنک ایام اخیرده چنانچہ استحکامتنہ هجوم ایلہ پای تختی تهدیدہ باشلامسی شہر خلقنی
تلاشہ دوشوردیکندن دول معظمہ سفرا یی غلطه و بک اوغلی جهنندنه و بوغاز ایچنک روم ایللی
یاقه سندنه مقیم تبعہ اجنبیہ یی محافظہ ایتمک اوزره مواقع مذکورہ یی مناطقہ تقسیم ایدرک کندنی
زرہلی کیملرندن قومیہ عسکر اخراجیلہ یرلی ضابطہ مأمور لرینه ترفیقہ بینلرندہ قرار ویردکارینی
بیان ایلہ طرف حکومتدن بو بؤده اداره ضابطہ یه تعلیمت ویرلسنی بب عالیدن طاب و التماس
ایدیلر . قوہ ضابطہ حملہ نک کفایتیلہ برابر شہرک آسایشی محافظہ ایدہ بیله چک قوہ عسکر یه ده
موجود و یرلی اہالی ایلہ تبعہ اجنبیہ نک محافظہ سی حکومتجہ ده فوق الغایہ مطلوب اولدینغندن
بویله بر تدبیرہ حاجت مس ایتمہ چکی لسان مناسبہ کندیلرینہ تفہیم اولندی . فقط قبول ایتمدیلر .
ومقدانکرده چنانچہ استحکاماتی دشمنہ مقاومت ایدہ مہرک عسکر کوزک شہرده و علی الخصوص
محل ثروت اولان غلطه و باب اوغلی جهنملرندہ تمذباتہ جرأت ایملری محتمل اولدینغندن بو
قراری تطبیق واجرا ده معذورز « دیہرک تکلیف واقعدہ اصرار ایتمدیلر . حکومت ایسہ اوصہر ده
سفرا یی مشار الہمی اقتناع و ازام ایلہ تکلیف مذکور ی رد خصوصیتجہ اظہار نبات ابدہ چک بر
حاک و موقعہ دکل ایددی . بناء علیہ عساکر مرقومہ نک جہات مباحوث عنادہ بولنان قوہ ضابطہ
عثمانیہ رفاقتندہ و صورت موقعہ ده استخدامت بالضرورہ مساعدہ ایدلدی .

اگر بوی تکلیف تقرر صاحبك ادعای وجهه قاینه طرفندن وقوع بولاش اولسه امانت و خزینه هایونك مقری اولان استانبول جهتی بوجافله تدبیرندن استغنا ایدیایمی ایدی ؟ بو مدعیاتك مجرد غازی احمد مختار و کامل پاشا قاینه لرینی اتهام ایدیه بیلیمك ایچون ثمالندارك سرد ایدیه لیمكه اولدییی بی غرض اولان اصحاب حیت و وجدان نزدنده شك و ارتیبایدن آزاده تر .

سالف البیان تقرر لرله علاوه شعبه جه ایراد ایدیلن سؤاللردن بری ده بلغارلرله یاپیلان متارکده ادرنیه ارزاق ویرلمسی مجلس وکلاجه مقرر ایکن صاووفك تکلیفاتی نه سببله بزم مرخصلر طرفندن قبول ایدیلرک ادرننك ارزاقنر بر اقلدیغنی متضمندر .

فی الحقیقه مجلس وکلا شرائط متقابله ایله عقد متارکه ایچون مرخصلره مأذونیت ویرمش ایدی . حریبه ناظری و باش قوماندان وکیل صفتیه مکالمه یه مأمور اولان ناظم پاشانك مجلس وکلا قرارینه مبین اولان بوی تکلیفی قبول ایتیمی هیئت وکلاییه حیرت و اضطراب ایچنده بر اقلدیغندن مجلسده کنیدی سندن استیضاح ایدلدی . صاووف مجلس وکلا قرادی وجهه عقد متارکه یه موافقت ایدرک طرفین مرخصلری جانبندن امضا ایدلک اوزره او بولده بر سند دخی تنظیم ایدلشمسده ایکنجی بلغار مرخصنك اخیراً صوفیه دن آنش اولدییی بر امر اوزرینه ادرنیه ذخیره ادخال ایدله مسی قیدینك سنده درجی خصوصنده اصرار و صاووفكده بالغمروزه موصی الیه اتباع ایتیمی متارکدنك عقدینی اشکال و تأخیر ایلمسنه و حال بوکه چتالجه استحکام تئنده طولیلرک کولله لر قالمادیغندن خاصمه یه دوام اولنورسه ایکی اوچ کوندن زیاده مقاومتیه امکان اولمادیغنی جهته معاذ الله تعالی دشمنك پای تحق اشغال ایتیمی طبعی بواندیغنه بناء ایام متارکده نواقصمزی اکمل ایدرک لای الحاجه استیضاف حرب ایدیه بیلیمك اوزره بوتون مسئولیتی عهدسینه آلاق شرط مذکور ی قبول ایله متارکه سندینی او صورتله تصدیق و امضا ایلدیکنی و عموم قوماندا عهدسنده اولدییی جهته بوصلاحیتك و بوندن متولد مسئولیتك شخصنه عائد اولدییی معروض جوابده درمیان ایلدی .

واقعا بالاده عرض اولندیغنی وجهه استحکامات مذکورده آتیه حق کولله نك آز قالدییی اولجه اخطار اولنماسی اوزرینه در حال آلمانیا فابریقه لرندن تدارك و ارسالی مقدما آلمانیا یه کوندرلش اولان مأمور مخصوصه تلغرافله توصیه اولندیغنی کی طریزون و محال سائرمده موجود کولله لرک جلیله اداره مصلحته چالیشلمش ایدی .

متارکدن بالاستفاده مذاکره صالحیه ائناسنده قوتلی بولنق اوزره رومانی طریقله آلمانیان مقدار کافی مهمات جلیله اودوی هایونك تقویه سنه موفقیت حاصل اولدی .

هر ششیده مطلوب اولان غایه در. مشارالیک افاده سی وجهه ضرورت ملجئه به مستند اولسده بو شرطك قبولی بالطبع مستلزم تأسفات اولقله برابر ادرنه بی ذخیره سزك یوزندنی تسلیمه مجبورت حاصل اولدی؟ حالبوکه ادرنه به صورت خفیه ده ذخیره ادخال اولنه بیلکه ایدی. نه کیم کامل پاشا قایینه سنك سقوطیله استیناف حرب وقوعدن سوکرده دشمنه مقاومت ایتدی و نهایت دشمن قوت متفوقه سیله حرباً الیزدن آلدی. بناءً علیه بوندن دولای مذكور قایینه بی اتهامه چالشمق موافق حق اوله ماز.

طنین غزته سنك ایکی بیک بش نومرولی نسخه سنده محرر اولدینی وجه ایله کامل پاشا قایینه سی طرفندن سرای هایونده طوپلانان مجلس عمومی به ادرنه نك ترکی حقننده بر قرار اتخاذی تکلیف اولندیغه دائر دردنچی شعبه جه ایراد ایدیلن سؤال صحیح ایسه افترای محضدر. چونکه هیئت وکلا جانبندن بویله بر تکلیف وقوع بولادینی مجلس مذکورده حاضر اولان ذوات کراجه معلوم و مصدقدر. کامل پاشا قایینه سی هیچ بر وقتده ادرنه نك بلغارلره ترك و تسلیمه موافقت ایتدی. دول معظمه نك تکلیف و اصرارینه قارشو ادرنه نك بی طرف بر حکومت اسلامیه شکنجه افراغنی صو ك نوطه سنه درج ایله دول مشارالیمه تکلیف ایتکه قرار ویردی. اینوز مدیه خطندن اعتباراً ادرنه ده داخل اولدینی حالده ارناودلقدن ماعدا بنون روم ایلینك دول متفقیه ترکی قبول و امضا ایدن محمود شوکت پاشا قایینه سی اولدینی انکاره مجال وارمیدر؟

برده غازی احمدخمار پاشا قایینه سی موقع اقتداره کلنجه جمعیه منسوب برچوق مأمورینی عزل ایله نااهلاره تودیع امور ایتدیکی و کامل پاشا قایینه سی دخی او وقت وکلای سابقندن اولوب الیوم موقع اقتدارده بولنان بعض ذوات محترمه بی تحت توقیفه آلدینی مدار اتهام اولق او زره مرد و اتیان اولنور. هر بر حکومت ایجاب حاله کوره مأموریندن بعضیلرینی عزل و تبدیل و لزوم کوردیکی ذواتی موقناً توقیف ایتک صلاحیتی حازدر. شو قدرکه بواجراآت قانون و اصوله موافق و حق و عدله مقرون اولق اقتضا ایدر. موضوع بحث و شکایت اولان انتخابات معهودده صفت حکومته لایق و مترتب اولان قاعده بی طرفی بی اختلال ایله جمعیت حسابنه جبر و شدت استعمال ایلدکاری تواتراً بیان و اشتکا اولنسان بعض ولایه و مأمورین؛ داخلیه نظارتی طرفندن عزل ایدیلرک اجراسی مقرر اولان انتخابات جدیدنك سلامت جریانیه افکار عمومی نك تأمین ضمتنده بی طرفلقرینه اعتماد اولنان ذوات تعیین ایدلشدی. انصاف ایله تأمل اولنسون؛ کامل پاشا قایینه سنك سقوطندن سوکره او قایینه ایله غازی احمد

مختار پاشا قایینه سنک داخله ناطورلری طرفندن تعیین اولنان ولایه و سائر باشلیجه مأمورلردن بعضی مسئولیتدن ماعدا هانکیسی مأموریتده ایفا اولندی شائبه مخافت شویله دورسون جمعیه اتساب و صداقتی بحقیق عد ایدلین مهمجه و بلکه طبقه وسطی و عادیده بولنان مأمورلرک بعضیمی تقاعده سوق و بعضیسی ده برر بهانه ایله عزل ایدیلرک یرلرینه هپ منسوبین جمعیت نعب و تعیین ایدلکاری محل اشباشامیدره محمود شوکت پاشا حادثهسی سببیه دیوان حرب عرفیجه محکوم ایدیلنلردن باشقه یالکیز کندیلرنده شائبه مخافت محسوس اولماسندن ناشی اناطولی ایجورلرینه و بلخاصه سینوبه تبعید اولنان بیکارجه خلق نهکی تحقیقات عادلیه و هانکی محکمه نك حکم و قرارینه توفیقاً خاتمالرندن دور و حیات مسعوده عائله دن بهجور ایدلی ؟

فرض ایدم که حفظ آسایش مقصد مهمی حکومت حاضرین یولیله بر تدبیر فوق العاده یه سوق ایتمی اولسون . سینوبه بر هیئت تحقیقه اعزامیله معصومیتی آکلاشیه لالدر در حال مآوازیسه اعاده اولنه حق ایدی . آرادن بر سنده دن زیاده زمان کچدیکی حلاله نه یاییلیدی و نه کی نتیجه ندالت کوسترلیدی . طرف و تقریبی بولوبده بو دام ابتلا دن قورتلره بیان اشخاص معدوده دن ماعدا بر جم غفیرک کندیلری منفالرنده و افراد عائله لری استانبولده بشوراده بوراده نان باره یه محتاج اوله رق سفیلانه امرار اوقت و بعضیلری آجلق و سفات یوزندن غریبانه ترک دغدغه حیات ایتمکده اولدقلری عامه جه معلوم اولدینی و بو بچاره لرک واپورلره دولدریله رق سینوبه سوق اولندقلری کون آفاق طوتان فریاد و اینله قایقلر دروننده معاونتدرینه شتاب ایدن افراد عائله لرینک افغان جانخراشندن منحصلا بر منظره محشر نمون ؛ یرلی اهالیدن باشقه خلیجده کی اجنبی واپورلردن دورینلرله بو حال وحشت اشتهالی تماشا ایدن اوروبایلری بیله دلخون ایستدیکی حلاله محایف ناموس ملیمزی قارالسان بو احوال الیه دن شمدی هیچ بحث اولنمیوبده بالاده عرض اولندینی وجهله مجلس وکلا قراریله سبیللاری تخلیه ایدیلان رجال معلومه نك اداره عرفیه جه اوج بش کون توقیف اولخانلردن طولای کامل پاشا قایینه سنک اتهامه قیام ایدلمی طوغریبی ابنای وطنمزی کریان و اغیاری خندان ایدمک حال احوال عجیبه دندر . اک زیاده شایان تأسف اولان جهت رفع مظالم ایله محافظه احکام قانون وظیفه اساسیلری اولان مبعوثین محترمه نك بو باده وکلای حاضرمدن طلب ایضاحات ایله عالم مدنیت نظرندده ماهیت اخلاقیه و درجه قابلیت ملیه منزی ارائه و تعیین ایتمکده اولان بو مثالو حالاتک منع تکررینه چاره ساز اولمالری حیه لازم و ذمت کفایتلرینه متحتم ایکن عقل و منطقه و عدل و حقه تطبیقی قبل اولیان تلقیناته قارشى مبهوت اوله رق خائفانه التزام سکوت ایتملریدر . بز بوکون شقاق و نفاقه دکل خیر و

منفعت دولت یولنده اتحاد و وفاقه محتاجز . حالک بومنوال اوزره دوامی روم ایلینک ضعیفی کی
معاذالله بتون عثمانلیلری و بالخاصه مسلمانلری آغلاته جقدها نیجه و خیمه تیجه لر تولید ایده چیکی
ظهور آناریله تعین ایتمهکده باشلادی (تعاونوا علی البر و التقوی و لاتعاونوا علی الایمه و المدوان)
امر جلیلی ایله عالم اسلامه خطاب بیوریلیور ایسه دهه بونص مبینک حاوی اولدیفی حکمت
بوتون عالم بشریت ایچون بر دستور سیاستدر .



مرحوم جمال الدين افندي حضرت تليزنيك ترجمه حالي



شيخ الاسلام محمد جمال الدين افندي حضرت تليزنيك رحمه الله عليه و آله و عترته الطيبين الطاهرين اجمعين و قد تولى تدريس العلوم الشرعية و الفقهية و الحديثية و اللغة العربية و الفارسية و الهندية و غيرها من العلوم و كان له في ذلك عظمى من العناء و قد تولى تدريس العلوم الشرعية و الفقهية و الحديثية و اللغة العربية و الفارسية و الهندية و غيرها من العلوم و كان له في ذلك عظمى من العناء و قد تولى تدريس العلوم الشرعية و الفقهية و الحديثية و اللغة العربية و الفارسية و الهندية و غيرها من العلوم و كان له في ذلك عظمى من العناء

والده لزيك بدرلي دخی سلالة کواکبه دن عصر عالی حضرت عبدالحمید خان غازي صدور فغانندن الحاج محمد سعید افندی ابن عبدالباق افندیدر.

زيك ايكوز آلتش دوت سنه سي مارتند درسماتند تواد ايتشدر. مكاتب ابتدائية ده تعلیم مكره بعض متبحرين اساتذه دن و پدر عالي لزيك تريب معروف اوزره علوم عربيه بي و معالين مخصوصه دن فنون متداوله بي تدرس و اكالم ايتشدر.

زيك ايكوز سكار يدي ايلرند بپ والای فتوى مکتوبی اوله سنه دخول اليوب سکان يدي تشرین تاپسند مشيخت اسلاميه مکتوبچيلفي معا ولکنه وسکان سکر سنه سي کانون تاپسند آناتولي قاضيسکری مکتوبچيلفنه و سنه مرقومه عدليه نظارتند درسمات برنجي جزا محکمه سي محررات شعبه سي معا ولکنه و طقسان بر سنه سي کانون تاپسند محکمه مزبورہ قاضی مديريتنه و طقسان اوج سنه سي مارتند دائره مذکورہ شعبه سي ميمزلکنه و سنه مذکورہ مایسند محکمه تميز حقوق دائره سي ميمزلکنه و طقسان دوت سنه سي تاپسند دائره مشيخت عليا مکتوبچيلفنه تمين اوله رق اوچيوز طقوز سنه هجريه سي بحرې سلخه مصادف اوچيوز يدي سنه سي آغستوسنک يکرمي ايکنجی کونی قرق اوج باشنده ايکن عهده اسمالرينه مسند مشيخت اسلاميه تفويض بيورلش و اون سکر سنه بلا فاصله مقام جليل مشيخت اسلاميه ده بولشدر.

زيك ايكوز سکان اوج سنه سي ذی الحجه سنک يکرمي يديسند با ابتدای خارج استانبول مدرسلکنه و سکان سکر سنه سي جاذی الآخرمه سنک اون برنده حرکت خارج و ذی القعدة سنک بشنده ابتدای داخل و سکان طقوز سنه سي شهر شريف شعبانک اوچنده حرکت داخل و طقسان ايکی سنه سي شوالک طقوزنده موصله سخن و طقسان اوج سنه سي جاذی الآخرمه سنک يکرمي برنده سخن ثمان و ذی القعدة سنک يکرمي بشنده حرکت آلتشلی و طقسان دوت سنه سي ذی القعدة سنک طقوزنده موصله ساپايه مدرسلکرينه ناقل اولوب طقسان بش سنه سي جاذی الآخرمه سي غرمسند مخرج و طقسان آتی سنه سي شهر ربیع الآخرینک اون طقوزنده بلاد خمسه و ذی الحجه سنک اون اوچنده حرمين محترمين و بيک اوچيوز ايکی سنه سي شهر رمضان شريفک اون طقوزنده استانبول و اوچيوز آتی سنه سي جاذی الاوليسنک اوچنده آناتولي قاضيسکری و اوچيوز سکر سنه سي شهر شريف رمضانک يکرمي سکرزنده روم ايی قاضيسکریکي پايه لريني و طقسان يدي سنه سي بحرمنک دردنده اوچنجي و اوچيوز ايکی سنه سي شوالک برنده ايکنجی و اوچيوز آتی سنه سي شهر رجب الفردی غرمسند برنجي مجیدی و اوچيوز سنه سي شهر ربیع الآخرینک ايکسند اوچنجي و اوچيوز يدي سنه سي شعبان المعظمنک يکرمي بشنده ايکنجی و اوچيوز طقوز سنه سي صفرالخیر غرمسند برنجي رتبه دن عتافي نشان ذيشانلريني و سنه مرقومه شهر ربیع الاولک اون اوچنده عثمانی و ذی الحجه سنک اون اوچنده

مجیدی نشان عالیترینك برر قطعه مرصعه‌سی و شهر مذکورك مقورده آلتون ایاقق مدالیه‌سی احرار بیوردیشلردر. مشارالیه بیک اوچیوز اون سنه‌سی شهر شوال مکریمی غرمه‌سینده مرصع افتخار و بالاخره مرصع امتیاز نشان عالیتری احسان بیوریشلدر. اوچیوز بکرمی دوت سنه‌سی شیاونک برنده بالاستغفا مقام مشیختن انفصال و اوچیوز بکرمی آتی سنه‌سی مایس غایه‌سینده با استدنا اختیار تقاعد ایلتلر ایکن اوچیوز بکرمی سکز سنه‌سی تموزینک پدنجی کونی ایکدنجی دقمه مقام مشیخت اسلامییه نصب بیوریوب اوچیوز بکرمی سکز سنه‌سی کانون نایب‌سینک اونجی کونی باب عالی وقعه مؤسسه‌سی اوزرینه ظهور ایدن تبدل وکلا حبسیله انفصال ایشلردر.

مشارالیه ایک دفعه ایفای فریضه حج شریف ایلیوب دها پک کنج یاشلرنده عربجه شعر انشاد ایلیه‌جک درجه‌ده ابرار اقتدار و ایاقق ایلدکاری کی مخاطب‌لرینه حیرت الفا ایدم‌جک قدر واسع مطالعاته و ذلط ذکایه مالک ایدی، خالی زمانلر تی مطالعه حصص ایشلردی. مشارالیه خصوصیتیه مطلع اولان پک چوق ذواتک ایوم حکایه ایلدکاری وجهه جمال‌الدین افندی: سن مکلفیتلرندن و قالمیرینه قدر نمازلرینی بکیرم‌دکاری کی اعدار وقوعنده دخی درحال قضا الیرلر و مشیخت علیا مقامنده بر دفعه بیله بلاوضوه انشای وظیفه ایش دکلردی.

عصر اخیرده مشارالیه قدر اداری و سیاسی بر رخیل ذواته آز تصادف اولنوب بعض مسائل مهمه‌ده مصدده حیت و اقتدارلرندن استفاده ایلدکی کی مسائل سیاسییه سرد ایلدکی مطالعات، لورد کچنرک حیرتی جلب ایدرک بوکی ذواتن تملک‌لرنده استفاده اولنمسه تأسف ایتدیکنی مرحوم مشارالیه غایبنده بر چوق ذواته حکایه ایشلدر.

مشارالیه دولت علیه عثمانیه زینطلی نامیه معروف شیخ الاسلام علی علاء الدین الجمالی افندیدن موکرمه الک چوق مقام مشیختنده بولسان بر شیخ الاسلام ایدی. وزیر اعظم نشانجی محمد پاشا: مرحومک اجداد کرماندن اولدینی کی اجداد وجدات جهنندن مختلف تاریخی عائله‌له منسوبدر. بالخاصه سادات محترمه کواکیبه‌دن بولملری حبسیله سلاطه طاهرملری جناب قخر المرسلین افندمره تمتد بولمقده ایدی. مشارالیه بیک اوچیوز اونوز بش سنه‌سی نیساننده مصرده رمله‌ده یتیم‌ایکی یاشنده اولدینی خالده ارتحال دارنیم ایش و نیش مغفرت نقشلری استانبوله نقل ایلدلرک فاتح جوارنده اولتجی یوقوشنده عائله‌لری مقبره‌سنه دفن اولنیشدر.

اسکندریه جنازه مراسمده اونوز بیکی متجاوز مسلمان حاضر بولندی کی استانبوله‌ده وکلا واعیان و عدای اسلامییه ایله معظم برجاعت جنازه‌لرنده بولنشلر و بالخاصه فاتح جامع شریفندن قبر شریفینه قدر تمتد اولان طریق: باشند باشه مشارالیه مشتاق مزایا و عرفانی اولان برجاعت کبرایه مقر اولمشدی.

«اعتقاد» جریده اسلامییه‌سی: مشارالیه وفاتی حبسیله تخصیص ایتدیکنی مقاله‌یه شو سطرله نهایت دیر یوردی:

«سلطان عبدالجید خان ثانی کی ذکا و درایتجه امثالی نامسبوق بر حکمه‌لرک، مصرده لورد کچنرک کی

معروف بردیولوماتك مظهر تقدیری اولسی ومله ژون تر کلاړك. کامل پاشادن زیاده عداوتلرنی جلب ایش بولونی :
مرحوم مشارالیهك درجه افتداریخی کوسترمکه کافیدر (جمال الدین افندی وفات ایتدی) دیک : یوشمیر رجال
دوره سنده علمیه : اڅ ممتاز بر فردینی، دولت عثمانیه : اڅ یوکسک بر صاحب کبالت و سیاست، عالم اسلام :
اڅ معروف بر شیخ الاسلامی ضایع ایتدی دیمکدر »

« ترجمه استانبول » غزته سنده دخی آتیده کی سلیس مرثیه بحرر ایدی :

جمال الدین افندی اول سکز ییل باب فتواده

معانی پاش اولوب مفتی الانام کامبین اولدی

تحلی ایلدی فائنده پک علوی فضیلتلر

وجودی حسن اخلاقه کتاب مستبین اولدی

مشيخت مسندین یوکسلندی حکمتله ، عدالتله

بتون دانشورانه دستکیر و هم معین اولدی

فصاحتده ، بلاغتمده نظیرین کورمه دك الحق

اكا علامه لر تلید زانو بر زمین اولدی

مهمات مسائله آتک ادراك و اذعان

بو ملك و ملتله بر چوق زمان جبل المتین اولدی

نه بدبختزكه قالدق صوك زمان محروم فیعنندن

افولی شمعی حیفا باعث آه و اینین اولدی

مصرده (ارجعی) امرین آلینجه ویردی فتواسین

او فتوادن چیتان (لیلک) صداسی بر طنین اولدی

جهانی ایتدی استیلا او دامی کالاک

ضیاع ناکهانیسی بقوق دللر حزین اولدی

سمیدا ! جاریار امداد ایدوب یازدم تمام تاریخ

جمال الدین افندی نائل خلد برین اولدی







Cemāleddin, Mehmed
Hâtırat-ı siyāsiyesi

DR
568
.8
C36A3